

শহীদ কাদরী

লেখা না-লেখার গন্তব্য

জ্যোতিপ্রকাশ দত্ত



আমাৰ বাটি



কবি শহীদ কাদরী প্রবাসী। তবু কী আশ্চর্য, বাংলাদেশের
হৃদয়ে তাঁর স্থান। অতি বিরলপ্রজ তিনি। সাকুল্যে চারটি
কাব্যগ্রন্থ বেরিয়েছে তাঁর। অথচ এর মাঝেই বাংলা
কবিতায় তাঁর স্বাক্ষর চির উজ্জ্বল। তাই কবিধ্যাতির শীর্ষে
তাঁর অধিস্থান।


অন্যদিকে জ্যোতিপ্রকাশ দত্ত, বাংলা সাহিত্যের অন্যতম
প্রধান গল্পকার, ব্যক্তিগত জীবনে যিনি শহীদ কাদরীর ঘনিষ্ঠ
বন্ধু। কাকতালীয় বিষয় হলো, তিনিও দীর্ঘকাল প্রবাসী।
দীর্ঘ বিরতিতে আবারও লিখছেন তিনি।

শহীদ কাদরীর মনে, শোনা যায়, একটি কথা কখনো
উঠেছিল, আর সেটি হলো বন্ধু জ্যোতিপ্রকাশ তাঁকে নিয়ে
কখনো কিছু লেখেন নি। হয়তো এই জন্যেই এবার
জ্যোতিপ্রকাশ কলম ধরলেন, বন্ধুর মুখোমুখি হলেন, প্রশং
ছুড়লেন নানা বিষয়ে।

শহীদ কাদরীর লেখা না-লেখার কথা, জ্যোতিপ্রকাশেরও,
আর দুজনের অন্তরঙ্গ আলাপচারিতা ঠাই পেয়েছে এ গ্রন্থে।
এছাড়া পাঠকদের জন্যে বাড়তি আকর্ষণ হিসেবে থাকছে
হীরক খণ্ডের মতো জ্বলজ্বলে শহীদ কাদরীর একগুচ্ছ
কবিতা। সব মিলিয়ে বলা যায়, এ এক আশ্চর্য যুগলবন্দি!

আধাৰ বই

প্রচন্ড : ধ্রুব এম্বুজিয়ার পাঠক এক হত্তি



এদেশের সাহিত্যে আধুনিক ছোটগল্লের কি গদ্যরচনার
উৎকর্ষবিষয়ক যে-কোনো বিবেচনার ক্ষেত্রেই
অনিবার্যভাবে যাঁদের নাম উঠে আসবে, জ্যোতিথ্রকাশ দন্ত
তাঁদের অন্যতম।

জ্যোতিথ্রকাশ দন্ত-র জন্ম কুষ্টিয়ার আমলাবাড়িতে।
কুষ্টিয়ায় জন্ম হলেও শৈশব ও কৈশোর কেটেছে পাবনা ও
বগুড়ায়। স্কুল-কলেজের পাঠ্যাবণ্ণ ও বগুড়ায়। ঢাকা
বিশ্ববিদ্যালয় থেকে বাংলায় স্নাতক (সম্মান) ও
স্নাতকোত্তর ডিপ্রি লাভের পর সাংবাদিকতা বিভাগ থেকে
ডিপ্লোমাও অর্জন করেন। তারপর যুক্তরাষ্ট্র থেকে
গণযোগাযোগে এমএস ও সাংবাদিকতায় পিএইচডি ডিপ্রি
লাভ করেন।

কর্মজীবনের শুরু হয় বাংলা একাডেমীতে। সেখান থেকে
যান বাংলাদেশ অবজারভার-এ। যুক্তরাষ্ট্রের বিভিন্ন
বিশ্ববিদ্যালয়ে অধ্যাপনা ও জনসংযোগ/সম্পাদনার
পেশায় কেটেছে দীর্ঘকাল। শেষের আট বছর বিশ্ববিদ্যালয়
প্রকাশক জন ওয়াইলি এ্যান্ড সঙ্গ পাবলিশার্স-এ।

মাঝখানে দেশে ফিরে বাংলাদেশের অন্যতম বৃহৎ
এনজিও ‘প্রশিকা’-র তথ্য পরিচালক হিসেবে দায়িত্ব
পালন করেন। একইসঙ্গে ইস্ট ওয়েস্ট ইউনিভার্সিটিতে
যোগাযোগ ও তথ্য প্রযুক্তি বিভাগেও খণ্ডকালীন প্রফেসর
ছিলেন। সিটি ইউনিভার্সিটি অব নিউইয়র্কে খণ্ডকালীন
অধ্যাপক হিসেবে যুক্ত আছেন এখনো। কখনো
নিউইয়র্কে কখনো ঢাকায় বাস তাঁর।

আমার বই
দুঃখিয়ার পাঠক এক হত্তি

~ www.amarboi.com ~

শহীদ কাদরী
লেখা না-লেখার গন্তব্য

আধাৰ বই
দুণিয়ার পাঠক এক হও

শহীদ কাদরী লেখা না-লেখার গল্প

জ্যোতিপ্রকাশ দত্ত

আমাৰ
অন্যপ্রকাশ
দুণিয়াৰ পাঠক এক হও

এছুম্বত্ত শেখক

প্রথম প্রকাশ : একুশের বইমেলা, ফেব্রুয়ারি ২০১৩

লেখক এবং প্রকাশকের সিদ্ধিত অনুমতি ব্যতিরেকে এই বইয়ের কোনো অংশেরই কোনোরূপ পুনরুৎপাদন
বা প্রতিলিপি করা যাবে না। কোনো যান্ত্রিক উপায়ের (গ্রাফিক্স, ইলেক্ট্রনিক বা অন্য কোনো মাধ্যম, যেমন
ফটোকপি, টেপ বা পুনরুৎপাদনের সুযোগ সংবলিত তথ্য সঞ্চয় করে রাখার কোনো পদ্ধতি) যান্ত্রিক
প্রতিলিপি করা যাবে না। বা কোনো ডিক, টেপ, পারকোরেট মিডিয়া বা কোনো তথ্য সংরক্ষণের যান্ত্রিক
পদ্ধতিতে পুনরুৎপাদন করা যাবে না। এই শর্ত সম্ভিত হলে উপযুক্ত আইনি ব্যবহা গ্রহণ করা যাবে।

প্রকাশক : মাজহারুল ইসলাম, অন্যপ্রকাশ

৩৮/২-ক বাংলাবাজার, ঢাকা-১১০০

ফোন : ৯১২৫৮০২

প্রচ্ছদ : ক্রম এষ

মুদ্রণ : কালারলাইন প্রিন্টার্স

৬৯/এফ হীনরোড, পাহাড়পথ, ঢাকা

মূল্য : ২২৫ টাকা (১২ মার্কিন ডলার)

Shahid Kadri Lekha Na Lekhar Galpo

by Jyotiprakash Dutta

Published in Bangladesh

by Mazharul Islam, Anyaprokash

e-mail : anyaprokash38@gmail.com

web : www.e-anyaprokash.com

ISBN : 978 984 502 129 6

দুরিয়ার পাঠক এক হও

উৎসর্গ

মহিদুল হক
আলমগীর রহমান
মাজহারুল ইসলাম
আমাদের আপনজন

আধাৰ কই
দুণিয়াৰ পাঠক এক হও

নিবেদন

এই গ্রন্থটির পরিকল্পনা দীর্ঘকালীন নয়। নিউইয়র্কে তাঁর ভ্রমণকালে অন্যদিন সম্পাদক মাজহারুল ইসলাম প্রস্তাব করেন অন্যদিন এ প্রকাশের জন্যে আমরা কেননা শহীদ কাদরীর সঙ্গে আমাদের আলাপ শব্দযন্ত্রে ধারণ করি-প্রায় সাক্ষাত্কারের ধরনেই! মনে পড়ে, শহীদ আমাদের এক বন্ধুর কাছে নাকি বলেছিলেন, ‘জ্যোতি আমার সম্বন্ধে কথনো কিছু লিখল না’। আমি তাই মাজহারের কথায় সম্ভতি জানাই।

দীর্ঘ সাক্ষাত্কারটি প্রকাশিত হলে মাজহার আমাকে বলেন, সাক্ষাত্কারটির সঙ্গে শহীদ কাদরীর কিছু কবিতা ও আমাদের লেখা না-লেখা সম্পর্কে একটি রচনা যোগ করলে ওইসব গ্রন্থকারে প্রকাশ করা যায়। শহীদকে সে-কথা জানালে তিনি রাজি হন। তবে বলেন, ‘এর সঙ্গে তোমার দুটি গল্পও কেন যোগ করে দাও না।’ আমি বলি, ‘শহীদ, তাহলে বইটির কাঠামোই পাল্টে দিতে হয়। এত দ্রুত সেটি সম্ভব কি?’ শহীদ বোঝেন। এই ঘন্টের পেছনের কথা এটুকুই।

শহীদের কবিতাসমূহ আমারই বেছে দেওয়া। তার অর্থ এই নয় যে তার অন্যসব কবিতা আমার পছন্দ নয়। নেহায়েৎ সীমিত সংখ্যক পৃষ্ঠার জন্যেই এই বাছাবাছি।

মাজহারুল ইসলামের প্রতি আমি কৃতজ্ঞ এই কারণে যে, এতকাল পরে বন্ধুর প্রতি প্রীতি প্রদর্শনের এই সুযোগ তিনি করে দিলেন। তাই কৃতিত্ব যা সব তাঁরই প্রাপ্তি।

শহীদ কাদরীও বন্ধুর প্রতি প্রীতি প্রদর্শনে অকৃপণ নন-একথাও এখানে লেখা থাক। এত অসুস্থ্রতার মধ্যেও দীর্ঘসময় কথাবার্তায় ব্যয় করা সেটিই প্রমাণ করে।

আমার কই
দুর্গিয়ার পাঠক এক হও

জ্যোতিষ্কাশ দস্ত
ডেলভার, কলোরাডো
ফেব্রুয়ারি, ২০১৩

সূচি

- লেখা না-লেখার গঁথ ১১
কবিত মুখোমুখি ২৯
শহীদ কাদরীর বাছাই কবিতা
বৃষ্টি, বৃষ্টি ৫৯
নগুসক সন্দের উত্তি ৬২
নশ্বর জ্যোৎস্নায ৬৪
প্রেমিকের গান ৬৫
উত্তরাধিকার ৬৬
পাশের কামরার প্রেমিক ৬৮
কবিতাই আরাধ্য জানি ৬৯
নিরুদ্ধেশ যাত্রা ৭০
পরম্পরের দিকে ৭২
বিপরীত বিহার ৭৩
ইন্দ্ৰজাল ৭৪
আলোকিত গণিকাৰ্বৃদ্ধি ৭৫
চন্দ্ৰালোকে ৭৬
এই শীতে ৭৭
চন্দ্ৰাহত সাঙ্গাৎ ৭৮
অঘজের উত্তর ৭৯
রাত্রি মানেই লেফ্ট রাইট লেফ্ট ৮০
শেষ বৎসর ৮১
অন্য কিছু না ৮২
রবীন্দ্ৰনাথ ৮৩
কবিতা, অক্ষয় অন্ন আমার ৮৫
তোমাকে অভিবাদন, প্ৰিয়তমা ৮৭
আজ সারাদিন ৮৯
কেন খেতে চাই ৯১
একটা মুৱা শালিক ৯৩
একটি ব্যক্তিগত বিপর্যয়ের জার্নাল ৯৫
বৃত্ত শতকের দিকে ৯৮
আমার চূমনগুলো পৌছে দাও ১০০
একে বলতে পারো একুশের কবিতা ১০১
তাই এই দীৰ্ঘ পৱনবাস ১০৩
সব নদী ঘৰে ফেরে ১০৫
প্ৰবাসের পঞ্চক্ষিমালা ১০৬
যাত্রা ১০৮
কাক ১০৯
নিরুদ্ধেশ যাত্রা ১১০

আমা কই
দুঃখিয়ার পাঠক এক হও

লেখা না-লেখার গল্প

আমাৰ
বই

দুনিয়াৰ পাঠক এক হও

এক

শহীদ কাদরী, বন্ধুবরেষু-কত সহজেই না লিখতে পারি। যদি লিখতে হতো বাংলা কবিতার অন্যতম প্রধান পুরুষ শহীদ কাদরী, কী লিখতে হতো কিংবদন্তির কবি শহীদ কাদরী, তাহলে তার কথা তার কবিতার কথা লেখা আমার জন্যে সহজ হতো না। কাব্যরসিক সমালোচক যেমন নির্মোহ দৃষ্টিতে কাব্যস্থী ও তার সৃষ্টির আলোচনা করতে পারেন, বন্ধু তেমন পারে না। এ কারণেই।

শহীদের সঙ্গে আমার প্রথম সাক্ষাৎ ঢাকার অভয় দাস লেন-এর সমকাল অফিসে অথবা ওয়ারীর লারমিনি স্ট্রীটে সেবাব্রত চৌধুরীর বৈঠকখানায়। তার পরনের ট্রাউজার ও ভ্রেজারের রঙ এখন আর আমার চোখে ভাসে না কিন্তু দীপ্তি তার ওই চেহারা কখনো ভুলি না। মাত্র কিছুকাল আগে মফস্বল কলেজ থেকে পাশ করে ঢাকা বিশ্ববিদ্যালয়ে পড়তে এসেছি আমি, স্বল্পভাষী আধুনিক চেহারার শহুরে তরুণ আমায় কিয়ৎ পরিমাণে নিষ্প্রভ করে দিতেই পারে। দিয়েছিলও হয়তো যদিও তখন আমি জানতাম না শহীদ কলকাতাকেও পেছনে ফেলে এসেছে। সে কবিতা লেখে সেবাব্রতের মুখে এ কথা শুনলেও বুদ্ধিদেব বসু তাঁর পত্রিকায় শহীদের কবিতা প্রকাশ করেছেন জানা ছিল না, যেমন অনুমান করি শহীদও বগুড়া আজিজুল হক কলেজ বার্ষিকীভূতে অথবা আজাদ, মিল্টার্ই ইত্যাকার সংবাদপত্রে প্রকাশিত আমার গল্পাবলির কোনো খোঁজ রাখতো না। ওই সময়ে ‘সমকাল’ অ্যান্ড নামি সাহিত্য পত্রিকা এবং সমকাল প্রকাশের বছরখানেক পরেই দ্বিমাসিক ‘উত্তরণ’ প্রকাশিত হলো সেটিও সমকালীন সাহিত্যাঙ্গনে সাদরে গৃহীত হয়। ‘উত্তরণ’-এর সহ-সম্পাদক হিসেবে আমার পরিচয় সর্বজনজ্ঞাত ছিল বলে আমার বিশ্বাস থাকলেও শহীদ সে কথা জানতো বলে আমি মনে করি না। স্পষ্টই ওই সময়ে আমাদের মধ্যে কোনো নিকট সম্পর্ক স্থাপিত হয় নি। অনিয়মিত দেখা সাক্ষাতের কথাই কেবল মনে পড়ে। প্রকৃতপক্ষে, ‘উনি শ’ বাষ্পটিতে সংকৃত প্রকাশের সময় থেকেই তার সঙ্গে আমার হ্রদ্যতা। মধ্যকার সময়ে বিভিন্ন পত্রপত্রিকায় আমাদের রচনাদি প্রকাশিত হলেও এসব বিষয়ে কখনো কোনো কথাবার্তা হয়েছে বলে মনে পড়ে না। কেবল মনে পড়ে সংকৃত-এ তার আসা-যাওয়া।

ষাট দশকের পূর্ববাংলায় প্রথম লিটল ম্যাগাজিন সংকলক। সম্পাদকবিহীন ওই অনিয়মিত সাহিত্য সংকলন সাতসুরের স্বরগামের মতোই সাত নবীন কবি যশোগ্রার্থীর সমিলনের স্বাক্ষর; তৎকালীন সাহিত্য সমাজে নিজেদের স্থানটিকে দৃশ্যমান করে তোলার প্রবল আগ্রহের ফসল। সংকৃত প্রকাশের সময় থেকেই শহীদের সঙ্গে আমার ঘনিষ্ঠ যোগাযোগ। আমার বিশ্বাস, এবং আমার মতো আরো অনেকেরই বিশ্বাস, আমার গল্পকার পরিচয় এবং শহীদ কাদরীর কবি পরিচয় স্পষ্ট রূপ নেয় ওই সংকৃত-এর কাল থেকেই।

সঞ্চক ষাট দশকের প্রথম ছোট কাগজ বা লিটল ম্যাগাজিন। ছোট কাগজের সমস্ত চরিত্র সঙ্কের মধ্যে ছিল। সাত তরঙ্গ মিলে এটি প্রকাশ করেছিলেন বলে নাম দেওয়া হয় সঙ্কক। সেবাব্রত চৌধুরী, জ্যোতিপ্রকাশ দত্ত, হৃষায়ন চৌধুরী, হায়াৎ মামুদ, শফিক খান, শহীদ কাদরী এবং দেবব্রত চৌধুরী কি আল মাহমুদ। সপ্তম সদস্যপদটি খোলা ছিল। দেবব্রত চৌধুরী কবি, সেবাব্রত তার অনুজ, আর আল মাহমুদ এসেছিলেন সেবাব্রত ও শহীদের সঙ্গে। সঙ্কক-এর কোনো সম্পাদক ছিল না। সম্পাদকের দায়িত্ব পাছে কাউকে বেশি সম্মানে ঠেলে দেয় এই চিন্তাও সম্ভবত ছিল। এ কারণে সহপাঠী শফিক খান, সেই মুহূর্তে লেখালেখিতে খুব সক্রিয় না-হলেও শাহজাহান প্রিন্টিং প্রেসের মালিক হওয়ার সুবাদে প্রকাশকের ভূমিকা গ্রহণ করেন।

উল্লিখিত বাক্যবন্ধ মদীয় ‘ষাট দশকের ছোট কাগজ, ছোট নয়’ রচনাটির অংশ। শহীদ কাদরীর রচনা প্রসঙ্গে এই উন্নতির প্রয়োজন এইজন্য যে শহীদ তার সৃষ্টির মানসিকতায় ষাট দশকের অত্যাধুনিক, বিদ্রোহী লেখকগোষ্ঠীর অনেক কাছাকাছি ছিল। সেকালে প্রতিষ্ঠিত কী পরিচিত লেখককুলের মানসিকতার সঙ্গে তার নৈকট্য ছিল না। সঙ্কক-এর অন্যতম কবি হায়াৎ মামুদ, পরে পাঠকনন্দিত প্রাবন্ধিক-গবেষক-গদ্যশিল্পী, এখনো মনে রেখেছেন যে শহীদ কাদরী প্রায়ই ফুলতলি স্টেশনের কাছে সঙ্কক-এর কার্যালয় শাহজাহান প্রিন্টিং প্রেস-এর অফিসে আসতেন।

সঙ্কক-এর প্রসিদ্ধিই ছিল এস্টার্লিশমেন্টপাহী, গতানুগতিক প্রকাশিত সাহিত্য চিন্তার বিপরীতে অবস্থান নেয়ার জন্যে। তৎকালীন সাহিত্য সমাজ কী পাঠকসমাজ আমাদের গোষ্ঠীকে যে চোখেই দেখুন না কেন আমরা নিজেদের সর্বাধুনিক বলে মনে করতাম। শহীদ আমাদের মানসিকতারই অংশভাক ছিল।

সঙ্কক প্রকাশের কিছুকালের মধ্যেই প্রকাশিত হয় স্বাক্ষর। সঙ্কক-এর বাইরে থাকা আমাদের মতোই বিদ্রোহী লেখক কতিপয়ের কেউ কেউ একত্রিত হয়ে প্রকাশ করেন স্বাক্ষর। শোনা যায়, সঙ্কককেও নাকি স্বাক্ষর গোষ্ঠী প্রাতিষ্ঠানিক বলে বিবেচনা করতেন। স্বাক্ষর-এর ঠিক পেছনেই এসে দাঁড়ায় ‘সাম্প্রতিক’। তার কিছুকাল পরেই প্রকাশিত হতে থাকে কর্তৃস্বর-নিয়মিতই। যদিও কর্তৃস্বর লিটল ম্যাগাজিনের সমগোত্রীয় ছিল না, বরং এস্টার্লিশমেন্টপাহীই ছিল বলা যায়-কর্তৃস্বর সম্পাদক অবশ্য কোনোকালেই এ-কথা মানবেন না। শহীদ কর্তৃস্বর-এও শায়িল হয়েছিল। অবশ্য সে অনেক পরের কথা। শহীদ ততদিনে ঢাকা টেলিভিশনে কর্মরত। আমি বাংলা একাডেমী ও পাকিস্তান অবজারভার-এ কয়েক বছর কাটিয়ে সাতসমুদ্র পার হয়ে চলে এসেছি। সঙ্কক-এর সদস্যের জন্যে সেটিই হয়তো ভবিতব্য ছিল। এখন লক্ষ করি সঙ্কক-এর সাত সদস্যের মধ্যে পাঁচজনই দীর্ঘকাল বিদেশবাসী ছিলেন। আমি, শহীদ ও দেবব্রত চৌধুরী আজও বিদেশেই। হায়াৎ মামুদ ও হৃষায়ন চৌধুরীও কাটিয়েছেন বিদেশে দীর্ঘকাল। গতানুগতিকতা এড়ানোর জন্যেই সম্ভবত।

দুই

শামসুর রাহমানের প্রথম কাব্যগ্রন্থ প্রথম গান, দ্বিতীয় মৃত্যুর আগে ১৯৫৯-এ প্রকাশিত হয়। ওই কবিতাঘন্টের সমুদয় রচনা একাধিকবার পড়েছিলাম তার প্রফপাঠক হিসেবে। এ-কারণে সাহিত্যের ছাত্র হিসেবে আধুনিক বাংলা কবিতা তথা পূর্ববাংলার আধুনিক কবিতার সঙ্গে আমার পরিচয় একরকম ঘনিষ্ঠ হয়ে ওঠে বলা যায়। পরিচিতি ঘটে তৎকালীন সর্বাধুনিক গদ্য রচনাবলির সঙ্গেও-নতুন সাহিত্য, চতুরঙ্গ, পরিচয়, নন্দন ইত্যাদি সাহিত্য পত্রিকা, সমকাল ও উভরণ-এর মাধ্যমে। বিশেষত দেশি ও বিদেশি আধুনিক ছেটগল্পের সঙ্গে গভীর পরিচয়ের ফলে ওই সময়ের নতুন আধুনিক কবিতার মতোই নতুন আধুনিক গল্প লেখার চেষ্টা করে চলি। উনষাট-এর কোনো এক সময়ে আমার গল্প ‘পরমাত্মীয়’, উভরণ-এ প্রকাশিত হলে সতীর্থরা মনে করেন কবিতা ও গল্প উভয়ক্ষেত্রেই সর্বাধুনিক বাংলা রচনার পথে উঠেছি আমরা এবং সেই চিন্তা-আশ্রয়ী কর্মকাণ্ডের ফলক্ষণ সম্ভব ও তার কিছু পরে প্রকাশিত লিটন ম্যাগাজিন কালবেলা। তেষটির কোনো এক সময়ই সম্ভবত সমকাল-এ আমার গল্প ‘একজন পুরুষ চাই’ প্রকাশিত হলে দৃঢ় বিশ্বাস জন্মে-এদেশে নতুন সাহিত্যের স্বোত্তটিকে বইয়ে দিতে পেরেছি। বাষটির কোনো এক সময়ে সম্ভক্ত প্রকাশিত হয় এবং আমার গল্প আরও কয়েকটি পুতুল-এর সঙ্গে শহীদ-এর কবিতাও প্রকাশিত হয়। শহীদের কবিতা আমাদের প্রায় বিমোহিত করে। ফলে, সম্ভক্ত-এর দ্বিতীয় সংখ্যায় উনিশে তেষটির আগস্টে শহীদ কাদরীর একগুচ্ছ কবিতা প্রকাশিত হয়। আমাদের ধারণা অনুযায়ী শহীদ কাদরীর একাধিক কবিতা একসঙ্গে তার আগে কখনো প্রকাশিত হয় নি।

শহীদ কাদরীর রচনা প্রসঙ্গে সম্ভক্ত, কালবেলা কী আমার নানা রচনার প্রাসঙ্গিকতা এই যে, আমরা মনে করি, সম্ভক্ত-এর মধ্য দিয়েই শহীদ কাদরী ও আমিসহ কয়েকজন নতুন সাহিত্যকর্মী পাঠকসমাজের সামনে উজ্জ্বল উপস্থিতি স্পষ্ট করতে পেরেছিলাম।

সম্ভক্ত-এর আগে শহীদ কাদরীর রচনা অন্যান্য পত্রিকায় প্রকাশিত হলেও তার কবিতার প্রতি পাঠকের আগ্রহ সম্ভক্ত সৃষ্টি করে বলে এখনো যাঁরা সম্ভক্তকে মনে রেখেছেন তাঁদের ধারণা।

সম্ভক্ত-এর দ্বিতীয় সংখ্যায় শহীদ কাদরীর যে ক'টি কবিতা প্রকাশিত হয় তার মধ্যে তিনটি কবিতার কথা আমার মনে পড়ে-‘টেলিফোনে আরক্ষ প্রস্তাব’, ‘পাশের কামরার প্রেমিক’, ও ‘চন্দ্রালোকে’।

তিরিশ-চল্লিশের কবিতায় তখনও আচল্ল আমরা। পঞ্চাশের বামপন্থী কবিকুল কিঞ্চিং হৃদয় স্পর্শ করেছেন হয়তো, ষাটের রাগী অমিতবিক্রম কবিকুল তখনও

অত প্রতাপী নন, ওই সময় শামসুর রাহমানের কবিতা কেবল নতুন কবিতার স্বাদই
নয়, যেন নতুন কবিতার জগতই খুলে দেয়, অন্তত আমার সামনে। আর ঠিক
তখনই শহীদ কাদরীর কবিতা পড়ি :

কালো ডায়ালে আমার আঙুলে ঐন্দ্ৰজালিক

ঘূরছে নমুনাগুলি-

শহুরের ওপর থেকে

দূরদূর বাস গাড়ির ঘটাঘনি তরঙ্গিত ঘাসে-ভৱা

স্টেডিয়ামের ওপর থেকে

আসছে :

‘না, না, না’-কী জ্যোৎস্না কষ্টস্বর।

কত কাঁপন চিকন কালো তারে।

আমি ঠিক জানি চড়ুইপাখির মতো ঠোঁটজোড়া কাঁপছে

‘না, না, না’

প্রাতাহিকতার চিত্রকল, সময়ের অবিকল প্রক্ষেপন, পরিচিত মানবী আবেগের
আশ্রয়ে শহীদের কবিতা অন্যসব কবিতার চাইতে যেন আলাদা মনে হয়। আরো
পড়ি-

আর ঐ ডাকসাইটে লাল ঘোড়া

যদি ধরে ফেলে এই কামরায় গোধূলিকে ছত্রখান করে

‘না, না, না’

আমি জানি চড়ুইপাখির মতো ঠোঁটজোড়া কাঁপছে।

(টেলিফোনে আরক্ত প্রস্তাব)

স্পষ্ট বুঝি, এই আমাদের নতুন কবিতা। আবার পড়ি সম্ভকে প্রকাশিত তাঁর অন্য
কবিতাটি :

গলা চিরে থুথু ফ্যালে দাপায় কপাট নড়বড়ে

শ্বাসকষ্ট যা পায় তা প্রেম; ঠাভা হাওয়া

হৎপিণ্ডে বিরক্তিকর উৎকট নর্তন

অলৌকিক ইচ্ছা তার তাকে দিয়ে টেবিল বাজায়

(পাশের কামরার প্রেমিক)

আমাৰ বই
১৬
দুণিয়াৰ পাঠক এক হও

তরুণ কবির অবিশ্বাস্য পরিণত নতুন কবিতা। আমরা মানি-

এ হেন অনেক কিছু, একটু আয়াসে চীনেবাদামের খোসা
ভাঙ্গতে-ভাঙ্গতে পার হওয়া যায় হে দীক্ষ প্রেমিক, বদ্ধ ভাই
যথা শান্ত দুপুরে দেলাক্রোয়ার তুঙ্ক, রুক্ষ, মস্ত অশ্বারোহী
ট্রেনের কাটা শূকরের লালরক্ত, মৃত্যু, আর্তনাদ।

(পাশের কামরার প্রেমিক)

পরিচিত, যন্ত্রণাক, অসহ্য জীবনে অপরিচিত জগতের অমিত উন্নেজনা, ক্রোধ অত
সহজে তুলে আনেন যে কবি তাঁর কবিতায় তিনি আলোর বৃক্ষে দাঁড়াবেনই, এ-ও
আমরা ভেবেছিলাম।

অন্য কবিতার এই পঞ্জিক ক'টিও কখনো ভুলি না :

‘হে আমার প্রেম, নিষ্প্রাণ ময়ূরপঙ্খী কোন জলে ভাসবে না ?’
(বালির তরঙ্গে তার নিতম্বের কঠিন করোটি, কোনো কানাই
ছেঁবে না)

হে আমার প্রেম, নিষ্প্রাণ ময়ূরপঙ্খী দাঁড় পড়ে হস্পন্দনে
আমার অপেক্ষা ফুরোবে না।

(চন্দ্রালোকে)

আমাৰ হই

তিন

কালবেলার তিনটি সংখ্যা প্রকাশিত হয়েছিল সম্ভবত বৎসরাধিক সময়কালে। প্রতি সংখ্যায়ই শহীদ কাদরীর কবিতা প্রকাশিত হয়েছে। জ্যোতিপ্রকাশ দণ্ড ও হায়াৎ মামুদ সম্পাদিত কালবেলা প্রকৃতই নতুন সাহিত্যের উৎসাহী পাঠককুলে সাড়া ফেলেছিল বলে আমাদের বিশ্বাস। চতুরঙ্গ ও দেশসহ নানা পত্র-পত্রিকায় ‘কালবেলা’র অনুকূল আলোচনা প্রকাশিত হয় এবং সম্পত্তি থেকে কালবেলা-এই চার-পাঁচ বছর সময়কালেই ওই পত্রিকা দুটিতে প্রকাশিত প্রায় সমস্ত লেখকই বৃহত্তর পাঠক সমাজের কাছে পৌছে যান।

ওই সময়ে এখনাসউদ্দিন আহমদ টাপুর টুপুর নামে কিশোরদের জন্যে একটি পত্রিকা সম্পাদনার দায়িত্বে নিয়োজিত হন। চট্টগ্রামের পুস্তক ব্যবসায় প্রতিষ্ঠান ‘বইঘর’ পত্রিকাটির প্রকাশক। টাপুর টুপুর-এর লেখালেখির আঙ্গনায় আমরাও উঠে আসি এবং বইঘর-এর স্বত্ত্বাধিকারী শফি আহমদের সঙ্গে আমাদের ঘনিষ্ঠতা জন্মে। টাপুর টুপুর-এর রচনাদি ছাড়াও তার প্রচ্ছদ ও অলঙ্করণ অতি মনোগ্রাহী ছিল। শিল্পী কাইয়ুম চৌধুরীর সৃষ্টি সে-সব দেখলেই চিনতাম আমরা। আর অমনি করেই কাইয়ুম চৌধুরীর সঙ্গে আমাদের হ্রদ্যতা জন্মে। কিশোর পত্রিকা হলেও টাপুর টুপুর-এ প্রতিষ্ঠিত কী নবীন সকলেই লিখতেন। কিছুকালের মধ্যেই ‘বইঘর’ কাইয়ুম চৌধুরীর শিল্পকর্মের আশ্রয়ে পুস্তক প্রকাশনা শুরু করে। একসঙ্গে প্রকাশিত বইঘর-এর প্রথম তিনটি কবিতাগ্রহ শামসুর রাহমানের ‘বিধ্বন্ত নীলিমা’, আল মাহমুদের ‘কালের কলস’ ও শহীদ কাদরীর ‘উত্তরাধিকার’ কেবল যে তৎকালীন প্রকাশনা শিল্পের অভূতপূর্ব সৌকর্যের পরিচয় বহন করে তা-ই নয়, আমাদের সাহিত্যেও নতুন মুগ, নতুন পর্বের সূচনা করে। স্পষ্টতই শহীদ কাদরী তখন খ্যাতিমান কবির সারিতে উঠে এসেছেন। এবং এখন আমরা পেছন ফিরে দেখি ওই তিন কবিই পরে আমাদের কবিতার তিন প্রধান পুরুষ রূপে পাঠকচিত্তে স্থান করে নেন।

উত্তরাধিকার-এর প্রকাশকাল ১৯৬৭। সেটি শহীদ কাদরীর প্রথম কবিতাগ্রহ। কিয়ৎ পরিমাণে কাকতালীয় হলেও লক্ষ করি আমার প্রথম গল্পগ্রন্থ ‘দুর্বিনীত কাল’, তারও প্রকাশ তখনই-১৯৬৭।

শহীদের পরবর্তী কবিতাগ্রহ তোমাকে অভিবাদন প্রিয়তমার প্রকাশকাল ১৯৭৪; তৃতীয় কাব্যগ্রন্থ কোথাও কোনো ক্রমে নেই-প্রকাশকাল ১৯৭৮; এবং সর্বশেষ এবং চতুর্থ কবিতাসংগ্রহ আমার চুম্বনগুলো পৌছে দাও : অতি সাম্প্রতিক প্রকাশনা-২০১১। সাতবছর, চার বছর ও তেওঁশ বছর-শহীদ কাদরীর কবিতাগ্রহসমূহের প্রকাশকালীন ব্যবধান এমনই। সময়ের এই মাপ কিছু বিশয়ের সৃষ্টি করতেই পারে। তবে এটি অভূতপূর্ব কিছু নয়। আমার নিজের প্রথম তিনটি

গল্পসংগ্রহ এক বছর পরপর প্রকাশিত হয়। চতুর্থ গ্রন্থটি প্রকাশিত হয় কুড়ি বছর পরে। সময়ের এই উল্লম্ফন আমাদের উভয়ের ক্ষেত্রেই ঘটেছে ঘর ছাড়ার কারণেই। আমার দেশত্যাগ ঘটে তৃতীয় গ্রন্থটি প্রকাশের পরপরই, শহীদেরও অমন-তৃতীয় কাব্যগ্রন্থটি প্রকাশের পরই। এই তথ্য থেকে যদি এমন মনে হয় যে দেশত্যাগ ছেড়ে আসা দেশের ভাষায় সাহিত্য সৃষ্টির জন্যে সহায়ক নয়, হয়তো সেটি যথার্থ। এমনও যদি বলা যায়, নিজ ভূমি ত্যাগ যে-কোনো শিল্পীর শিল্প সৃষ্টিতেই বাধা সৃষ্টি করে-সেটিও হয়তো খুব অ্যথৰ্ব হবে না। যদিও আমরা জানি, কিছু শিল্পী দেশত্যাগ করেও মহৎ সৃষ্টিতে সমর্থ হয়েছেন। শহীদ কাদরীর ক্ষেত্রে উভয় ধারণাই সঠিক বলে মনে করা যায়। দেশত্যাগ-এর পরে তাঁর চতুর্থ কাব্যগ্রন্থের ওর্দকর্মের বিচার কালের হাতেই তোলা থাক।

তৃতীয় কাব্যগ্রন্থটি প্রকাশের পরে শহীদ দেশত্যাগ করেন। প্রথমে স্বল্প সময়ের জন্যে, পরে পাকাপাকি। সন্তরের শেষ দিকে সে বিদেশে যায় বলে জানি, কিন্তু কিছুকাল পরেই ফিরে আসে। আমি দেশত্যাগ করি উন্সন্তরের শেষার্দে। তারপরে শহীদের সঙ্গে আমার দেখা প্রায় দশ বছরের বেশি কাল পরে—১৯৮০-তে ঢাকা মেডিকেল কলেজ হাসপাতালের কেবিনে। সায়াটিকা জাতীয় কোমরের ব্যথায় চিকিৎসাধীন। ওই সামান্য সময়ের সাক্ষাতে তার কাব্যকৃতির কেন্দ্রে আলোচনা করা হয় নি। করার কথাও ছিল না। উন্নরাধিকার প্রকাশের পরেই তার কবিত্যাতি বিস্তৃতি লাভ করে। নানা পত্র-পত্রিকায় কবিতা প্রকাশিত হতে থাকে এবং তার দ্বিতীয় কাব্যগ্রন্থ তোমাকে অভিবাদন প্রিয়তমা প্রকাশের আগের বছরেই কবিতায় বাংলা একাডেমী সাহিত্য পুরস্কার দেওয়া হয় তাকে। তার মাত্র দু'বছর আগে ছোটগল্পে বাংলা একাডেমী সাহিত্য পুরস্কার দেওয়া হয় আমাকেও। বাষটির সপ্তক যে কবি ও গল্পকারদ্বয়কে পাঠকের সমুখে দাঁড় করায়—মাত্র দশ বছরের ব্যবধানেই তাদের রচনা সাহিত্যসমাজের স্বীকৃতি লাভ করে।

ওই হাসপাতালের পরে শহীদের সঙ্গে আমার দেখা হয় লন্ডনে ১৯৮৩-তে। লন্ডনবাসী কবি দেবব্রত চৌধুরী আমাকে শহীদের কাছে নিয়ে যান ‘সুরমা’ পত্রিকার অফিসে। ‘সুরমা’য় কর্মরত শহীদ তখন। লন্ডনে আমার বড়ভাইয়ের বাড়িতে আসে শহীদ। তখনই তার মুখে শুনি তার যুক্তরাষ্ট্রে চলে আসার কথা। মাত্র কয়েক মাস পরেই।

চার

যাপিত জীবনের কিছু ছায়া লেখকের রচনায় পড়ে—এ কথা জানা। লেখকের আপন জীবনই তার রচনার সর্বোৎকৃষ্ট উপাদান। এ-কথাও অনেকে বলেন। সময়, সমাজ, স্বদেশ, দূরদেশ, পরিপার্শ, পরিবেশ ইইসব নিয়েও কথা হয়—লেখকের রচনায় কী পরিমাণ প্রভাব ফেলে ওইসব। কিন্তু সময়, সমাজ, স্বদেশ, দূরদেশ, পরিপার্শ পরিবেশ ইত্যাকার বিষয় যে লেখককে রচনাবিমুখও করে তার কথা বেশি শোনা যায় না।

দেশ-বিদেশের অনেক লেখকের কথাই আমরা জানি যাঁরা ক্ষীণপ্রজ অথচ রচনার গুরুতর সর্বদাই লোকযুথে থাকেন। আবার দেখা যায়, অনেক লেখক প্রথম জীবনে প্রচুর গুণান্বিত রচনার পরে আর বেশি লেখেন না, বা লেখেনই না, এবং পরবর্তীতে রচনাসমূহ তেমন সমৃদ্ধও হয় না। শহীদ কাদরীর রচনা ও তার জীবন অনুমান করি—ওই উভয় ধারণার পরিপ্রেক্ষিতেই বোঝার চেষ্টা করা যায়।

শহীদের কাব্যকর্ম তার কৈশোরকালেই শুরু বলা যায়। স্পন্দন-এ তার কবিতা প্রকাশিত হয় উনিশশো পঞ্চাশাল্প'র দিকে, কবিতায় প্রকাশিত হয় উনিশশো ছাপান্নয়। শহীদ কলকাতা থেকে ঢাকায় আসে বাহান্ন'র শুরুতে, তখন তার বয়স বারো-তরো। স্পন্দন কি কবিতায় রচনা প্রকাশের কালে তার বয়স পনেরো-শোলো ছিল বলা যায়। পরবর্তী কয়েক বছর নিচয়ই সে কবিতা লিখেছে, প্রকাশিত হয়েছে, তার পরিমাণ নিঃসন্দেহে বিপুল নয়। তাই সম্ভক প্রকাশকালে সহজেই আমরা তাকে আমাদের সদ্য তরুণ বিদ্রোহী আধুনিক নবীন লেখককূলে মেশাতে পারি। আমার নিজের প্রথম রচনা প্রকাশিত হয় বগুড়া আজিজুল হক কলেজ বার্ষিকীতে—১৯৫৬ সালে। শহীদের সমকালেই প্রায়।

সম্ভক ও কালবেলা পর্বের পরে শহীদের রচনার পরিমাণে ভাঁটা পড়ে। স্পষ্টই সেটি বোঝা যায় তার প্রথম কাব্যগ্রন্থ ‘উত্তরাধিকার’-এর কবিতা সংখ্যা চালিশটি। প্রকাশকাল ১৯৬৭। এগারো-বারো বছরে চালিশটি কবিতা। যদি ধরে নেওয়া যায় উত্তরাধিকার-এর বাইরেও তার কিছু কবিতা ছিল ওই কালে, তবুও বছরে গড়ে চারটির বেশি কবিতার হিসাব পাওয়া যায় না। সাত বছর পরে প্রকাশিত দ্বিতীয় গ্রন্থ তোমাকে অভিবাদন প্রিয়তমায় কবিতার সংখ্যা একত্রিশটি। গড় হিসাব ওই একই থাকে—বছরে চারটি। অর্থচ বছরে গড়ে চারটি করে কবিতা লেখার কবিই ১৯৭৩-এ কবিতায় বাংলা একাডেমী পুরস্কার লাভ করেন। শহীদ কাদরীর কবিতার বৈভব ওই সামান্য পরিমাণ ও সময়েই কাব্যরসিক পাঠককুলকে মোহিত করেছিল।

তার তৃতীয় গ্রন্থ ‘কোথাও কোনো ক্রন্দন নেই’ ধারণ করে আছে পঁয়ত্রিশটি কবিতা। দ্বিতীয় গ্রন্থ থেকে চার বছর পরে প্রকাশিত। এবারে যেন তার কবিতা

রচনায় উৎসাহ সম্পর্কিত হয়েছিল। দেখা যাচ্ছে বছরে প্রায় আটটি করে কবিতা। চতুর্থ গ্রন্থ আমার চুম্বনগলি পৌছে দাও ছত্রিশটি কবিতা নিয়ে প্রকাশিত হয়েছে বাণিজ বছর পরে। বোঝাই যায়, দীর্ঘকাল কবিতা রচনায় বিরত ছিল সে। কুচিং কখনো একটি দু'টি কবিতা লিখেছে হয়তো।

স্বভাবতই তাঁর জীবনের মধ্য দিয়ে প্রবাহিত কবিতার অতি ধীর গতির, কী কখনো থামার কখনো চলার ধরনটিকে অনেকেই বুঝতে চাইবেন। আমি নিজেও বোঝার চেষ্টা করছি। সম্ভবত এ-কারণে আরও বেশ যে, আমারও প্রথম তিনটি গল্পগ্রন্থ পরপর প্রকাশিত হয় ১৯৬৭-৬৯ সময়কালে। চতুর্থ গল্পগ্রন্থটি প্রকাশিত হয় কুড়ি বছর পরে ১৯৮৯-এ। আমার লেখার কালে আঠারো বছরের একটি বিরতি ছিল। পরে ১৯৮৭ থেকে শুরু করে অদ্যাবধি, অতি ধীরগতিতে হলেও, লেখার স্বোতটি বহমান আছে-একেবারে শুকোয় নি এখনো। শহীদের লেখক-জীবনের সঙ্গে আমার লেখক জীবনের বহিরঙ্গের এই মিল-চাই কী কিয়ৎ পরিমাণে যাপিত জীবনের সঙ্গেও, সম্ভবত কাকতালীয়ই, তবুও লক্ষ্যোগ্য। যদিও শহীদের যাপিত জীবনের তাবৎ কাহিনি আমার জানা নেই, বিশেষত ১৯৬৯ থেকে ১৯৮৩ পর্যন্ত সময়টিকে আমাদের সম্পর্কের অঙ্ককারের যুগই বলা যায়-পৃথিবীর দুইপ্রান্তে দুইজনের বসবাসের কারণেই। যোগাযোগও বিছিন্ন ছিল। লভনে ১৯৮৩-তে দেখা হওয়ার পরেই সম্পর্কটি পুনঃস্থাপিত হয়। তাই শহীদের যাপিত জীবন ও লেখক-জীবনকে বোঝার আমার চেষ্টাটি যথেষ্ট পরিশীলিত নয় ভাবলে ভুল হবে না।

পাঁচ

‘না, শহীদ সে তো নেই, গোধূলিতে তাকে
কখনো বাসায় কেউ কোনোদিন পায় নি, পাবে না।
নিসর্গে তেমন মন নেই, তাহলে ভালোই হতো
অঙ্গত চোখের রোগ সয়ত্বে সারিয়ে তুলতো হারিং পত্রালি।
কিন্তু মধ্য-রাত্রির সশব্দ কড়া তার রুক্ষ হাতের নড়ালি
(যেন দুঃসংবাদ নিতান্ত জরুরি) আমাকে অর্ধেক স্বপ্ন থেকে
দুঃস্বপ্নে জাগিয়ে দিয়ে, তারপর যেন মর্মাহতের মতন
এমন চিত্কার করে ‘ভাই, ভাই, ভাই’ বলে ডাকে...
মনে পড়ে সেবার দার্জিলিঙ্গের সে কী পিছিল রাস্তার কথা—
একটি অচেনা লোক ওরকম ডেকে-ডেকে-ডেকে খসে পড়ে
গিয়েছিল হাজার-হাজার ফিট নিচে।
সত্যে দরোজা খুলি—এইভাবে দেখা পাই তার-মাঝরাতে
জানি না কোথায় যায়, কি করে, কেমন করে দিনরাত কাটে
চাকুরিতে মন নেই, সর্বদাই রক্ষনেত্র, শোকের পতাকা
মনে হয় ইচ্ছে করে উড়িয়েছে একরাশ চুলের বদলে।
না, না, তার কথা আর নয়, সেই
বেরিয়েছে সকালবেলায় সে তো শহীদ কাদীরী বাড়ি নেই।

(অঞ্জের উত্তর)

কবিতাটি সম্পূর্ণ উদ্ভৃত করার সুযোগ নিলাম এই কারণে যে, এটি আমার প্রিয় কবিতা। এই শহীদ কাদীরীকে আমি চিনি। যেন আমার চোখের সামনেই দেখি—এই এতকাল পরেও। শহীদের রচনায় শাহেদ কাদীরীর বিরক্ত, দ্রুদ্ধ, ভীত, অভিমানী ওই বয়ান অনেকবারই শুনেছি—কখনো দরোজার কড়া নাড়বার আগেই। দোতলার বারান্দায় দাঁড়ানো তিনি আমাদের দেখলেই জানিয়ে দিতেন, শহীদ বাড়ি নেই। তবে সব দিন নয়—অনেক সময়ই তাকে পেতাম বাড়িতে। বাইরের ঘরে বসিয়ে রেখে হয়তো রাত্রির ঘূর্ম ভেঙে ওঠা শহীদ হাতমুখ ধূয়ে কী দিনের ঢেকে রাখা খাবার কিছু মুখে দিয়ে বেরিয়ে আসত সারা বিকাল কী সংক্ষা কী রাত্রির মতোই। আমি অফিস ফেরতা, যতক্ষণ পারা যায় একসঙ্গে থাকতাম। গোপীবাগ পার হয়ে মতিবিল কি হাটখোলা কী ওয়ারী, তারপর গুলিস্তান, স্টেডিয়াম এবং শেষে ‘রেক্স’ কি ‘গুলসিতান’ রেস্তোরাঁয়। আমার বাইরে থাকার সময় শেষ হলে ঘরে ফেরার

জন্যে রিকশা ডাকি, পরদিন অফিস আছে, আর শহীদ ধীরে চলে যায় ফুলতলা স্টেশনের রেলওয়ে রেস্টোরাঁর দিকে। ভিন্ন এক সুহৃদের দল সেখানে অপেক্ষায় আছে তার জন্যে—নীরু, বুড়ো, বাচু। আমাদের সঙ্গে প্রায় কথনোই তাদের দেখা হতো না। ফলে শহীদের নিশিয়াপনের বিবরণ প্রায় কিছুই জানি না কথনো।

একবার আমরা কয়েকজন—হায়াৎ মামুদ, আল মাহমুদ, হুমায়ুন চৌধুরীসহ ‘রেঞ্জ’ রেস্টোরাঁর প্রায় পেছনেই ‘মর্নিং নিউজ’ অফিসে গিয়ে শামসুর রাহমানকে সঙ্গে নিই। তারপর সেকালের সন্ধ্যাপরের স্টেডিয়াম, নির্জন মতিঝিল, হাটখোলা, টয়েনবি সার্কুলার রোড ধরে ফুলতলা স্টেশনের কাছে আসবার আগেই শামসুর রাহমান আর হাঁটতে চান না। তাঁকে রিকশায় তুলে দিয়ে চলি আমরা ঢাকা স্টেশনের দিকে।

এই রকম করেই চলেছিল কিছুকাল। পঁয়ষ্টির সেপ্টেম্বর আমাদের এ সান্ধ্যসম্মিলন বন্ধ করে দেয়। ব্ল্যাকআউটের রাত্রি, নানা শঙ্কা, দুর্ভাবনায় সাহিত্য সৃষ্টির চিন্তাও থাকে না আর মনে। তৎকালীন সরকারের কিছু হয়রানির শিকারও হই আমি—এবং ওই বছরেরই শেষে ঢাকা টেলিভিশনের উদ্বোধন হয়। সতীর্থ গল্পকার হুমায়ুন চৌধুরী ঢাকা টেলিভিশনে যোগ দেয়। আমি বাংলা একাডেমীর চাকরি ছেড়ে দিলে কবি আবদুল গনি হাজারি আমাকে অবজারভার-এ ডেকে নিয়ে যান, সানডে অবজারভার-এর সহকারী সম্পাদক হিসেবে। তার কিছুকাল পরেই বিশ্বয়ের সঙ্গে দেখি শহীদ ঢাকা টেলিভিশনে নিয়মিত চাকরি নিয়েছে—প্রোগ্রাম প্রডিউসারের।

শহীদ ঢাকা টেলিভিশনে আসবার ফলে টেলিভিশনের দরজা খুলে যায় আমাদের জন্যে। বিশেষ বিশেষ সাহিত্য আসরেই কেবল নয়, শহীদ ছিল বলেই ঢাকা টেলিভিশনের জন্যে নাটক লিখতেও শুরু করি। শহীদই প্রস্তাব দেয়, ‘ডায়ালগ লেখায় তোমার ভালো হাত, নাটক লেখো।’ শহীদ আমার একাধিক নাটক প্রযোজন করেছিল। একটি নাটকের পাঞ্জলিপি সে হারিয়েও ফেলে—কোনোদিন আর সেটি খুঁজে পাওয়া যায় নি।

আমি যখন দেশ ছাড়ি শহীদ তখন ঢাকা টেলিভিশনে কর্মরত। উত্তরাধিকার প্রকাশিত হয়েছে, নতুন আধুনিক বাংলা কবিতার ভূবনে তার পরিচিতি কাউকে বলে দিতে হয় না। উনসত্তরের পরে কখন, কোথায়, কী কবিতা সে লিখেছে ভালো জানি না। তোমাকে অভিবাদন প্রয়ত্নের একত্রিশটি কবিতাকেই ধরে নিতে হয় তার রচনার পরিমাণ—সাত বছরের ফসল কিন্তু ওই ফসলই মুক্ষ করেছিল বাংলা কবিতার পাঠককে—১৯৭৩-এর বাংলা একাডেমীর পুরস্কার তার প্রমাণ। পরবর্তী চার বছরে তার কবিতা রচনায় একরকম গতির সঞ্চার হয়েছিল বোঝা যায়—কোথাও কোনো ক্রন্দন নেই গ্রন্থের পঁয়ত্রিশটি কবিতা থেকে। কবিতা রচনায় তার উৎসাহ স্পষ্ট—অনেকে তার কারণও হয়তো খুঁজবেন। সে তখন বিবাহিত। এক রকম অনুকূল

বাতাস হয়তো বয়েছিল তার জীবনে তখন। তার কাছের লোকেরা সে কথা ভালো জানেন, আমি জানি না। শুধু উনিশশো আশিতে যখন তাকে মেডিকেল কলেজ হাসপাতালে শয্যাশায়ী দেখি তখন ঢাকায় সে একা। স্তু বিদেশে। শুনি সে-ও বিদেশে কিছুকাল কাটিয়ে ফিরে এসেছে আবার বিদেশে যাবে বলেই। কী পরিমাণ কবিতা জয়া হয়েছিল আটাত্তর-এর পরে তার সংগ্রহে অথবা লেখাই বা হয়েছিল কী পরিমাণ, জানি না। শুধু দেখি ত্রিশ বছর পরে প্রকাশিত আমার চুম্বনগলো পৌছে দাও কাব্যগ্রন্থে কবিতার সংখ্যা ছত্রিশ। এবং লক্ষ করি ওই ছত্রিশটি কবিতার মধ্যে বেশ কিছু কবিতা পুরনো শতকের শেষে, নতুন শতকের প্রথমে লেখা। আমার পরিচিত কয়েকটি কবিতা দেখি-আমারই তাগিদে লেখা।

শহীদ কান্দরী রচিত কবিতার সংখ্যা ও রচনাকালের ব্যাপ্তিবিষয়ক এই বিবরণ নিতান্ত মায়ুলি-চাই কী প্রচুর পরিমাণ কাব্যজ্ঞানসমৃদ্ধ কী বুদ্ধিদীপ্তিও নয়। তবুও এই বিবরণ এটিই সম্ভবত বোঝায় যে আশির পরে দীর্ঘকাল শহীদ কবিতার দিক থেকে মুখ ফিরিয়ে নিয়েছিল। ওই সময়ে তার জীবনে নানা প্রতিকূলতা কী অনিকেত যাত্রাপথের কথা অনেকেই বলবেন জানি, কিন্তু পরে যখন তার জীবনে কিয়ৎ পরিমাণে স্বত্ত্ব ফিরেছিল তখনো সে কবিতাবিমুখই ছিল। অথবা তা-ই কি ?

ছয়

উনিশশো তিরাশির মে মাসে সপ্তাহ দু'য়েকের জন্যে আমি ও পূরবী ইউরোপে বেড়াতে যাই-নিউইয়র্ক থেকে। বেলজিয়াম, ফ্রান্স ও সুইজারল্যান্ড। যাওয়া-আসার পথে লন্ডনে দু'চার দিন করে থাকা। পূরবীকে শহীদ দেখেছিল ঢাকাতেই। সাতষষ্ঠিতে আমার বিবাহোনের অনুষ্ঠানে উপস্থিত ছিল সে।

লন্ডনে পৌছে কবি দেবব্রত চৌধুরীর মুখে শহীদ কাদরীর লন্ডনবাসের কথা শুনি এবং দেবুদাকে নিয়ে শহীদের সঙ্গে দেখা করতে সুরমা পত্রিকার অফিসে যাই। শহীদ সেখানে সপ্তাহের কিছু সময় ব্যয় করত পত্রিকা সম্পাদনায় সাহায্যকারী হিসেবে। ওইদিন দেখা হওয়ার পরে স্থির হয় আমরা ইউরোপ ভ্রমণ থেকে ফিরলে শহীদের সঙ্গে কিছু সময় কাটানো যাবে।

সাতদিন পরে শহীদ আমার বড়ভাইয়ের বেলহ্যামের বাসস্থানে দেখা করতে আসে। পুরনো দিনের নানা গল্পের শেষে রাত্রি এলে সে আমাদের সঙ্গেই থেকে যায়। কথায় কথায় শহীদকে বলি, আমার কিছু নগদ অর্থ প্রয়োজন তাই পরদিন ব্যাংকে যেতে হবে ট্র্যাভেলার্স চেক ভাঙানোর জন্যে। ব্যাংকে যাওয়ার প্রয়োজন নেই জানিয়ে শহীদ আমাকে প্রয়োজনমতো ডলার দিয়ে বলে, আমি খুব শিগগিরই আমেরিকায় আসছি। ওখানেই বরং টাকাটা ফেরত দিয়ো। অতি বিশ্বিত আমি বেশি প্রশ্ন করবার সুযোগ পাই না। শহীদও বেশি কিছু বলে না।

দু'তিন মাস পরে শহীদের টেলিফোন পাই। বস্টনের উপকণ্ঠে মলডেন শহরে থাকে সে। নতুন সংস্কার। যেন যাই তাকে দেখতে। শহীদের প্রথম সংস্কার ভেঙে যাওয়ার খবর জানতাম আগেই, ফলে লন্ডন থেকে বস্টন আসার কথা বুঝে যাই সহজেই। বস্টনের শহরতলী মলডেন সম্পন্ন মধ্যবিত্তের অঞ্চল। শহীদের বাস বহুতল এক অ্যাপার্টমেন্টে। তার শ্বেতাঞ্জলী স্ত্রী ডেনার সঙ্গেও আলাপ হয়। শুনি ডেনার সঙ্গেই লন্ডন ছেড়ে এসেছে সে। ডেনা দেখি অতি স্বাস্থ্য সচেতন। বারবার তরকারি ধূয়ে নেয়, বাঁধাকপির কয়েকস্তুরের পাতা ফেলে দিয়ে রান্না করে। ভাবি মধ্যরাত্রে ‘ভাই, ভাই, ভাই’ বলে দরজায় কড়া নাড়া শহীদের জন্যে এ বড়ো মন্দ ব্যবস্থা নয়।

মলডেনে একাধিকবার গেছি আমরা। আমাদের ছয় বছরের কন্যা জয়ীবাসহ কখনো কবি ইকবাল হাসানকে সঙ্গে নিয়ে, কখনো সাংবাদিক বদিউজ্জামান খসরুকে নিয়ে, কখনো উভয়ের সঙ্গে। ইকবাল সতরের দশকে ঢাকায় শহীদের বৃত্তভূক্ত ছিল; খসরু লন্ডনে বাসকালে বেশ কিছুকাল শহীদের সঙ্গে দিনরাত্রি কাটিয়েছে। খসরুর মুখেই লন্ডনের টোয়েনবি হলে শহীদের ঘরে সাত ঘরছাড়া বাঙালির রাত কাটানোর গল্প শুনেছি।

মলডেনের আড়ায় লেখালেখির নানা কথা উঠত। উনসত্তরে দেশ ছাড়ার আগে আমার তৃতীয় গল্পগুটি বেরোয় তারপর থেকে আমারও বাংলায় লেখা বন্ধ। স্বভাবতই লেখা না-লেখার নানা আলাপে রাত্রি ভোর হতো। আমি আবার লেখা শুরুর কথা বলতাম। শহীদকে কবিতা লেখার কথা বললে হেসে উড়িয়ে দিতো, ‘দূরো কবিতা লিখে কী হবে?’ বাংলা কী ইংরেজি কবিতার বই সাজানো তার শেলফে, বস্টনের কিছু মার্কিনী কবিযশোপ্রার্থীর সঙ্গে আলাপও হয়েছিল তার। তাদের কবিতা পাঠের আসরে গেছেও শহীদ কখনো কখনো তরুণ কবিতা লেখার কথায় কান দিত না। যদিও দেখেছিলাম একটি শপিং ব্যাগে নানা টুকরো কাগজে এমনকি পেপার টাওয়েলেও কবিতার দুঁচার পঙ্কজি মনে এলে লিখে রাখছে সে। সেইসব ছাপানোর কথা উঠলে তার ওই এক কথা, কবিতা লিখে কী হবে! ডেনা বলত, কবিতা লেখাটাই আসল কথা। লিখলেই যে ছাপাতে হবে তার মানে আছে কি?

আমাদের পুত্রসন্তান দীপন জন্মানোর কিছুকাল পরে শহীদ ডেনাকে নিয়ে নিউইয়র্কে আমাদের পার্কওয়ে ভিলেজের বাসায় বেড়াতে আসে। পঁচাশির শেষ দিকে সম্ভবত। আর ঠিক ওই সময়েই নিউইয়র্ক থেকে সৈয়দ মোহাম্মদউল্লাহ প্রবাসী নামে সাংগৃহিক পত্রিকা প্রকাশ শুরু করেন। ইকবাল হাসান প্রবাসীর প্রথম সংখ্যার জন্যে একটি সাহিত্য পাতার আয়োজন করে। আমাকে লিখতে বলে, শহীদকেও। যথারীতি তয় দেখিয়ে বলে, যদি গল্প লিখে না দিই তাহলে সে আমার পুরনো গল্পই একটি ছেপে দেবে। দিয়েছিলও তা-ই। শহীদের একটি কবিতাও ছেপেছিল। বাধ্য হয়ে প্রবাসীর পরবর্তী সংখ্যার জন্যে আট বছর আগে শুরু করা যুক্তিযুক্তিবিষয়ক গল্প ‘দিন ফুরনোর খেলা’ শেষ করে প্রবাসীতে ছাপাতে দিই। আঠারো বছর পরে সে-ই আবার আমার গল্পলেখা শুরু। ইকবাল হাসানের প্ররোচনায়, আঘৰে। শহীদের কবিতাও প্রবাসীতে ছাপা হয়েছে কোনো কোনো বিশেষ সংখ্যায়। সেসব তার পূর্বে লেখা না নতুন লেখা কবিতা জানি না তা। পুরোপুরি তাকে কবিতা লেখায় ফেরানো না-গেলেও কবিতা-লেখার প্রতি তার বিরোধিতা অনেকাংশে কমেছিল সেই কালে বলে আমাদের ধারণা। এমনকি উনিশশো বিরানবহয়ে ‘যুক্তরাষ্ট্র সাহিত্য পরিষদ’ নামে আমরা নিউইয়র্ক-নিউজার্সি-পেনসিলভেনিয়া-কানেকটিকাট-ম্যাসাচুসেটস অঙ্গরাজ্যসমূহে বসবাসরত বাংলা সাহিত্যসেবকদের যে গোষ্ঠীর পত্রন করেছিলাম তার প্রথম সাহিত্য সমাবেশে শহীদ কাদরীকে প্রায় জোর করেই নিয়ে এসেছিলাম প্রধান অতিথি হিসেবে। ঢাকা থেকে নির্মলেন্দু গুণও এসেছিলেন সেই সাহিত্য সমাবেশে। রকেফেলার ইউনিভার্সিটির ক্ষেত্রে রেসিডেন্সের আঠাশ তলায় অনুষ্ঠিত সেই সাহিত্য সমেলনে নির্মলেন্দু গুণের একটি কথা মনে পড়ে, ‘আজ আপনারা বাংলা সাহিত্যকে যে অভূতপূর্ব উচ্চতায় তুলে এনেছেন...।’ প্রকৃতই মাটি থেকে এত উঁচুতে বাংলা

সাহিত্যের কোনো সমাবেশ হয়েছে বলে জানি না। সাহিত্য সমাবেশের শেষে শহীদ কাদরী ও গুণকে নিয়ে চলে যাই জাতিসংঘের সামনে ‘মুক্তধারা’ ও বাংলালির চেতনা মঞ্চ’ নির্মিত অস্থায়ী শহীদ মিনারে ফুল দিতে-প্রচণ্ড শীতের রাত্রিতে, ইস্ট রিভার থেকে উঠে আসা হাড় হিম করা বাতাসকে আমল না দিয়ে।

‘যুক্তরাষ্ট্র সাহিত্য পরিষদ’ প্রায় পাঁচ বছর টিকেছিল। সাহিত্য পরিষদের নানা সভায় ও অনুষ্ঠানে ঢাকা ও কলকাতার অনেক যশস্বী লেখক অংশগ্রহণ করেছেন। শহীদ কাদরীকে আর আনা যায় নি। তবুও মনে হয় সম্ভবত যুক্তরাষ্ট্র সাহিত্য পরিষদ শহীদের মনে আবার কবিতা লেখার সামান্য বাসনা সঞ্চারিত করতে পেরেছিল।

সাতাশির শেষে দেশে ফিরে যাওয়ার জন্যে মনস্থির করলে শহীদকে সেকথা জানাই। নভেম্বরের দিকে দেশে ফিরে যাওয়া যখন প্রায় নিশ্চিত শহীদকে টেলিফোন করলে ডেনা টেলিফোন ধরে বলে, তোমরা বরং আর শহীদকে ফোন করো না। দেশে ফিরে যাওয়ার কথা শুনলেই সে অস্তির হয়ে পড়বে, মন খারাপ করবে। ওই দেশের সঙ্গে তার কোনো সম্পর্ক নেই। হি বিলংস হেয়ার।

দেশে সেইবার আমি বছরখানেক ছিলাম। ফিরে এলে দেখি শহীদ মলভেন ছেড়ে সালেম-এ চলে গেছে। পারিবারিক আবেষ্টনও পাল্টেছে বেশ। সালেম-এ এক হাসপাতালে কাজ করে সে তখন। সালেম-এও গেছি আমি শহীদ কাদরীর বাসায়। কবিতার আলাপে কবিতা লেখানোর চেষ্টা। উননবইয়ে দেশ থেকে ফিরে আমি প্রকাশনা সংস্থা জন ওয়াইলি অ্যান্ড সঙ্গ-এ কাজ শুরু করি। দেশে পাকাপাকি ফেরার চিন্তা কিছুতে ছাড়ে না। শহীদের সঙ্গে যোগাযোগ ক্ষীণ হয়। তবু তার মধ্যে বিরানবইয়ে দেশে ‘সাহিত্যপ্রকাশ’-এর মফিদুল হক-এর সঙ্গে আলাপে শহীদের কথা ওঠে। মফিদুল বলেন, শহীদ কাদরীর কোনো বই তো আর পাওয়া যায় না। যদি আমি শহীদকে রাজি করাতে পারি তাহলে তিনটি বই একত্র করে একখণ্ডে প্রকাশ করা যায়। আমি সাধারে সেই দায়িত্ব গ্রহণ করি। শহীদের সঙ্গে কথা বলি-১৯৯৩-এ শহীদ কাদরীর তিনটি কবিতাঘৃত একত্রে ‘শহীদ কাদরীর কবিতা’ নামে ‘সাহিত্যপ্রকাশ’ একালের পাঠকের হাতে তুলে দেয়। শহীদ কাদরীর বাংলা একাডেমী পুরস্কার পাওয়ার কুড়ি বছর পর। শহীদের নতুন করে পাঠকের কাছে পৌছনোর ওই ঘটনাস্মৃতে আমার সম্পৃক্ততার কথা ভাবলে সামান্য আত্মপ্রসাদ বোধ করি না এমন নয়, যদিও কবিতার জগতে শহীদের পুরোপুরি না-ফেরার কথা মনে থেকে যায়। কৃচিৎ কৃচিৎ দু’একটি কবিতা প্রবাসীতে ছাপা হয়েছে তখন।

সাতানবইয়ে জন ওয়াইলির চাকরি ছেড়ে দিয়ে দেশে ফিরে যাই। এইবার দীর্ঘ সময়ের জন্য। যদিও বছরে একাধিকবার এ দেশে যাতায়াত আমার থাকেই। শহীদের সঙ্গে যোগাযোগও থাকে-ক্ষীণ হলেও। দুই হাজার-এর প্রথম কয়েক বছরে আবার যাওয়া-আসার কোনো এক কালেই শহীদের সঙ্গে দেখা হয়। বৃক্ষি

জীবনের মোড় পাল্টেছে তার আবার। সংসারে। অসুস্থতাটিও ধরা পড়েছে ততদিনে। নিউইয়র্কেই বাস তখন তার। মনে হয় নতুন সংসারে সে বেশ স্বচ্ছদে, স্যাত্তে আছে। একাকী জীবন আর নয়। আমাদের রকল্যান্ড কাউন্টির বাড়িতে আসে সে সন্তীক। কবিতার কথা হয়। দু'একটি কবিতা লেখেও। কালি ও কলম-এ ছাপা হয়। এবং ওই সময়ই কখনো ঘরে, কখনো হাসপাতালে কখনোবা সঞ্চাহে তিনদিন কাটে ডায়ালাইসিসের যন্ত্রণায়, ঘোরে, আমি তাকে চতুর্থ গ্রন্থটির পৃষ্ঠা সাজাতে বলি। নীরার উৎসাহে সেটি সাজানোও হয়ে যায়। প্রকাশক বন্ধু আলমগীর রহমানকে বলি সেটি প্রকাশের জন্যে। আলমগীর সানদে রাজি হয়ে যান। নিউইয়র্কের সাঙ্গাহিক বাঙালির সম্পাদক কৌশিক আহমদ মুদ্রাক্ষরিক-এর কাজ করেন। দুই হাজার নয়-এর ফেব্রুয়ারিতে আমার চুম্বনগুলো গোছে দাও শহীদের কবিতাপিপাসু পাঠক হাতে পায়-এতকাল পরে। পুনরায় দেখেন তারা তাকে। বাংলাদেশ সরকার 'একুশে পুরস্কারে' সম্মানিত করেন তাকে। শহীদের পুনরাবৰ্ত্তব চিরউজ্জ্বল হয়ে যায়। এবং এই জন্মেই বুঝি, কবিতায় শহীদের আগ্রহ আবার সকলে জেনে যায়। হৃদয়ের গভীরে যেটি ছিল, এখন সেটি যেন বাইরে এসে দাঁড়িয়েছে।

শহীদ-এর নিউইয়র্কের অ্যাপার্টমেন্টে নিয়মিত কবিতার আসর হয়। কাব্যপাঠ, আলোচনা। কাব্যরসিক শ্রোতাকুল পরম আনন্দে সে-সবে অংশগ্রহণ করেন। নীরা কাদরী সব আসরের আয়োজক, পরিচালক। কবিতা সম্পর্কে অনেক কথাও বলে শহীদ এখন-কাগজে কাগজে।

যাপিত জীবনের কিছু ছায়া লেখকের রচনায় পড়ে, এ-কথা জানা। লেখকের আপন জীবনই তাঁর রচনার সর্বোকৃষ্ট উপাদান এ-কথাও অনেকে বলেন। সময়, সমাজ, স্বদেশ, দূরদেশ, পরিপার্শ এইসব নিয়েও কথা হয়-লেখকের রচনার কী পরিমাণ প্রভাব ফেলে ওইসব। কিন্তু সময়, সমাজ, স্বদেশ, দূরদেশ, পরিপার্শ, পরিবেশ ইত্যাকার বিষয় লেখককে রচনাবিমুখও করে। তবে কখনো কোনো জীবনানুকূল বাতাস শরীর স্পর্শ করলে লেখক আবারও উড়তে পারেন সেই হাওয়ায়, ছাড়িয়ে দিতে পারেন তাঁর সৃষ্টি।

কবির মুখোমুখি

আমাৰ
হই
দুনিয়াৰ পাঠক এক হও



কবি শহীদ কাদরী প্রবাসে, তরু বাংলাদেশের হৃদয়ে

বাংলাভাষার অন্যতম প্রধান কবি শহীদ কাদরী। দেশ ছেড়েছেন প্রায় ৩৫ বছর আগে। এই সময়ের মধ্যে মাত্র একবারই তিনি দেশে এসেছিলেন। সেও প্রায় ৩০ বছর হয়ে গেল। অতি বিরলপ্রজ তিনি। দেশে থাকতে তাঁর তিনটি কাব্যগ্রন্থ বেরিয়েছে। আর মাত্র কিছুদিন আগে আরেকটি। অথচ এই স্মিস্টারই তাঁকে কবিখ্যাতির শীর্ষে পৌছে দিয়েছে। দীর্ঘ বিদেশবাস তাঁর নামকে নিঃসন্দেহে বাংলাভাষার বিস্মৃত কবির তালিকায় তুলে দিতে পারত, কিন্তু আশ্চর্য তা ঘটে নি। পাঠকহৃদয়ে তিনি আজও অমলিন। তাঁর কবিতা এখনো পাঠকপ্রিয়।

এটি মূলত শহীদ কাদরীর সাক্ষাত্কার। আলাপচারিতার ভঙ্গিতে নেওয়া সাক্ষাত্কারটি গ্রহণ করেছেন বাংলা সাহিত্যের অন্যতম প্রধান গল্পকার জ্যোতিপ্রকাশ দত্ত। সঙ্গে ছিলেন অন্যদিন-এর সম্পাদক মাজহারুল ইসলাম। নিউইয়র্কে, শহীদ কাদরীর অ্যাপার্টমেন্টে। জ্যোতিপ্রকাশ দত্ত ও শহীদ কাদরীর মধ্যে নানারকম মিল খুঁজে পাওয়া যায়। বাংলা সাহিত্যের এই দুই সুষ্ঠা ব্যক্তিগত জীবনে ঘনিষ্ঠ বন্ধু। পঞ্চাশ বছরেরও ওপরে তাঁদের বন্ধুত্ব। জ্যোতিপ্রকাশ দত্ত দেশ ছেড়েছেন ৪২ বছর আগে।

দুনিয়ার পাঠক এক হও

যদিও দেশে যাওয়া-আসা আছে নিয়মিত। জ্যোতিপ্রকাশ দন্তকে এক হিসেবে বিরলপ্রজাই বলা যায়। বিদেশবাস কালে মাঝখানে ১৮ বছর তিনি কিছুই লেখেন নি। যদিও বিগত কুড়ি বছর ধরে তিনি নিয়মিতই লিখছেন বলা যায়। তিনিও প্রধানত বাস করেন নিউইয়র্কে।

আমরা, অন্যদিন-এর পক্ষ থেকে, এই দুই বন্ধুকে কাছাকাছি এনে তাদের কিছু কথাবার্তা শব্দধারণ যত্রে তুলে নিয়েছিলাম। যদিও শহীদ কাদরীই মূল বক্তা, উদ্দেশ্যই ছিল তাই, তবুও আমরা ভেবেছি এই দু'জনের মধ্যে কথাবার্তায় যে হার্দিক পরিবেশ সৃষ্টি হবে তা চিরাচরিত সাক্ষাত্কারের কাঠামোটি পাল্টে দিবে। পাঠকের জন্য নিঃসন্দেহে সেটি উপভোগ্য হবে বলেই আমাদের ধারণা।

মাজহারুল ইসলাম এখানে আমরা সকলেই ঘটনাটি জানি। কিন্তু আমাদের পাঠকদের জন্য যদি ঘটনাটি বলতেন।

শহীদ কাদরী : না, আমি এখন আর কোনোভাবেই এ ঘটনা বলতে চাই না। আল মাহমুদ আমার ওপরে খেপে আছেন, এখনো খেপে আছেন, তিনি ভোলেন নি কোনোদিনও। উপরন্তু আবদুল্লাহ আবু সায়ীদ আবার এ গল্পটা তার ‘ভালবাসার সাম্প্রান’ বইতে লিখেছেন। আমি তাকে বলেছিলাম, তুই এটা লিখতে গেলি কেন? এটা তো বন্ধুবান্ধবদের মধ্যে ব্যাপার, নিজেদের ব্যাপার, তোর লেখা উচিত হয় নি রে। তবে যাই হোক আল মাহমুদ এখন বয়েবৃদ্ধ...একটি বিশেষ দলের বড় কবি হিসেবে পরিচিত। সেদিক দিয়ে আমার মনে হয় না তার কোনো দুঃখ আছে। তবে আমি তার কবিতা পুড়িয়েছিলাম। ২য় মহাযুদ্ধের পর অনেক কবি-সাহিত্যিকই নাঃসীদের পক্ষাবলম্বন করেছিলেন, অনেকে ফ্যাসিবাদকে নানান কারণে তুল বুঝেছিলেন, কিন্তু পরে এরা ভালো লিখেছেন... এরা কবি মানুষ, ফ্যাসিবাদের রাজনৈতিক দিকগুলো না বুঝেই ফ্যাসিবাদের পক্ষাবলম্বন করেছিলেন। পরে তাদের ক্ষমা করে দেওয়া হয়েছিল এবং তাদের কবিতাগুলো বর্তমানের সব সংকলনেই থাকে। ফ্যাসিবাদটাকে আড়াল করে আমরা তাদের ভালো কবিতাগুলো পঢ়ি। আল মাহমুদের রাজনৈতিক দর্শনের প্রতি আমার কোনোরকম সমর্থনই নেই, কিন্তু তার প্রথম দিকের কবিতাগুলো... ‘সোনালি কাবিন’ পর্যন্ত...নিতে আমার কোনো অসুবিধা নেই।

জ্যোতিপ্রকাশ দন্ত তুমি চমৎকার একটি প্রসঙ্গ তুলেছ। এ প্রশ্নটি সবাই করে। প্রশ্নটি হলো, কবির রাজনৈতিক বিশ্বাস যদি কবিতাকে আচল্ল করে ফেলে, সেটা কি তখনো কবিতা থাকে?

শহীদ কাদরী এটার উত্তর একইসঙ্গে হ্যাঁ এবং না। রাজনৈতিক বিশ্বাসকে যদি কাব্যে উত্তীর্ণ করা যায়, তাহলে সেটা কবিতা থাকবে কিন্তু রাজনৈতিক বিশ্বাসকে যদি প্লোগান হিসেবে ব্যবহার করা হয় কবিতায় তাহলে সেটা আর কবিতা থাকবে না। কিন্তু উচ্চকর্ত হলে যে কবিতা হবে না আমি সেটা বিশ্বাস করি না। নেরুদা যথেষ্ট

উচ্চকর্তৃ রাজনৈতিক কবিতা লিখেছেন এবং সেগুলো যথেষ্ট ভালো কবিতা। কিন্তু রাজনৈতিক বিশ্বাসটা মানবিক হতে হবে। রাজনৈতিক বিশ্বাসটা যদি সাম্প্রদায়িক হয় এবং যারা এই রাজনৈতিক বিশ্বাসের সঙ্গে সহমত নন তাদের হত্যা করো, নির্বৎসুর করো-ফ্যাসিবাদ যেটা করতে চেয়েছিল, তা যদি হয়, সেটা কোনো অবস্থাতেই কবিতা নয়। ফ্যাসিবাদী ছবির কথা শুনেছি কিন্তু ফ্যাসিবাদী কবিতার সংস্পর্শে আমি এখনো আসি নি। কিন্তু আমার মনে হয় রোমান্টিক কবিদের মধ্যেই কিছুটা ফ্যাসিবাদী জার্ম আছে। কারণ ফ্যাসিবাদ যেটা বলে, ফ্যাসিবাদের যে একটা পিকটোরিয়াল প্রেজেন্টেশন হয়, অনেকগুলো কাঠি একসঙ্গে বাঁধা আর সঙ্গে একটা কুড়োল। একটা কুড়োল এক ঘায়ে সবগুলো কাঠি ভেঙে ফেলতে পারে। ভার্চুয়াসরা রাজত্ব করবে ননভার্চুয়াস জনগণের ওপর-এই রোমান্টিক হিরোইজমের মধ্যে কিন্তু ফ্যাসিবাদের জার্ম রয়েই গেছে। ফ্যাসিবাদ যে ইউরোপের কিছু ইন্টেলেকচুয়ালের কাছে আকর্ষণীয় মনে হয়েছিল তার কারণ কিন্তু এটাই।

জ্যোতিপ্রকাশ দত্ত বাংলা কবিতায় রাজনৈতিক বিশ্বাসে উজ্জীবিত অনেক কবি আছেন, সার্থক অনেক কবিই আছেন-এ সম্পর্কে কিছু বলো।

শহীদ কাদরী : বুদ্ধদেব যখন আধুনিক বাংলা কবিতার সংকলন করেন তিনি প্রথমেই বাদ দিলেন যারা তথ্যাক্ষিত মার্কিসিস্ট কবি। এর আগে বুদ্ধদেব সুকান্তের কবিতার একটা আলোচনা লিখেছিলেন ‘কবিতা’ পত্রিকায়, তাতে তিনি আগাগোড়াই বলেছেন তাঁর কবিতাগুলো উচ্চকর্তৃ, একদশী এবং এগুলো কবিতা হয় নি। বলে আঁকিন অন্য একটা কবিতা কোট করে বলেছিলেন, মনে হয় এখানে কবিতা আছে-‘দেয়ালে দেয়ালে/ মনের খেয়ালে/ লিখি কথা/ হয়েছি বেকার/ পেয়েছি লেখার/ স্বাধীনতা।’ তিনি বলেছিলেন, এই পঞ্জিকগুলো যে লিখেছে তার পক্ষে কবি হওয়া সম্ভব ছিল, কিন্তু কবি হওয়ার আগেই সুকান্ত প্রয়াত। কিন্তু বুদ্ধদেব যখন আধুনিক বাংলা কবিতা সংকলন করলেন তখন দেখা গেল সেখানে সুকান্তের ছসাতটি কবিতা। তাঁর উপরে তখন জনমতের চাপ ছিল এবং তাঁকে যারা সংকলনের কাজে সহায়তা করছিলেন, যেমন নরেশ গুহ, অরুণ কুমার সরকার, তাঁরা বুঝিয়েছিলেন, সুকান্তের যে পরিমাণ জনপ্রিয়তা আছে, তাঁর লেখা না নিলে সংকলনের গুরুত্ব কমে যাবে। তিনি সুভাষ মুখোপাধ্যায়ের ভক্ত ছিলেন। কিন্তু সুভাষ মুখোপাধ্যায়ের ওপর প্রবক্ষে বুদ্ধদেব শুধু সুভাষ মুখোপাধ্যায়ের কলাকৌশলের প্রশংসন করেছিলেন। কিন্তু ‘কমরেড, ফুল খেলিবার দিন নয় অদ্য’-এ বক্তব্য সম্পর্কে বুদ্ধদেব কোনো মন্তব্যই করেন নি। সবসময়ই বুদ্ধদেব এরকম। বুদ্ধদেব যে সারা পৃথিবীর কবিদের নিয়ে লিখলেন, কোনদিনই বুদ্ধদেব নেরুদার নামই উচ্চারণ করেন নি। আবার সমর সেনকে বুদ্ধদেব নিয়েছেন, সমর সেনের কবিতাতে মার্কসবাদ বা শ্রেণী সংগ্রামের কথা একেবারেই অনুচ্ছারিত, শুধু একটা মধ্যবিত্ত মানুষের হতাশার কথা সেখানে এসেছে। একটা রোমান্টিক অসংস্রোত আছে তাঁর লেখায়। কিন্তু বুদ্ধদেবের এই সংকলনে মার্কসবাদী লেখা না-লেখার গঠন-৩

অন্যান্য বড় বড় কবিরা বাদ পড়েছেন, জগন্নাথ চতুর্বর্তী বাদ পড়েছেন, রাম বসু বাদ পড়েছেন, অচিন্ত্য সেনগুপ্ত বাদ পড়েছেন, গোলাম কুন্দুস বাদ পড়েছেন, মনীন্দ্র রায়ের শুধু একটি কবিতা নেওয়া হয়েছে। এতে বিষ্ণু দে যথেষ্ট পরিমাণে আহত হয়ে ‘একালের কবিতা’ নামে আরেকটি সংকলন করেন, যেখানে মার্কর্সবাদী কবিদের প্রতি তিনি সুবিচার করেছেন বলে তাঁর ধারণা।

জ্যোতিপ্রকাশ দত্ত : কোনো রাজনৈতিক বিশ্বাস আছে তোমার কবিতায় ?

শহীদ কাদরী : একেবারে প্রাথমিক পর্যায় বাদ দিয়ে কবিতা লেখার শুরুর দিকেই জীবনানন্দের একটা প্রবন্ধ দ্বারা অত্যন্ত প্রভাবিত হই। সেখানে তিনি বলেছিলেন, কবিতার শরীরের ভেতরে থাকবে কবির চিন্তা-ভাবনা এবং মেধার স্বাক্ষর, নারীর কটাক্ষের পেছনে শিরা-উপশিরার মতো। আমার ধারণা আমার প্রথম বই ‘উত্তরাধিকার’-এর ভেতরের কথাটা হচ্ছে পুঁজিবাদী সমাজে বহিরাগতের মতো জীবনযাপন। সেখানে একজন হতাশাঘন্ত লোক ঘুরে ঘুরে বেড়ায়, যার কোনো কুট নেই। আমার একটি কবিতার নাম হলো ‘আমি কিছুই কিনব না’। সেই লোক ঘুরে ঘুরে বেড়াচ্ছে, নানান পণ্য দেখছে এবং বলছে, আমি কিছুই কিনব না। সেখানে আমি পণ্য উৎপাদনকারী বর্তমান যে আধা পুঁজিবাদী আধা সামন্ততাত্ত্বিক সমাজ ব্যবস্থা যা আমাদের সামনে উপস্থাপিত হচ্ছে, তা সরাসরি রিজেক্ট করেছি। কিন্তু কোনোখানেই বলা হচ্ছে না আমি মার্কর্সবাদে বিশ্বাসী। কিন্তু আগাগোড়াই আমি মার্কর্সবাদে বিশ্বাসী ছিলাম। সোভিয়েট ইউনিয়নের পতনের পরেও আমি মনে করি, মার্কর্সবাদের প্রাসঙ্গিকতা আমাদের জীবন থেকে হারিয়ে যায় নি।

জ্যোতিপ্রকাশ দত্ত এই যে তুমি বলো পুঁজিবাদী সমাজ ব্যবস্থায় একজন হতাশ, একজন উদ্বাস্তু মানুষ-এই মানুষের চিন্তা কি এলিটিস্ট নয় ?

শহীদ কাদরী আসলে এক অর্থে সমস্ত মার্কিসিস্ট সাহিত্যই এলিটিস্ট। মার্কর্সবাদ পড়বে কে ? মার্কর্সবাদ পড়বে যারা তারা তো এলিটিস্ট সোসাইটিরই লোকজন। আমরা যে সাহিত্যটা করি, সেখানে লেখক হবেন ডিক্লাসড। যে এলিটিস্ট শ্রেণীতে তিনি জন্মেছেন, সে শ্রেণী থেকে তিনি ডিক্লাসড হবেন। মানসিকভাবে তিনি ডিক্লাসড হবেন। ‘কমরেড, আজ নববৃগ্ণ আনবে না’-এই কমরেডের কারা ? তারা এলিট শ্রেণীরই সদস্যরা। তাদের মধ্যে কেউ কেউ ডিক্লাসড, কেউ কেউ ডিক্লাসড না। যেমন তখন শুনেছি সোমেন্দ্রনাথ ঠাকুর, ঠাকুর পরিবারে উনিই ছিলেন বামপন্থী। উনি কলকাতার ডকইয়ার্ডে ট্রেড ইউনিয়ন করতেন। তিনি সেখানে যাওয়ার সময় খন্দরের ধৃতিপাঞ্চাবি পরতেন। কিন্তু তাঁর কামরাতে সুগাঞ্জি ছড়িয়ে রাখা হতো। সুগাঞ্জি ছড়িয়ে তালা মেরে দেওয়া হতো, যাতে সুগাঞ্জি বেরিয়ে যেতে না পারে। তারপরে তিনি সারাদিন ট্রেড ইউনিয়নের কমরেডদের কাছে বিপ্লবের বাণী প্রচার করে ঘর্মাঙ্গ অবস্থায় ফিরে এসে, মান করে, সেই সুগাঞ্জিগুহে গিয়ে শয়গ্রহণ করতেন। এই দুর্ঘটা আমাদের মধ্যে রয়েই গেছে। আমরা যখন আমাদের শ্রেণীস্বার্থের পক্ষে যে

বিশ্বাসটি আছে, তা যখন হারিয়ে ফেলি, আমরা যখন অন্যভাবে জীবনকে দেখা শুরু করি, তখন প্রথমেই আমরা হারিয়ে ফেলি তথাকথিত ধর্ম বিশ্বাস। প্রথমে সেখান থেকে উদ্বাস্ত হই আমরা। দ্বিতীয়ত, আমরা নিজের শ্রেণীর যে আশা-আকাঙ্ক্ষা আছে সেখান থেকেও আমরা নিজেকেই নিজে নির্বাসিত করি। এখান থেকেও আমরা উদ্বাস্ত হই। শামসুর রাহমানের কথায়, ‘কথা বানানোর আরঙ্গ কত তীক্ষ্ণ লজ্জা, বুকে পুষে আমি হাঁটি মানুষের ধূসর মেলায়...’ আমাদের শ্রেণী কী বলে? তুমি ডাক্তার হবে, তুমি ইঞ্জিনিয়ার হবে, আর্কিটেক্ট হবে, ব্যবসায়ী হবে নিদেন পক্ষে। কিন্তু আমরা যখন এসব কিছুই করি না, নেহাতই পদ্য লেখি, তখন আশপাশের লোকজন আমাদের বলে, কি রে! আর কতকাল ভেরেভো ভাজবি? যার ফলে একটা এলিয়েনেশন তৈরি হয় মনের মধ্যে। সমসাময়িক কবিতায়ও দেখা যায় এই মানুষটাকে—‘দিনের পর দিন রাতের পর রাত ঘুরে বেড়াই/কলকাতার মরা নগরীতে আসে আলকাতরার মতো রাত্রি/ আর হাওয়ায় গোলটেকের গন্ধ/ হে মহাকাল আর কত কাল’। এলিটিস্ট এটা এ সম্পর্কে কোনো সন্দেহ নেই। কিন্তু সত্যিকার অর্থে ডিক্লাসড আমরা কেউ কি হতে পারি? সে অর্থে পারি না। সুভাষ মুখোপাধ্যায়কে দেখ, শেষ জীবনে সুভাষ মুখোপাধ্যায় কংগ্রেস থেকে ইলেকশনে দাঁড়িয়েছিলেন, তুপেন হাজারিকাকে দেখ, বিজেপি থেকে ইলেকশনে দাঁড়িয়েছিলেন। তবে সত্যিকার অর্থে ডিক্লাসড হতে না পারলেও দার্শনিকভাবে আমরা কখনো কখনো ডিক্লাসড হতে পারি।

জ্যোতিপ্রকাশ দত্ত : পাঠক...

শহীদ কাদরী : পাঠকও তো আমাদের নিজের শ্রেণীরই।

জ্যোতিপ্রকাশ দত্ত : সবাই কি?

শহীদ কাদরী : অধিকাংশই তো নিজের শ্রেণীর পাঠক। আমি শুধু ঢাকায় একবার এক রিকশাওয়ালাকে পেয়েছিলাম যে সুকান্তের কবিতা আবৃত্তি করত।

জ্যোতিপ্রকাশ দত্ত এমন আমরা দু'চারজন পেয়েছি বটে। তবে এটা ঠিক, যারা পাঠক তারা এই পথেরই। তবে আমার মনে হয় আমাদের পাঠকদের মধ্যে এক ধরনের রোমান্টিকতা আছে। তারা কবিতা পড়ার রোমান্টিকতা ছাড়াও আমাদের কবিদেরকে এরকম চেহারায় দেখতে ভালোবাসে।

শহীদ কাদরী এখানে আমি বলতে চাই বিপ্লবের চিন্তাও কিন্তু খুব রোমান্টিক। রোমান্টিসিজমের একটা মূল কথা হচ্ছে যা বর্তমান সেখান থেকে বেরিয়ে যাওয়া। যেমন—‘পর্বত চাহিল হতে বৈশাখের নিরদেশ মেঘ’। পর্বত স্থিরাবস্থায় আছে। এই যে পর্বতের বৈশাখের মেঘ হতে চাওয়া এটা হলো পর্বতের রোমান্টিসিজম। বিপ্লবের চিন্তা অত্যন্ত রোমান্টিক। একটা অচলায়তন যেখানে রয়েছে যে সমাজ ব্যবহ্যায় সেটাকে ভেঙে বেরিয়ে যাওয়া—এটা অত্যন্ত রোমান্টিক চিন্তা। আমাদের রোমান্টিক কবি রবীন্দ্রনাথ অচলায়তন ভাঙ্গার কথা বলেছেন। রিয়্যালিজমও রোমান্টিসিজমের ওপরে আরও এক ডিগ্রি রোমান্টিক। কারণ সেটা রোমান্টিসিজম

ডেঙ্গে বেরিয়ে অন্য একটা ডাইমেনশনে যেতে চাইছে। রোমান্টিক মাইন্ড পৃথিবীর অঙ্গতির পক্ষে কাজ করছে।

জ্যোতিপ্রকাশ দত্ত এখানে একটা মায়লি কথা বলা যাক, খুবই মায়লি-'ভালো কবিতা' কী?

শহীদ কাদরী : দেখ, প্রথমত প্রতিটি ভালো কবিতার মধ্যে একটি বিশেষ উপাদান যাকে বলে 'এলিমেন্ট অব এক্স' থাকে। যে জিনিসটি সরাসরি আঙুল দিয়ে শনাক্ত করা যাবে না। সৌন্দর্যের একটি সংজ্ঞা হচ্ছে হারমনি। এই হারমনির চিন্তা থেকেই কিন্তু ইউরোপে এমনকি এখন আমাদের দেশেও সেরা সুন্দরী নির্বাচন করা হয়। সেখানে বুকের মাপ কর, কোমরের মাপ কর-যা ছিকরা প্রথম মেজারমেন্ট করে হারমনির কনসেপ্ট বের করে। হারমনি আমরা মিউজিকে পাছি, দেহসৌষ্ঠবের মধ্যে পাছি, হারমনি আমরা কবিতার মধ্যেও পাছি। কবিতায় শব্দের সঙ্গে শব্দের সম্পর্ক, শব্দের সাথে সেখানে যে চিত্র আছে, চিত্রের সঙ্গে যে বিষয়বস্তু আছে, সেই বিষয়বস্তুর সঙ্গে উপমা এবং ধ্বনিপৃষ্ঠের হারমোনাইজ সম্পর্ক থাকতে হবে।

জ্যোতিপ্রকাশ দত্ত : পাঠক যখন কবিতা পড়েন তখন তো তার কাছে হারমনির এসব উপাদান ভিন্নভাবে আসে, একটা সমন্বিত রূপ উপস্থাপিত হয়। তাহলে কি বলা যায় পাঠকের যে কবিতা পড়তে ভালো লাগে, সেটিই তার কাছে ভালো কবিতা?

শহীদ কাদরী : সেটি তার কাছে ভালো, কিন্তু অনেক কবিতা আছে যেগুলো পড়তে ভালো লাগে না, কিন্তু বোকা যায় সেগুলো ভালো কবিতা। তবে শেষ পর্যন্ত আমার পক্ষপাত হচ্ছে লিখিক, যদিও আমি নিজেও ঠিক মতো লিখতে পারি নি, কিন্তু আমার পক্ষপাত হচ্ছে লিখিক, মিউজিক্যালি রিচ লিখিক।

জ্যোতিপ্রকাশ দত্ত : এমন বলা যায়, কবি যখন তার আবেগ পাঠকের মধ্যে সংশ্লারিত করতে পারেন না, তিনি তখন ব্যর্থ?

শহীদ কাদরী : আবসুলিউটলি।

জ্যোতিপ্রকাশ দত্ত : অথচ দেখা যাচ্ছে যে অনেক কবিই তাদের কবিতায় যে সমস্ত বিষয়ের অবতারণা করেন, যেমন মিল্টনের কথাই বলি, পাঠকের পক্ষে তৎক্ষণাত তার স্বাদ নেওয়া সম্ভব হয় না।

শহীদ কাদরী এখানে একটা কথা বলি, অনেক দিন পর্যন্ত কবিতা ছিল আবৃত্তির, কবিতার বাহন ছিল মৌখিক, তারপর কবিতার ওপরে একটা প্রধান প্রভাব পড়েছে ছাপাখানার। যতদিন পর্যন্ত কবিতা মৌখিক ছিল ততদিন পর্যন্ত কবিতার বিষয়বস্তু ছিল সরলরৈখিক যা পাঠক বা শ্রোতা সহজেই গ্রহণ করতে পারত। যখন থেকে কবিতা ছাপা হওয়া শুরু হলো, কবিতা কবিতা লেখা শুরু করলেন, বিভিন্ন বিষয়ে এবং শাস্ত্রে তাদের মধ্যে পারঙ্গমতা জন্মালো। এদের চিন্তা আর সরলরৈখিক থাকল না। এদের চিন্তার মধ্যে জটিলতা এল। যেহেতু যে-কোনো শিল্প সৃষ্টি সামগ্রিক সন্তার



যুক্তরাষ্ট্র বাংলা সাহিত্য পরিষদ আয়োজিত সাহিত্য সমাবেশে যোগদানকারী (বাম থেকে) মুহুমদ জাফর ইকবাল, হাসান আল আবদুল্লাহ, নির্মলেন্দু গুণ, শহীদ কাদরী, জ্যোতিপ্রকাশ দত্ত ও আলেয়া চৌধুরী।
নিউইয়র্ক, ফেব্রুয়ারি, ১৯৯৩

প্রকাশ, সেখানে চোখ, মুখ, কান, মন এবং মন্তিক্ষ যখন একসঙ্গে প্রকাশিত হচ্ছে তখন দেখা যাচ্ছে যে কবিতার মধ্যে জটিলতা আসছে। কবিতার মধ্যে কবিতা সহজভাবে কথা বলছে না, কবিতা প্রতীক দিয়ে কথা বলছে, কবিতা পুরাণের উল্লেখ করে কথা বলছে, কবিতায় বৈজ্ঞানিক সূত্র ব্যবহার হচ্ছে—পাঠক যদি এগুলোর সঙ্গে পুরোপুরি পরিচিত না হন, তার পক্ষে এটা বোঝা তো কঠিন হবেই। সভ্যতার অংগতির সাথে কিন্তু কাব্যের জটিলতা জড়িত।

জ্যোতিপ্রকাশ দত্ত এটাই সবচেয়ে বড় কথা। এটা ঠিক যে ছাপাখানা আবিষ্কারের সঙ্গে সঙ্গে বা কবিতা ছাপা হতে শুরু হওয়ার পর থেকে কবিতায় যে একরৈখিকতা ছিল তা দূর হয়েছে, কিন্তু সময়ের সঙ্গে সঙ্গে জীবনযাপনের জটিলতা কবির কবিতায় ছাপ ফেলে।

শহীদ কাদরী কারণ আমরা ইচ্ছায় হোক অনিচ্ছায় হোক কিছুটা সময়ের দাসত্ত করতে বাধ্য হয়ে যাই। আজকের সময়, আজকের সমাজ, আজকের বিশ্ব ব্যক্তিমানুষকে এমনভাবে গ্রাস করছে যে মানুষ সবকিছু থেকে নিজেকে ছাড়িয়ে আনতে চায়। ওই যে ‘প্রান্তরে কিছুই নেই, জানালায় পর্দা টেনে দেই’। অথচ প্রান্তরেই তো সবকিছু হচ্ছে। যুদ্ধ হচ্ছে প্রান্তরে, দুর্ভিক্ষ হচ্ছে প্রান্তরে, মহামারী-মড়ক হচ্ছে প্রান্তরে। কিন্তু আমরা প্রান্তর থেকে নিষ্ঠার পেতে চাই। যখন আমরা প্রান্তর থেকে নিষ্ঠার পেতে চাই, তখন আমরা এধরনের কথা বলি। আমি যদি সমাজ সচেতন হই এবং স্ক্রিয়ভাবে সমাজকে পরিবর্তন করতে চাই, তাহলে তো আমাকে যেখানে যুদ্ধ হচ্ছে, মড়ক হচ্ছে, দুর্ভিক্ষ হচ্ছে সেখানে গিয়ে কাজ করতে হবে। দেখা গেছে দ্বিতীয় মহাযুদ্ধে অসংখ্য কবি যুদ্ধ করেছেন, বহু কবি নিহত হয়েছেন।

আধুনিকতার আরেকটা কথা হচ্ছে আধুনিকতা সর্বগামী। আধুনিক শিল্প, আধুনিক সাহিত্য সবই সর্বগামী। সবই আমরা স্পর্শ করতে চাই। কিন্তু আমাদের রূচি, ক্ষমতার সীমা দ্বারা আমরা নিয়ন্ত্রিত হই।

মাজহারুল ইসলাম : আমি ভালো কবিতা প্রসঙ্গে একটা প্রশ্ন করতে চাই। ভালো কবিতা নির্ধারণ করবে কে? পাঠক না কবি নিজে? পাঠকের ভূমিকা এখানে কতটুকু?

শহীদ কাদরী : সবাই তো পাঠক। যে কবিতা লিখে সে নিজেও পাঠক। সে-ই শ্রেষ্ঠ পাঠক যে পৃথিবীর শ্রেষ্ঠ কবিতাঙ্গলোর স্বাদ নিয়েছেন। সেই পাঠকই শেষ পর্যন্ত কবিতার ভালোমন্দের বিচার করবে।

জ্যোতিপ্রকাশ দত্ত : সহজ কথায় কি বলা যায় না, পাঠকই ভালো কবিতার বিচারক?

শহীদ কাদরী : হ্যাঁ, পাঠকই বিচারক, তবে সব পাঠক নন। কারণ আমরা দেখেছি পাঠক মনোরঞ্জনকারী কবিতাও আছে। আজকের এ যুগেও লেখা হচ্ছে পাঠক মনোরঞ্জনকারী কবিতা। এগুলো মোটামুটি সরল, ছবিবন্দ, কোনো জটিলতা নাই, কোনো নতুনত্ব নাই। ভালো কবিতার তো অনেকগুলো শর্ত আছে। এর মধ্যে একটি শর্ত হচ্ছে আজ অবাদি যে ধরনের কবিতা লেখা হয়েছে, আজকের পরে যারা লিখবেন তাদের অন্য ধরনের কবিতা লিখতে হবে, অন্য ধরনের সৌন্দর্যের সৃষ্টি করতে হবে। আবার সেখানে সৌন্দর্যের যেগুলো মূল কথা সেগুলো ঠিক রাখতে হবে। এ বিষয়গুলো ভালো কবিতার স্বাদ গ্রহণ করেছেন এমন বিশেষ ধরনের পাঠকরাই শুধু বিচার করতে পারবেন, সব পাঠক না।

জ্যোতিপ্রকাশ দত্ত : তাহলে কি বলা যায় ভিন্ন ভিন্ন পাঠকের ভালো কবিতার ধারণা ভিন্ন?

শহীদ কাদরী হ্যাঁ, বুদ্ধিদেবের একটা প্রবন্ধ আছে রবীন্দ্রনাথের উপরে-'কবিতার সাত শরীর'। সেখানে দেখা যায় যে রবীন্দ্রনাথ সাত ধরনের কবিতা লিখেছেন। তার মধ্যে সব ধরনের কবিতা আবার সবার পছন্দ নয়। এ নিয়ে মতভৈততা তো আছেই। অনেক সময় দেখা যায় অনেক কবিকে তাঁর যুগে উপেক্ষা করে যাওয়া হয়েছে, দু'শ তিনশ' বছর পরে তাঁদের সাহিত্য পুনর্জীবন পেয়েছে। এমন তো হয়ই। এটা উপন্যাসিকদের ব্যাপারেও হয়। জগদীশ চন্দ্রের ব্যাপারে হয়েছিল। কত পরে জগদীশ গুণ্ড আমাদের কাছে এসেছিল। শিল্পসাহিত্যের সর্বক্ষেত্রে এই সমস্যাটা থাকবে।

জ্যোতিপ্রকাশ দত্ত : আমরা একটা কথা শুনে থাকি, কবি বা সাহিত্যিকের বিচার তাঁর রচনার পরিমাণ দিয়ে নয়, তাঁর রচনার গুণে।

শহীদ কাদরী আমি এখানে দু'তিনটা কথা বলব। রচনার পরিমাণটা কোনো পরিমাণ তা তো বলে দেন নি কেউ। যেমন, জীবনন্দ দাশ যখন প্রধান কবি হিসেবে প্রতিষ্ঠিত হলেন তখন তার 'বনলতা সেন' থেকে শুরু করে 'বেলা অবেলা কালবেলা' পর্যন্ত মাত্র একশ ষাটটি কবিতা। সুধীন্দ্রনাথ দত্ত, আমাদের অন্যতম

প্রধান কবি...আমাকে যদি বলা হয় সত্ত্বিকার তিনি প্রধান কবি কে কে ? আমি বলব
বিষ্ণু দে, সুধীন্দ্রনাথ দত্ত এবং জীবনানন্দ দাশ । বুদ্ধদেব বসু এবং অমিয় চক্রবর্তী
আমার কাছে একটু পেছনেই থাকবে । সুধীন্দ্রনাথ দত্তের কিন্তু মাত্র পাঁচটি বই ।
অন্যদিকে বাংলাদেশী কোনো কোনো কবির ৬০-৭০টা বই ইতিমধ্যে বেরিয়ে গেছে ।
পৃথিবীর মহাকবিদের মধ্যে র্যাবোকে ধরা হয় এবং বদলেয়ারকে ধরা হয় ।
বদলেয়ারের মাত্র ২টি বই । একদম চটি বই । র্যাবোর দু'টো বই । দুটিই চটি বই-
'ইলুমিনেশনস' এবং 'সিজন ইন হেল' । আবার..থাক.. আমি বাংলাদেশী কবিদের
নাম বলতে চাই না । হাজার হাজার লিখলেই তো আর হবে না । ভালো কবিতায়
অভিনবত্ব আছে, পুরনো জিনিসকে নতুন দৃষ্টিভঙ্গিতে দেখা আছে । ভালো কবিতার
সংখ্যা খুব কম । অত্যন্ত ছোট একটা দৃষ্টিস্ত দেই । ছোটবেলা থেকে আমরা শুনে
আসছি 'চাঁদমুখ' । মহিলাদের মুখের সৌন্দর্যের সঙ্গে চাঁদের তুলনা করে বলা হয়
'চাঁদমুখ' । তারপর আমরা দীনেশ দাসকে পেলাম । তিনি লিখলেন, 'চাঁদের এই বাঁকা
ফালিটি তুমি বুঝি খুব ভালোবাসতে/ য যুগের চাঁদ হলো কাস্তে' । এর কিছুদিন পর
পেলাম আমরা সুকাস্তকে 'পূর্ণিমার চাঁদ যেন ঝলসানো রুটি' । প্রায় ওই ধরনেই
আমরা পেয়েছি আল মাহমুদের কবিতায় 'হলুদ পিঠার মতো চাঁদ' । আর বুদ্ধদেবের
'কঙ্কাবতী' কবিতায় চাঁদের অসংখ্য উপমা আছে । আবার কোনো একটা কবিতায়
আমি পড়লাম যে যুদ্ধক্ষেত্রে নিহত মানুষ পড়ে আছে, রাতে চাঁদ উঠেছে, মনে হয়
আকাশে একটা নক্ষত্র । এ পর্যন্ত আমরা এসেছি । এর পরে কবিদের যদি চাঁদ
ব্যবহার করতে হয় তাকে নতুন কিছু করতে হবে । একজন কবিকে যখন এগুলে হয়
তখন নতুন কিছু করতে হয় । জীবনানন্দ দাশের কবিতায় গ্রাম-বাংলার বর্ণনায়
আমরা যে উপমা পাই তা রবীন্দ্রনাথেও নেই । এতে বিশ্বিত হতে হয় । যখন কবিরা
এভাবে যা কিছু স্পর্শ করবে সেখানেই নতুনত্বের ছাপ থাকবে—এভাবে কয় হাজার
বই লিখতে পারবে ? চার-পাঁচটা বই-ই তো যথেষ্ট ।

জ্যোতিপ্রকাশ দত্ত : কবিতার চেহারার কথা কিছু বলা যাক । মঙ্গল কাব্য থেকে শুরু
করে, আমাদের একরৈখিক কবিতার যে সময়কাল গেছে সেখান থেকে শুরু করে
তারপর এ জটিল কবিতার সময় এল-এ দীর্ঘ সময়ে কবিতার চেহারা তো খুব একটা
পাল্টাল না ।

শহীদ কাদরী মঙ্গল কাব্যের পরে কবিতার চেহারা প্রথম পাল্টেছে রবীন্দ্রনাথের
হাতে । চেহারা বলতে তুমি যদি ফরম্যাটের কথা বলো—রোমান্টিক কবিতার
ফরম্যাটগুলো, স্তবক বিন্যাসগুলো রবীন্দ্রনাথের হাতে পাল্টেছে । রবীন্দ্রনাথের পরে
বাংলা কবিতার ফরম্যাট খুব একটা চেঞ্জ হয় নি । ইউরোপে যেটা দেখা যায়—একটা
হলো এক্সপোজিটরি পয়েম যেখানে কবিতার বিগণিং আছে, মিডল আছে, এস্ট
আছে । আরেকটা হলো কন্টিনেন্টাল প্রোজ পোয়েম যেটা টানা গদ্য । টানা গদ্য
বাংলায় চেষ্টা করা হয়েছে । বুদ্ধদেব কিছু লিখেছেন, আরও কেউ কেউ লিখেছেন ।
কিন্তু মনে হয় টানা গদ্যে বাংলা কবিতা ঠিক দাঁড়াতে পারে না । কবিতার একটা

সংজ্ঞায় অর্ডেন বলেছেন, Poetry is memorable speech. কারণ মেমোরেবল স্পিচ না বললে তো আবার শেক্সপীয়রকে আনা যাবে না কবিদের মধ্যে। টানা গদ্দের কবিতা মেমোরেবল হওয়া প্রায় অসম্ভব। যেহেতু আমরা এখন মেমোরির দাসত্ত্ব করি না, যেহেতু বই খুলে কবিতা পড়ি, তাই টানা গদ্দে কবিতা হতেই পারে। র্যাবোর পুরোটাই টানা গদ্দে, পল ক্লোভেল টানা গদ্দে, এখনকার সময়ের রেনেসাঁ টানা গদ্দেই। বাংলায় অরুণ মিত্রের সব কবিতা টানা গদ্দেই। অরুণ মিত্রের ১ম খণ্টা আমি পেয়েছি, ২য় খণ্টা এখনো পাই নি। ভালো কবিতার কোনো আবেদন আমি সেখানে পাই নি। বুদ্ধিদেব বসু অরুণ মিত্রের একটা কবিতা নিয়েছেন, বিস্তু দেও একটা-দুটো নিয়েছেন। টানা গদ্দে বাংলা কবিতা কেন যেন আসছে না। কীভাবে সেই ফরম্যাট চেঙ্গ হবে এখনই বলা যাচ্ছে না। একসময় যখন মাইক্রোকোপ দিয়ে দেখা শুরু হলো তখন রক্তকণিকার বিভিন্ন শেপ পেইন্টিংয়ে প্রভাব ফেলেছিল। এইভাবে কোনোভাবে কবিতার ফরম্যাট চেঙ্গ হবে কি না আমি বলতে পারব না।

জ্যোতিপ্রকাশ দত্ত : কবিতার ফরম্যাট প্রসঙ্গে আবার চলে যাওয়া যাক।

শহীদ কাদরী : কবিতার ফরম্যাটে কিছু কিছু পরিবর্তন হয় নি যে তা না কিন্তু আসলে সেটা মৌলিক ফরম্যাটগুলোরই কিছুটা পরিবর্তিত রূপ। কিন্তু কবিতার মৌলিক ফরম্যাটে কোনো পরিবর্তন হয় নি। তুমি বলছিলে দীর্ঘ কবিতার কথা।

জ্যোতিপ্রকাশ দত্ত : দীর্ঘ কবিতার একটা প্রচলন হয়েছে। জয় গোষ্ঠামী দীর্ঘ কবিতা লিখেছেন। এ দীর্ঘ কবিতায় প্রায় উপন্যাস লেখা তো আগেও হয়েছে। যেমন, অন্নদামঙ্গল।

শহীদ কাদরী দীর্ঘ কবিতা সম্পর্কে আমার বক্তব্য হচ্ছে এই যে, সর্বপ্রথম দীর্ঘ কবিতা লিখলেন সৈয়দ শামসুল হক। সব দীর্ঘ কবিতার সমস্যা হচ্ছে দীর্ঘ কবিতার মধ্যে গদ্য বিষয় চুকে পড়ে। কারণ কবিতার অংশবিশেষ কাব্যিক থাকে আর কাব্যিক অংশগুলোকে এক সৃত্রে প্রোথিত করার জন্য কাহিনি আনতে হয়। যা কিছু অকবিতা কবিতার মধ্যে তা হচ্ছে কাহিনি। কাহিনি একটা ঔপন্যাসিক যত ভালোভাবে বলতে পারবে, একজন গল্পকার যত ভালোভাবে বলতে পারবে, একজন কবি কথনেই তত ভালোভাবে বলতে পারবে না। রবীন্দ্রনাথ কাহিনি কবিতা লিখেছেন। রবীন্দ্রনাথের কাহিনি কবিতার যে আবেদন সেটা কিন্তু কাহিনির নয়, সেটা ছন্দমিল, অন্তমিলের সমোহনী শক্তি। কারণ কাহিনি হিসেবে সেটা সাধারণ কাহিনি। কাহিনি হিসেবে সেটা রবীন্দ্রনাথের নিজেরই ছোটগল্পের তুল্য না। জয় গোষ্ঠামীর যে দীর্ঘ কবিতাগুলো আমি পড়েছি, কবিতা হিসেবে আমার কাছে সেগুলোর আবেদন নেই। জয় গোষ্ঠামী ছাড়াও আরও অনেকের দীর্ঘ কবিতা আমি দেখেছি। দীর্ঘ কবিতার আবেদন আমার কাছে নেই। আমি মনে করি ছোট লিরিক অনেক দূর যেতে পারে।

জ্যোতিপ্রকাশ দত্ত : গল্প এবং কবিতা, কবিতার চিত্রকল্প ইত্যাদি মিশিয়ে কিছু লেখা হয়, যেমন, আমি নিজে চেষ্টা করেছি...

শহীদ কাদরী হ্যা, আমি সে কথা বলতে যাচ্ছিলাম। একটা কথা তো সবসময়ই
বলা হয়েছে, কবিতা এবং ছেটগল্প খুব কাছাকাছি জিনিস এবং কবিতা আক্রান্ত ছেট
গল্প তো সাদরে গ্রহণযোগ্য। আমি তো খুবই পছন্দ করি তোমার এ ধরনের
গল্পগুলো। তা ছাড়া অনেক বড় উপন্যাসও কবিতা দ্বারা আক্রান্ত। ‘ইউলিসিস’
কবিতা দ্বারা আক্রান্ত। ভার্জিনিয়া উলফের উপন্যাস কবিতা দ্বারা আক্রান্ত। তবে যারা
শুধু কাহিনি চায়... এর পরে কী হলো, এর পরে কী হলো—তাদের জন্য এ জিনিসটা
না। এর পরে কী হলো এটা হচ্ছে গোয়েন্দা কাহিনির মূল কাঠামো। আধুনিক কাহিনি
তো আমরা প্রথম থেকেই জানি... এই হয়েছে... তারপর কী হবে শেষ, কীভাবে
আবেগ অনুভূতিগুলোর উত্থান-পতন ঘটছে এবং ন্যাচারেলি আবেগ অনুভূতিগুলোর
উত্থান-পতন ঘটাতে গেলেই সেখানে চিত্রকল্পের কথা আসে এবং এগুলো কবিতার
উপাদান। আমার মনে হয় সত্যিকার ভালো শর্ট স্টোরি... যদি তুমি চেকভ'কে ধরো,
তার শর্ট স্টোরির আড়ালে কি কবিতা নেই? কাব্যিক দৃষ্টি তো থাকতে হবে—সে
কবিতাই হোক, গল্পেই হোক, নাটকেই হোক আর উপন্যাসেই হোক।

জ্যোতিপ্রকাশ দত্ত : কবির জন্য পেশা কর্তৃ গুরুত্বপূর্ণ? অথবা বলা যায় পেশা কি
কবিতাকে প্রভাবিত করে?

শহীদ কাদরী : আমার ধারণা কবির জন্য সবচেয়ে ক্ষতিকর পেশা সাংবাদিকতা। যে
ভাষায় সে কবিতা লেখে সে ভাষায় দীর্ঘ দিন সাংবাদিকতা করলে সাংবাদিকতার
ভাষা আক্রমণ করে তার সৃষ্টিশীল লেখায়।

জ্যোতিপ্রকাশ দত্ত : কিন্তু আমরা তো দেখি অনেক কবিই সাংবাদিক এবং তাঁদের
মধ্যে অনেকেই পাঠকপ্রিয়।

শহীদ কাদরী হ্যা, তাতে কোনো সন্দেহ নাই, কিন্তু আমি একটা কথা বলতে চাই
যে কবিতার বিষয়ে একটা কথা আসে—যা গদ্য লেখা যায়, যা সম্পাদকীয়তে লেখা
যায়, তা কিন্তু কবিতার বিষয় না। আমাদের এসব কবিরা অনেক কবিতা লিখেছেন
যা বুদ্ধদেবের ভাষায়—বক্তৃতা, উপদেশ বা রাজনৈতিক দৃষ্টিভঙ্গির প্রকাশ। এবং এসব
কবিতা অতিক্রান্ত সময়ের সঙ্গে সঙ্গে বিবর্ণ হয়ে যায়, হতে বাধ্য এবং এটা হচ্ছে
সাংবাদিকতার একটা প্রভাব। আমরা এমন একটা সময়ে বাস করি, আজকের
সভ্যতায়, বিশেষত হিন্তীয় মহাযুদ্ধের পর থেকে লেখক-সাহিত্যিক-কবিদেরও একটা
ভূমিকা পালন করতে হয়। এই ভূমিকা পালন করতে গিয়ে অনেক কথা, অনেক কিছু
রবীন্দ্রনাথকেও বলতে হয়েছে, বুদ্ধদেবকেও বলতে হয়েছে। যেমন আমি আমার
নিজের অভিজ্ঞতা থেকে বলি, আমি সাংবাদিকতার সঙ্গে সরাসরি যুক্ত না হলেও,
১৯৬৪ কি ১৯৬৬ সালে একটা বিরাট বড় হয়, সেই ঝড়ের ওপরে আমি একটা বেশ
বড় কবিতা লিখেছিলাম যেটা আজকে আমার কাছে খুব বিবর্ণ মনে হয়, মনে হয় এর
প্রাসঙ্গিকতা বিলুপ্ত হয়ে গেছে। সাংবাদিকতা অনেক সময় সাংবাদিক-কবিকে বাধ্য
করে সময়ের তাৎক্ষণিকতা দ্বারা আক্রান্ত হতে। যেমন ভারতীয় কবি-সাহিত্যিকরা

একসময় ফ্যাসিবাদের বিরুদ্ধে সংঘবন্ধ হয়েছিলেন। সম্পত্তি আমি একটা বই পড়ছিলাম ‘দ্য লেফট রাইটারস ইন আমেরিকা’। তাঁদের একটা প্রতিহাসিক সমাজতাত্ত্বিক গুরুত্ব হয়তো আছে, কিন্তু ঠিক সাহিত্যিক গুরুত্ব আর নেই।

জ্যোতিপ্রকাশ দন্ত পেশার কথাতেই আবার আসি, তোমার নিজের কথাই ধরা যাক। সেই সময়ে, কবিতা লেখার সেসব দিনে সেই অর্থে তোমার স্থির কোনো পেশা ছিল না। তারপরে আমরা যখন তোমাকে দেখলাম ঢাকা টেলিভিশনে কাজ নিতে। সেটিই যখন তোমার পেশা হয়ে দাঁড়াল, তখন তোমার লেখার যে অভ্যাস তা কি পরিবর্তিত হয়েছিল? তুমি কি ঠিক মতো লিখতে পেরেছিলে তখন?

শহীদ কাদরী তোমাকে একটা স্পষ্ট কথা বলি, চার বছর কাজ করেছিলাম আমি সেখানে। তারপরে আমি আমার বড়ভাইকে বললাম, আমি সকাল ৯টা-সাড়ে ৯টা সময় যাই, রাত ১২টা-সাড়ে বারোটা সময় বেরিয়ে আসি, আমার দ্বারা এ চাকরি করে লেখালেখি করা সম্ভব হবে না, আমার বইও বের করা সম্ভব হবে না। টেলিভিশনে থাকতেই আমাকে আল মাহমুদ-এখলাস এসে বলল, ওরা আমার প্রথম বইটা বের করতে চায়। কিন্তু আমি তিন বছরের মধ্যে ওদেরকে কোনো পাঞ্জলিপি দিতে পারি নি। যে কটা কবিতা লেখা হয়েছে সেই কবিতাগুলো আমার কাছে নেই। আমি সেগুলো সংগ্রহ করার সময়ও পাঞ্জলাম না। আমার ভাই বললেন, এই যদি হয় তবে চাকরি করার দরকার নেই। আমার ভাই কোনো দিন আমাকে চাকরি করতে জোর করেন নি। বরং তিনি বলেছেন, চাকরি করিস না, চাকরি ছেড়ে দে। টেলিভিশন থেকে আমি যখন রিজাইন করলাম টেলিভিশনের লোকেরা তখন খুব অবাক হয়ে গেল। সবাই এসে আমার বাসায় হাজির। বলল, এই চাকরি তুমি ছাড়ছ কেন? এই চাকরি কেউ ছাড়ে! আমি বললাম, আমি তো চাই না টিভি প্রযোজক হিসেবে আমার পরিচিতি হোক। আমি টেলিভিশনে আর কাজ করব না। টেলিভিশন ছেড়ে দিয়ে প্রথমে আমার লেখাগুলো সংগ্রহ করলাম। এ ব্যাপারে আল মাহমুদ আমাকে সাহায্য করল, শামসুর রাহমান আমাকে সাহায্য করল। আমার অধিকাংশ কবিতা ওদের সাথে ছাপা হতো। ওরা ওদের কপি সংগ্রহে রাখত। এসব কপি চেয়ে চেয়ে প্রথম পাঞ্জলিপি তৈরি করলাম। পাঞ্জলিপি তৈরি করে আল মাহমুদকে দিলাম। টেলিভিশনে চাকরির সময়ে আমার লেখা তো হয়ই নি, এমনকি আমার লেখাগুলো যোগাড় পর্যন্ত করতে পারছিলাম না। ‘সন্তুক’-এর সব কটা কবিতাই আমি প্রথম কবিতার বইতে নিয়েছি। কবিতায় আমার একটু ঘাটতিও ছিল। এমনকি শেষ যে কবিতা ‘শহীদ কাদরী বাড়ি নেই’ সেটা আমি কবিতার বইতে নিতে চাই নি। আমি ভেবেছিলাম লোকে এটা নিয়ে হাসাহাসি করবে। ওটা কেন আমি লিখলাম? ওটা আমি লিখেছিলাম কারণ ভেবেছিলাম, একটা কবিতায় নিজের নাম যাওয়া উচিত। বুদ্ধদেব বসুর একটা কবিতা ছিল, ‘বুদ্ধদেব বসু, একদা ছিলেন শিশু, যখন তিনি যুবক হলেন, লোকে বলত পশ্চ, বুদ্ধদেব বসু’। ওদিকে আবার আবিক্ষার করলাম অ্যালিয়েটেরেরও

নিজের ওপর একটা ছড়া আছে। আমি ভাবলাম আমারও দরকার এমন একটা নিজের কবিতা, নিজের নামে। I just wrote it. I never mean it seriously. কিন্তু পরে দেখলাম, সেখানে একটা সিরিয়াস কথাও আছে। ওই কবিতাটায় আমি বলতে চেয়েছি যে, আমি একজন বিপদগ্রস্থ মানুষ। শহীদ কাদরী বাড়ি নেই, শহীদ কাদরী ঘূরে বেড়ায়, শহীদ কাদরী আজড়া মারে আমি সেটা বোঝাই নি। কবিতা যখন শর্ট পড়ছে আমি দুঁতিনটা কবিতা যেগুলো আমি নিতে চাইনি বা ভেবেছিলাম পুনর্লিখিত করব কিন্তু সময় ছিল না, ওই অবস্থায়ই দিয়ে দেই। তারপরে আবার যখন এপিএনে যোগ দিয়েছিলাম, তখনে আমার লেখা বন্ধ হয়ে গিয়েছিল। আমি ওই ধরনের লোক ছিলাম যার জন্য শৃঙ্খলাহীন অবস্থায় না থাকলে কবিতা হতো না। আর সত্যি কথা বলি- আমার বই বেরবে, হেন হবে, তেন হবে আমি ভাবি নি। বাড়িতেও হাসাহাসি করত সবাই। আমি আমেরিকাতে আসার পর ভাইয়া একদিন বলেন, শহীদ তুমি লেখো না কেন আজকাল ? আমি ভাইয়াকে বললাম, তুমি যদি একথা আমাকে ঢাকাতে বলতে তবে তো আমি তো কখনো ঢাকা ছাড়তামই না। তোমাকে একটা কথা বলি এই খানে, তখন খুব জোর চলছে বঙ্গবন্ধুর নন-কোঅপারেশন আন্দোলন। আমি যাচ্ছি নানা জায়গায়, রাতে বাসায় ফিরছি। ২২ তারিখ হয়ে গেল, জোর গুজব মিলিটারি ক্র্যাক ডাউন হবে। এর মধ্যে আমি তো টেলিভিশনে অনেক প্রোগ্রাম করেছি, ২১শে ফেব্রুয়ারির প্রোগ্রাম করেছি, সিআইডিও ছবি তুলেছে। আমি ভাইয়াকে বললাম, আমাদের বাসায় থাকা ঠিক হবে না। আমি টিভিতে ২১শে ফেব্রুয়ারির প্রোগ্রাম করেছি। আমাদের বিপদ হতে পারে। তখন ভাইয়া হাসে। হেসে বলে, তুমি তো নিজেকে প্রমোশন দিচ্ছ, আর্মি যদি খুঁজে তো শামসুর রাহমানকে খুঁজবে, তোমাকে খুঁজবে না। এই করতে করতে ২৩ তারিখ এসে গেল। আমাদের পাশের বাড়িতে একটা ফার্মাসিউটিক্যাল দোকান ছিল, ওখানে ছেলেরা হাত বোমা বানাচ্ছে। আর্মি এলে মারবে। আমি কোথায় পড়েছি যেন, কোনো এলাকায় আর্মির ওপর আক্রমণ করা হলে, সেখানে আর্মি ঘরে ঘরে চুকে চুকে মারে। আমি বাসায় এসে ভাবিকে বললাম, আপনি যদি বাচ্চাকে নিয়ে প্রাণে বাঁচতে চান, তাহলে বাচ্চাকে নিয়ে বাবার বাড়ি চলে যান। ভাইয়া সুড়সুড় করে আপনার পেছনে চলে যাবে। ঠিকই ভাবি বুঝতে পারল। আর আমি গেলাম এক কাজিনের ওখানে। তারপর ক্র্যাকডাউন হলো। তো, ভাইয়া কখনোই আমার কথা সিরিয়াসলি নেয় নি। শুধু ওই একবারই আমার কথায় সায় দিয়ে বললেন, তুই চাকরি ছেড়ে দে।

জ্যোতিপ্রকাশ দত্ত তুমি নিজে বলো, তোমার কি ক্ষতি হয় নি পেশাগত জীবনে থাকার ফলে ?

শহীদ কাদরী : অনেক ক্ষতি হয়েছে।

জ্যোতিপ্রকাশ দত্ত : শহীদ, ঢাকা টেলিভিশনের চাকরিই কি তোমার সেই অর্থে প্রথম নিয়মিত চাকরি ?

শহীদ কাদরী : হ্যাঁ, ওটাই প্রথম চাকরি।

জ্যোতিপ্রকাশ দত্ত : তার আগে কী করতে ? কবিতা রচনা ? পাঠাভ্যাস কী ছিল ?

শহীদ কাদরী : পাঠাভ্যাস আমার অনিয়মিতই ছিল। আসলে আমাদের বাড়ির ক্ষেত্রে তো আমার বড়ভাই। তাঁর প্রভাবে পাঠাভ্যাস আমার ছেলেবেলা থেকেই ছিল। আর খুব ছেলেবেলাতেই যে আমি লেখালেখির চেষ্টা করি নি তা নয়। একবার আমার হাম হয়, তখন আমি শুয়ে থাকতে থাকতে দু'চারটা পদ্য বানাই। সেটা আবার বাবাকে শোনাই। বাবা আবার পদ্যটা একটু ঠিকঠাক করে দেয়। বলে দেয় এইভাবে এইভাবে করো। এ ছাড়া মাঝে মাঝে আমার ভাই বলত একটা গল্প তোকে পড়ে শোনাই, এটা আনসু ভাই লিখেছে। আনসু ভাই হলো আনিস চৌধুরী। আনিস চৌধুরী সম্পর্কে আমার ফুফাত ভাই। আনিস ভাই তখন শিবপুর ইঞ্জিনিয়ারিং কলেজে পড়তেন আর ছোটগল্প লিখতেন। ভাইয়া আবার গল্পগুলোর চরিত্রগুলো সনাক্ত করত যে অমুক চাচার চরিত্র আছে এই গল্পে। আমার ভাই যখনই যেটা পড়ত, যেটা তাঁর ভালো লাগত, ইংরেজি এবং বাংলায়, আমাকে পড়ে শোনাত। যখন যে সিনেমা দেখে তার পছন্দ হতো, আমাকে পয়সা দিয়ে সে সিনেমা দেখতে পাঠাত। আমি তো জানতাম যে লেখকরা লেখে। এ সময় রাজধানীতে বড় বেরুল আবু রুশদ মতিনউদ্দিনের। উনি সম্পর্কে আমার চাচাত ভাই হন। ওটা নিয়ে খুব হইচই হলো। শুনলাম আবু রুশদ কিতাব লিখতা হে, আবু রুশদী কিতাব লিখতা হে। এগুলো আমার মনে ছাপ ফেলেছিল। তারপর ঢাকায় এলাম।

জ্যোতিপ্রকাশ দত্ত : ঢাকায় এলে করে ?

শহীদ কাদরী : ভাষা আন্দোলনের ঠিক আগে। আসার মাসখানেকের মধ্যেই গোলাগুলি হলো।

জ্যোতিপ্রকাশ দত্ত : তাহলে বায়ান্নোর গোড়ার দিকে ?

শহীদ কাদরী : হ্যাঁ, আমার মনে আছে, আমি পাকিস্তান অবজারভারের ওখানে দাঁড়িয়ে ছিলাম, ওখানে গুলি হলো। তখন দৌড়ে এসে বাড়ির ছাদে উঠলাম এজন্য যে ছাদ থেকে কিছু দেখা যায় কিনা। ছাদ থেকে কিছু দেখা গেল না। সেই ঘটনার পরে আমার একটা অংকের খাতাতে কয়েকটা মুকশা করেছিলাম।

জ্যোতিপ্রকাশ দত্ত : তুমি কত বড় তখন ?

শহীদ কাদরী : আমার তখন ১২-১৩ বছর হবে। আর একটু কমও হতে পারে। পঞ্চাশের দশকের দাঙ্গার সময় আমাদের বাড়ির পাশে একটা পরিবার এল। খোকন নামে একটি ছেলে ছিল, তার সঙ্গে আমার বড়ভাইয়ের খুব বন্ধুত্ব হলো। খোকনরা তো সাতচল্লিশই চলে এসেছে। আবার মৃত্যুর পর আমরা এসেছি ঢাকাতে। আমার মা তো বর্ধমানের। মায়ের দিকের আত্মীয়ার বলছিলেন ঢাকায় যাওয়ার তো কেনো দরকার নেই। অন্যদিকে আমার বাবার এক ভাই আর এক বোন। তাঁরা বললেন যে



কবি শহীদ কাদরীর মুখোমুখি জ্যোতিপ্রকাশ দন্ত

আমাদের ঢাকায় যেতেই হবে। আমরা তাই বাধ্য হলাম আসতে। আসার পর হঠাৎ দেখি একদিন কেউ ভাইরে থেকে শাহেদ শাহেদ বলে ডাকছে। আমি জানালা দিয়ে তাকিয়ে দেখি যে খোকন। খোকন জানাল অনিস ভাইয়ের কাছ থেকে ঠিকানা পেয়েছে। সে বোধহয় কবিতা লেখে তখন। সে বলল, তুই শামসুর রাহমানের কবিতা পড়েছিস ?

—‘না তো।’—‘নাম শুনেছিস ?’—‘না তো, আমি নাম জানি না।’—‘আরে তাঁর তো দেশ পত্রিকায় প্রত্যেক সংগ্রহে কবিতা ছাপা হয়। দেশ পত্রিকায় কখনো দেখিস নি ?’—‘না তো।’—‘আরে বাচ্চু ভাইকে তো আমি তোর কথা বলব।’

এই বলে খোকন চলে গেল। এর মধ্যে আমার সঙ্গে এক কাজিন, সে সাহিত্যের উৎসাহী পাঠক ছিল, কবি প্রজেশ কুমারের কথা প্রায়ই বলতেন। প্রজেশ কুমার রায়ের কথা তোমার মনে আছে ?

জ্যোতিপ্রকাশ দন্ত : হ্যাঁ, আছে।

শহীদ কাদরী উনি আমাদেরকে দিয়েছিলেন ‘চয়নিকা’ পড়তে। লাল মলাটের ‘চয়নিকা’। তারপর মহিউদ্দিন আহমদ নামে উনার এক বন্ধু ওয়ারী থেকে ‘স্পন্দন’ পত্রিকা বের করলেন।

জ্যোতিপ্রকাশ দন্ত এই মহিউদ্দিন আহমদই আহমদ মীর। এই আহমদ মীরই শামসুর রাহমানের প্রথম কবিতার বই ‘প্রথম গান দ্বিতীয় মৃত্যুর আগে’ প্রকাশ করেন ‘বার্ডস আ্যান্ড বুকস’ থেকে।

শহীদ কাদরী হ্যাঁ, যেটা বলছিলাম, মহিউদ্দিন ভাইয়ের পত্রিকাতেই আমার প্রথম কবিতা প্রকাশিত হয়। কবিতার নাম ছিল ‘পরিক্রমা’। পুরোপুরি তখনকার মার্কিস্ট

কবিতার নকল। তারপর আবার ওখানেই আমার দ্বিতীয় কবিতা ছাপা হয়—‘জলকন্যার জন্য’। সেখানে আমি মার্কিসিস্ট কবিতা থেকে কিছুটা সরে এসেছি। ‘জলকন্যার জন্য’ যখন প্রকাশিত হলো, তখন শামসুর রাহমানের সঙ্গে আমার আলাপ হয় খান মজলিসের বুক স্টলের ওখানে। কারণ আমি প্রায়ই গিয়ে দাঁড়িয়ে থাকতাম, দেখতাম যে কেউ স্পন্দন খুলে আমার কবিতাটা পড়ছে কি না। একদিন দেখি শামসুর রাহমান স্পন্দন খুলে কবিতা দেখছেন। আমি অধীর আঘাতে ঝুকে দেখছি উনি কোন কবিতাটা পড়ছেন। শামসুর রাহমান মুচকি হেসে আমার দিকে তাকালেন। আমি আর পারলাম না। আমি বোধহয় জিজ্ঞেস করেছিলাম, আপনার কাছে কেমন লাগল ‘জলকন্যার জন্য’। উনি আমাকে জিজ্ঞেস করলেন, আপনি কি শহীদ কাদৰী? আপনার কথা তো আমাকে খোকন বলেছে। আমার পকেটে একটা টাকা ছিল। আমি দেখলাম আলাপটাকে দীর্ঘায়িত করা দরকার। তো রিভার ভিউ ক্যাফে নামে একটি ক্যাফে ছিল সদরঘাটে। আমি বললাম, চা খাবেন? উনি বললেন, হ্যাঁ। রিভার ভিউ ক্যাফেতে তখন চা চার আনা করে কাপ। দু'আনা করে একটা বিস্কুট পাওয়া যেত যার মধ্যখানে চকলেট দেওয়া থাকত। চা-বিস্কুট নিয়ে বসলাম। তখন কিন্তু আমার পকেটে আরেকটা কবিতা। কথার ফাঁকে বললাম, আমার কাছে আরেকটা কবিতা আছে, আপনি শুনবেন? উনি বললেন, হ্যাঁ। আমি কবিতা বের করলাম। শামসুর রাহমান নিল। সেখানে একটা লাইন ছিল, ‘মেঝেটা সারারাত জেগে ভুল ব্যাকরণে কবিতা লেখে’। শামসুর রাহমান আমাকে বললেন, আপনার ভুল বানানটা কিন্তু ভুল। এই কথা শুনে হলো। সেখান থেকে কথা বলতে বলতে তার আশিক লেনের বাসায় যাই। সেখানে তিনি তার ছাপা হওয়া কবিতার একটা বাস্তিল নামালেন। একটার পর একটা কবিতা পড়ে শোনালেন। এরমধ্যে ওই বছরই একটা ঘটনা ঘটলো। ভাইয়া গিয়েছিলেন কলকাতায়, ভাইয়া প্রতিবছরই কলকাতায় যেত, আমার অন্যান্য চাচাত ভাইরা কলকাতায় থেকে গিয়েছিল, তার মধ্যে একজন ছিল বিষ্ণু দের ছাত্র, আবুল হায়াত ভাইয়া। আবুল হায়াত ভাইয়া ভাইয়াকে বিষ্ণু দের কবিতা পড়ে পড়ে শোনাত। সেখান থেকেই ভাইয়া বিষ্ণু দের ভক্ত হয়ে যায়। ভাইয়া বিষ্ণু দে, জীবনানন্দ দাশ, বুদ্ধদেব বসু, সমর সেন প্রত্যেকের গুচ্ছ গুচ্ছ বই নিয়ে ঢাকায় ফিরল। তো তারপর কবিতা পড়ছি, কবিতা পড়ছি, দিন রাত পড়ছি কবিতা। এরই মধ্যে একজনের আমন্ত্রণে ‘সওগাত’ অফিসে গিয়ে দেখি ওখানে সব বড় বড় লেখক-বোরহানউদ্দিন খান জাহাঙ্গীর, সৈয়দ শামসুল হক, খালিদ চৌধুরী সব ওখানে। তখন সওগাত পত্রিকা চালাচ্ছিল আবদুল গাফফার চৌধুরী। আবদুল গাফফার চৌধুরী একদিন আমাকে ডেকে বললেন, ‘তুমি কলকাতার ছেলে, আমি শুনলাম কলকাতার ছেলেরা নাকি ইংরেজিতে ভালো। এই প্রবন্ধটা অনুবাদ করে আইনো তো মিয়া।’ স্টেটসম্যান-এ একটা ইংরেজি প্রবন্ধ বেরিয়েছিল লীলা রামের- Contemporary Bengali Poetry. এতে শামসুর রাহমানের উপরে অনেকখানি ছিল। তো আমি সেটা অনুবাদ করে নিয়ে গেলাম

আর বললাম একটা কবিতা দেব। দিলাম কবিতা একটা। তারপর আবার ওই একই কবিতা ‘গোধূলির গান’ দিলাম পূর্বশংস। পূর্বশংস ছাপা হয়ে গেল ওটা। তখন আমার মা বেঁচে। আমি ক্রিকেট খেলে বাসায় ফিরছি। ফিরে দেখি আমার কাছে রাখা পূর্বশংস। কয়েক ডজন কবির সাথে ছাপা হয়েছে আমার কবিতা। এরকম চলছে। এর মধ্যে একদিন সওগাত অফিসেই আল মাহমুদের সাথে দেখা। আল মাহমুদ একবারে সদরঘাটে নেমেই সওগাত অফিসে। ওই যে আমি লিখেছি না, ‘আল মাহমুদ এক হাতে তার ঐ টিনের সুটকেস’.. ও আহত হয়েছিল এ টিনের সুটকেসটা লেখায়।

জ্যোতিথ্রকাশ দন্ত : (হেসে) তখন তো টিনের সুটকেসই ছিল।

শহীদ কাদরী : হ্যাঁ। তো, সওগাত অফিসে আল মাহমুদ এল। তো চোখ টিপাটিপি হলো, লোকজন এটাসেটা কথা বলল। কিন্তু তখন অলরেডি সওগাতে মূনীর চৌধুরীকে নিয়ে ওর একটা কবিতা ছাপা হয়-‘অধ্যাপক তবুও কান্না পায়’। ইট ওয়াজ অ্যা নাইস পয়েম। কিন্তু লোকজন চোখ টিপাটিপি করলো ওকে দেখে। আমি আর আল মাহমুদ সওগাত থেকে বেরিয়ে এলাম। অনেক কথা বলতে বলতে আল মাহমুদের সাথে গেলাম নবাবপুরে, যেখানে ও উঠেছিল। ওর সাথে আমার গভীর বক্ষুত্ত হল। অন্যদের কারও সাথে তাঁর ঠিক হন্দ্যতা হয় নি। তো, একদিন আমি শামসুর রাহমানের বাড়ি থেকে-আশিক লেন থেকে ফেরার পথে আবার আল মাহমুদের ওখানে ঢুকেছি। দেখি সে লেখালেখি করছে। বললাম, কী রে দোষ্ট, কী করিস ? বলে, আমি শামসুর রাহমানের কাছ থেকে ঠিকানা নিয়ে এসেছি ‘কবিতা’ পত্রিকার, ‘কবিতা’ পত্রিকায় কবিতা পাঠাচ্ছি। সেদিন বিকেলে শামসুর রাহমান এসেছে। আমি শামসুর রাহমানকে বললাম, আল মাহমুদ তো কবিতা পাঠালো ‘কবিতা’ পত্রিকায়। ওর তো ‘কবিতা’ পত্রিকায় আমার আগে কবিতা ছাপা হয়ে যাবে। শামসুর রাহমান বললেন, খাতা বের করেন আপনি। খাতা বের করে দিলাম। একটা কবিতা দেখিয়ে বললেন, এটা পাঠান। আরেকটা দেখিয়ে বললেন, এটা পাঠান। আমি ওই কবিতাদুটো কপি করে পাঠিয়ে দিলাম ওই দিনই। একসাথে সবার কবিতা ছাপা হয়ে গেল। নেক্সট ইস্যুতেই। শামসুর রহমান, সৈয়দ শামসুল হক, আল মাহমুদ, শহীদ কাদরী। অত্যন্ত আনন্দের ব্যাপার। কিন্তু যে দিন সেই সংখ্যাটা আমার হাতে এল, তার আগের রাতেই আমার মা মারা গেল। আমি কবরস্থান থেকে ফিরে স্নান করে বিউটি বোর্ডিংয়ে এসে একা বসে আছি। টেবিলে মাথা রেখে আমি বসে আছি চৃপচাপ। হঠাত দেখি পিঠে কার হাত পড়ল। মাথা তুলে দেখি শামসুর রাহমান। শামসুর রাহমান বললেন, আপনার কবিতা তো ছাপা হয়েছে। দুপুরে আপনার বাসায় গিয়েছিলাম। দেখলাম অনেক লোকের ভিড়। এরমধ্যে পিয়ন এসে পত্রিকাটা দিয়ে গেছে। ভিড়ে হারিয়ে যেতে পারত তাই আমি নিয়ে এসেছি। দেখলাম সংখ্যাটা। ভালোই লাগল। এ ঘটনাটা আমার লেখায় কিছুটা ইন্টারাক্ট করেছিল। তো এরকম আমার মাঝেই গ্যাপ পড়েছে। আমার মধ্যে আরেকটা সমস্যা

ছিল, কোনো কিছু মাথায় এলে রিজেষ্ট করার টেক্সেস্টা বেশি ছিল। ভাবতাম, ধূর এটা কী, এটা তো আগেই হয়ে গেছে। আর আমার দ্বারা কবিতা হবে, কবিতা লিখব আমি এধরনের খুব জোরালো কোনো ব্যাপার ছিল না।

জ্যোতিপ্রকাশ দত্ত : তখনো তো শামসুর রাহমানের কবিতার বই বের হয় নি ?

শহীদ কাদরী : না, তখনো বের হয় নি। ‘প্রথম গান দ্বিতীয় মৃত্যুর আগে’ আমার সামনে ছাপা হয়েছে। আমি দেখেছি।

জ্যোতিপ্রকাশ দত্ত : ‘প্রথম গান দ্বিতীয় মৃত্যুর আগে’-এর প্রফ পাঠক ছিলাম আমি। আহমদ মীর সাহেবের প্রকাশনা ‘বার্ডস অ্যান্ড বুকস’-এর একমাত্র কর্মচারী বলা হোক আর সহায়ক বলা হোক, সে আমিই ছিলাম। আর তোমার বইটি..একসঙ্গে তিনটি বই বের হয়, শামসুর রাহমানের ‘রৌদ্র করোটিতে’..

শহীদ কাদরী : না, না শামসুর রাহমানের ‘বিধ্বস্ত নীলিমা’

জ্যোতিপ্রকাশ দত্ত : না, না। বইঘর থেকে যেটা বের হয়।

শহীদ কাদরী : ‘বিধ্বস্ত নীলিমা’ই।

জ্যোতিপ্রকাশ দত্ত : ‘বিধ্বস্ত নীলিমা’, তোমার ‘উত্তরাধিকার’ আর আল মাহমুদের ‘কালের কলস’। এই তিনি বই যখন একসঙ্গে প্রকাশিত হয় বইঘর থেকে, তখন আমরা ধরে নেই এই হচ্ছে আধুনিক বাংলা কবিতার শুরু। এবার এক ভিন্ন প্রসঙ্গ তুলি। কবির জন্য কোনটি সহায়ক-শুন্দাচারী জীবন না অমিতাচারী জীবন ?

শহীদ কাদরী : আমরা জগতে দুই ধরনের কবিই দেখেছি। এটা আসলে নির্ভর করবে কবির চারিত্রিক বৈশিষ্ট্যের ওপর। শুন্দাচারী কবি যে ধরনের কবিতা লিখবে, অমিতাচারী কবির কবিতা কিছুটা হলেও ভিন্ন হবে। তবে আমি বলব, কবির জীবন কিছুটা শৃঙ্খলাবদ্ধ হওয়া দরকার। তা না হলে অসংযম, শৃঙ্খলাহীনতা দ্বারা কবিতা আক্রান্ত হয়, সেটা খুবই ক্ষতিকর হবে। একটা চমৎকার উপন্যাস আছে বুদ্ধদেবের, পড়েছ কি না জানি না-‘যবনিকা পতন’। দুই বন্ধু, দুজনই কবি। একজন অত্যন্ত সুশ্রেণী, নিয়মিত পড়াশোনা, লেখালেখি করে; অন্যজন মদ্যপ, জুয়া খেলে, টাকা উড়ায়, টাকা ধার করে এবং মাঝে মাঝে হঠাতে লেখে, মধ্যপথে লেখা বন্ধ হয়ে যায় এবং শেষ পর্যন্ত নেশার ঘোরে কাউকে হত্যা করে।

জ্যোতিপ্রকাশ দত্ত : মোটামুটি শুন্দাচারী তাকেই বলা যায়, যে জীবনযাত্রায় নিয়মিত। শুন্দাচারী কবির সংজ্ঞায় আরেকটু যোগ করা যায়-যে নিজের সৃষ্টির ব্যাপারে অতিশয় শৃঙ্খলাবদ্ধ।

শহীদ কাদরী : অ্যাকজাট্টলি।

জ্যোতিপ্রকাশ দত্ত : অনেক কবি এবং পদ্য লেখকও আছেন যারা নিয়মিত, একদম অফিস করার মতো করে কবিতা লিখেছেন। আরেক দল আছে যাদের লিখবার

কোনো শুভ্রলা নেই, যখন ইচ্ছে লিখছে আবার লিখছেন না, দীর্ঘকাল লিখছেন না...

শহীদ কাদরী তবে, আধুনিক যুগে এ কথা বারবার এসেছে যে অনুপ্রেরণার অপেক্ষায় লেখক বসে থাকবেন না। সুধীন দন্ত একটা কথা বলেছেন, আমরা এমন একটা সময়ে উপস্থিত হয়েছি যে, সমস্ত কবিকে বিশ্বস্ত হতে হবে, সমস্ত বিশ্ব থেকে তাকে বীজ এনে রোপণ করতে হবে। তো আজকের দিনে কোনো কবি বা লেখক যদি নিয়মিত না হন, নিয়মিত লেখার চেষ্টা না করেন, স্বভাবতই তার লেখার মধ্যে নানা ধরনের ক্রটি দেখা যাবে। এ দ্রষ্টান্ত তো আমাদের বাংলা সাহিত্যেই আছে। কিছুটা নজরলের মধ্যেই আছে বলা যেতে পারে। আমি মনে করি কবিদের তাই শুন্দাচারী হওয়াই বাঞ্ছনীয়। আমি নিজেই যদি একটু শুন্দাচারী হতাম, তাহলে তো ভালোই হতো। আমি এমনকি যারা লেখা নিয়ে খুব বেশি সিরিয়াস ছিলেন তাদের নিয়ে হাসিঠাটাও করতাম। কিন্তু তখন বুঝি নি যে সময় আঙুলের ফাঁক দিয়ে বেরিয়ে যাচ্ছে, অন্যরা অনবরত লিখে যাচ্ছে। অনেক সময় অবাক হতাম যে তারা আড়তাতে নেই, আড়তা থেকে আটটার সময় চলে গেল ঘরে। হাসাহাসি করতাম এসব নিয়ে। আমরা যারা হাসাহাসি করতাম তাদের কেউই ঠিকমতো লেখে নি, একটু একটু আমিই লিখতাম, মাঝে মাঝে লিখেছি। কোনো সময়ই আমি নিরবচ্ছিন্নভাবে সুশৃঙ্খলভাবে লিখি নি। আজকে এটা আমি ঠিকই বুঝতে পারছি যে লেখকদের নিয়মিতভাবে নিরবচ্ছিন্নভাবে লেখা উচিত। বুদ্ধিদেব সম্পর্কে সম্প্রতি একটি বই বেরিয়েছে ‘বুদ্ধিদেব ও সারস্বত সমাজ’, তার কন্যা মিনাক্ষী দন্তের লেখা। সেখানে একটি রচনা আছে ‘বুদ্ধিদেবের একটি দিন’। বুদ্ধিদেব সকালবেলায় উঠে ক্ষোরি করে চা খেয়েই লিখতে বসে যেতেন। দুপুর পর্যন্ত লিখতেন। তারপর ইঞ্জিচেয়ারে বসে খানিকক্ষণ বিশ্রাম নিতেন। তারপর আবার তিনি সন্ধ্যা পর্যন্ত লিখতেন। সন্ধ্যার পর আড়তা। বুদ্ধিদেবের বন্ধুবান্ধবেরা আসত, তরুণ লেখকেরা আসত সেখানে। কোনো কোনো দিন রাতেও লিখতে বসতেন। তবে নিয়মিতভাবে প্রতিদিন সকাল থেকে লিখতে বসতেন। সুনীল গঙ্গোপাধ্যায়কে দেখেছি তোরে উঠে তার আলাদা লেখার কামরায় লিখতে বসে যেতেন। ৫টা-৬টা থেকে প্রায় ৯টা-১০টা পর্যন্ত লিখতেন এক নাগাড়ে। তারপর স্নান করে চলে যেতেন আনন্দবাজার পত্রিকায়। ওখান থেকে বের হতে বিকাল ৫টা বাজে। তারপর সোজা চলে যেতেন কোনো বারে। বারে ধীরেন চক্রবর্তী, সতীনাথ মুখোপাধ্যায়কে দেখা যেত। সতীনাথ মুখোপাধ্যায় অনুরোধ করলেই নির্বিধায় গান শোনাতেন। গলাটা ভালো নেই, হারমোনিয়াম নেই ওসব কিছু ছিল না। সুনীল বারে বেশ কিছুক্ষণ থাকার পর বাসায় ফিরে আবার অন্য বন্ধুবান্ধবদের সঙ্গে মদ নিয়ে বসতেন। মধ্যরাত পেরিয়ে যেত প্রায়ই। কোনো কোনো দিন বার থেকেই ১২টা-১টায় ফিরতেন। কিন্তু যত রাত পর্যন্তই বারে থাকুক না কেন তোর ৫-৬টা থেকে প্রতিদিন ৯টা-১০টা পর্যন্ত লিখতেন।

জ্যোতিপ্রকাশ দন্ত : আপাতদৃষ্টিতে মনে হয় যে তাঁর জীবনে কিছুটা বিশৃঙ্খলা আছে। কিন্তু সেই বিশৃঙ্খলাটিও শৃঙ্খলায় পরিণত হয়েছে।

শহীদ কাদরী আমি শামসুর রাহমানকেও দেখেছি নিয়মিত লিখতে। আমার মনে আছে একদিন সন্ধ্যায় আমরা কোথাও গিয়েছিলাম কোনো পারিবারিক অনুষ্ঠানে। ফিরে এসে দেখি আমাদের বাড়ির সামনে লাইটপোস্টের নিচে শামসুর রাহমান খুব দ্রুত পায়চারি করছে। আমি গাড়ি থেকে নেমে শামসুর রাহমানকে বললাম, কী ব্যাপার ? আপনি কতক্ষণ হয় এসেছেন ? শামসুর রাহমান বললেন, অনেকক্ষণ। চলেন যাই বসি। বসে শামসুর রাহমান বললেন, আমি আজকে প্রায় সপ্তাহখানেক হয়ে গেল একটা লাইনও লিখতে পারি নি। খুব মন খারাপ ছিল তার। সৈয়দ শামসুল হককেও আমি দেখেছি তোরে উঠে লিখতে বসতেন। আর রবীন্দ্রনাথের ব্যাপারে আচর্য হতে হয় এ কারণে যে রবীন্দ্রনাথ এত কিছু লিখেছেন, শুধু নাটকই এত পরিমাণ লিখেছেন! আর রবীন্দ্রনাথ তো পড়েছেনও। আমি কার লেখায় যেন পড়লাম যে তিন-চারটে বই রবীন্দ্রনাথের টিপয়ের উপরে থাকত বাম দিকে। সকাল বেলায় দেখা যেত বইগুলো ডান দিকে। অর্থাৎ বইগুলো পড়া হয়ে গিয়েছে। বইগুলো এখন লাইব্রেরিতে চলে যাবে। একরাতে রবীন্দ্রনাথ ৩-৪ খানা বই পড়ে ফেলতে পারতেন।

জ্যোতিপ্রকাশ দন্ত আসলেই ভাবলে অবাক হতে হয়। যে পরিমাণ রচনা তিনি লিখেছেন তার সাথে তিনি যে অন্য যেসব কাজও করেছেন!

শহীদ কাদরী কত কী করেছেন! ছেটগল্প, উপন্যাস। আমাদের প্রথম আধুনিক উপন্যাসই তো রবীন্দ্রনাথের। হাজারের উপরে তো ছবিই এঁকেছেন। গান! শুধু অসংখ্য গান লেখেন নি সুরও করেছেন। রবীন্দ্রনাথের মতো বহুপ্রসূ ছিলেন গ্যেটে। ইউরোপে একমাত্র রবীন্দ্রনাথের তুল্য বলা যায় গ্যেটেকে। আমাদের কী হবে ? এসব কথা যখন পড়েছি তখন আমরা সেভাবে শিল্প-সাহিত্য করব এমন ভাবনাই আমাদের মধ্যে ছিল না। এ প্রসঙ্গে শামসুর রাহমানের কথা না বলে পারছি না। শামসুর রাহমানের বাবা শামসুর রাহমানের কবিতা লেখা খুব অপছন্দ করতেন। তিনি চাইতেন শামসুর রাহমান সিএসপি দিক বা ব্যারিস্টারি পড়ে আসুক বা বিজনেসে বসুক। শামসুর রাহমান কোনোটাতেই রাজি হন নি। তারা বেশ ধনীই ছিলেন। সেই সময় শামসুর রাহমান রেডিওতে চাকরি নিল, দুঃ আড়াইশ টাকার চাকরি। হেঁটে যায়, হেঁটে বাড়িতে ফিরে। শামসুর রাহমান ভেবেছিলেন বাবার পচন্দ অনুযায়ী কোনো কাজ করতে হলে তাঁর লেখালেখি বন্ধ হয়ে যাবে। তারপর একসময় পাকিস্তান সরকার চেষ্টা করছিল বাংলাদেশের লেখকদের কেনার। তখন শামসুর রাহমানকে অফার করেছিল সেন্ট্রাল ইনফরমেশন সার্ভিস দিয়ে মাহেনও-এর সম্পাদক করতে। শামসুর রাহমান তখন মর্নিং নিউজ-এর সাব-এডিটর। তাকে কোনো রকম লোভ নড়াতে পারে নি। নিয়মিত লিখেছেন তিনি। আমার উপর খুব ক্ষুণ্ণ হয়েছিলেন তিনি যখন আমি নিয়মিত লিখি নি।



একান্ত আলাপচারিতায় জ্যোতিপ্রকাশ দত্ত, শহীদ কাদরী ও মাজহারুল ইসলাম

জ্যোতিপ্রকাশ দত্ত এ থেকে একটা কথা বোঝা যায় লেখকের নিজের রচনার প্রতি প্রেম থাকতে হয়, সংকল্প থাকতে হয়, সেই সঙ্গে নিষ্ঠা থাকতে হয়।

শহীদ কাদরী আমি একদিন জিজ্ঞাসা করেছিলাম যে শামসুর রাহমান, আপনি কি মনে করেন আমার দ্বারা কবিতা হবে? শামসুর রাহমান আমাকে বলল, দেখেন আমি দেখতে পাই আপনার মধ্যে দুটো শক্তি কাজ করছে। একটা আপনার লেখার পক্ষে আর একটা বিপক্ষে। যে শক্তিটা জিতবে সে অনুযায়ী আপনার কবিতা হবে। আপনি যেভাবে চলছেন সেভাবে তো মানুষ লেখা বন্ধ করে দেয়। আমার তখন চিন্তা ছিল, একে তো বাংলা কবিতা, তার ওপর পূর্ব পাকিস্তান, এমন কিছু হলে কীইবা আসে যায়—এমন একটা ভাবনা ছিল। এরকম একটা ব্যাপারের সঙ্গে ভাইয়ার একটা উল্লাসিকতাও কাজ করেছিল। ভাইয়া আমাকে এলিয়ট পড়ে শোনাচ্ছে, এলিয়টের ওপরে বিষ্ণু দের প্রবন্ধটা পড়ে শোনাচ্ছে, আমার মনে হতো—ওরে বাবা আমি তো ওইখানে কখনো পৌছাতে পারব না! এজন্য ক্ষণজন্যা হতে হয়।

জ্যোতিপ্রকাশ দত্ত এই যে শুন্দাচারী কবি অমিতাচারী কবি নিয়ে কথা বলছি, প্রায় কাছাকাছি একটি বিষয় নিয়ে কথা বলি। কবির ব্যক্তিগত জীবনও তো কবিতায় ছাপ ফেলে?

শহীদ কাদরী : হ্যাঁ, ফেলে। তবে সবসময় ফেলে না। একটি কথা আমি বলব, এ কথা অনেকদিন থেকে প্রচলিতই আছে—সব উপন্যাসই লেখকের ছন্দবেশী আত্মজীবনী। রবীন্দ্রনাথের গল্প, কবিতা, গানের মধ্যে আমরা রবীন্দ্রনাথের ব্যক্তিগত জীবনের অনেক গুজব, গল্প এবং কাহিনির বীজ এখনও খুঁজে বেড়াচ্ছি। এ নিয়ে এখনো প্রচুর লেখালেখি হচ্ছে। আমি বলব ব্যক্তিগত জীবন অবশ্যই লেখায় ছায়া ফেলে। কখনো কখনো ছন্দবেশী অবস্থায় থাকে, কখনো কখনো সরাসরি প্রভাব ফেলে। তবে একজন লেখক যখন প্রথম পুরুষে কথা বলেন—আমি আমি করে, তার

মানে এই না উনি নিজের কথাই বলছেন। উনি আসলে অন্য ভয়েসেই কথা বলছেন। অনেক সময় কবিরাও অন্য মুখোশ ব্যবহার করে, বিভিন্ন মানুষের মুখোশ ব্যবহার করে। কিন্তু শেষ পর্যন্ত লেখক যখন কোনো ঘটনা, কোনো চিত্র বা কোনো ভাবনা দ্বারা আলোড়িত হন, তখনো তো তিনি সেটা নিয়ে লিখতে প্রবৃত্ত হন। সে অর্থে সব লেখার মধ্যেই কবির ব্যক্তি সত্ত্বার একটা ছায়া পড়ে।

জ্যোতিপ্রকাশ দত্ত : জীবন পদ্ধতির কোনো ছাপ পড়ে লেখকের লেখার পরিমাণে, গুণে ?

শহীদ কাদরী : জীবন পদ্ধতির ছাপ পড়তে পারে। বিশেষত জীবন পদ্ধতি যদি বিশৃঙ্খল হয়। এর উল্টো দৃষ্টান্তও আছে। কিন্তু জীবন পদ্ধতির বিশৃঙ্খলার জন্য লেখায় বিশৃঙ্খলা আসতে পারে। জীবন পদ্ধতি বিশৃঙ্খল হওয়ার একটা কারণ হচ্ছে জীবনের কোনো বিশেষ সময়ে যে ধরনের মনোনিবেশ দরকার, সেটা না থাকলে, অস্থিরতা থাকলে লেখার যে শৈলিক শৈলী সেখানে ছাপ পড়তে পারে। এটা বাংলাদেশের অনেক কবিদের মধ্যেও দেখা গেছে। কিন্তু আবার বদলেয়ার-এর কাব্যশৈলীতে তাঁর জীবনাচরণের কোনো ছাপই নেই। তিনি পাগলের মতো মাথা কামিয়ে সবুজ রঙ মেঝে প্যারিসের রাস্তায় ধূরে বেড়াতেন। ছেলেপিলেরা ইট মারত। টাকার অভাব ছিল। তাঁর সত্ত্বাবার কাছ থেকে তার প্রাপ্য টাকা সবসময় পেতেন না। কিন্তু তাঁর কবিতাগুলো ফরাসি ধ্রুপদী কাব্যশৈলীর নিখুঁত দৃষ্টান্ত। মাইকেল মধুসূন্দনেরও তো অত্যন্ত বিশৃঙ্খল জীবন্যাপন তারপরও তাঁর লেখা খুবই শৃঙ্খলাবদ্ধ। আবার নজরুলের লেখায় কিন্তু তাঁর বিশৃঙ্খল জীবনের ছাপ পড়েছে। তাঁর রচনাশৈলীতে সেই ছাপ বিদ্যমান। নজরুল একটা কথা বলতেন মাঝে মাঝে, “গুরুদের আমাকে বলতেন, ‘ওরে উন্নাদ, তোর জীবনে শেলি, কীটসের মতো একটা বড় ট্রাজেডি আছে’।”

জ্যোতিপ্রকাশ দত্ত : বিশ্ব আর বিশ্বের অভাবও সম্ভবত কবিকে খুব একটা প্রভাবিত করে না। রবীন্দ্রনাথ বিশ্বের মধ্যেই বড় হয়েছেন। অপরদিকে দেখা যায় আমাদের জীবনানন্দ দাশ খুব একটা বিশ্বান ছিলেন না।

শহীদ কাদরী : ভীষণ অর্থকষ্ট ছিল তার।

জ্যোতিপ্রকাশ দত্ত : মানিক বন্দ্যোপাধ্যায় দারিদ্র্যকে সর্বদাই ...

শহীদ কাদরী : তবে শেষের দিকে দারিদ্র্যতা তাঁর শৈলীকে আক্রান্ত করেছিল। অবশ্য মদ্যপানও একটা কারণ ছিল।

জ্যোতিপ্রকাশ দত্ত : কবির ব্যক্তিগত জীবন তাঁর শৈলীকে আক্রান্ত করে না যে তা নয়, কিছুটা বোধহয় করেই।

শহীদ কাদরী : তা তো করবেই, এ ছাড়া তো উপায় নেই। তবে আমি বললাম যে লেখকের নিজস্ব ব্যক্তিসত্ত্বার ছাপ থাকা সত্ত্বেও কখনো কখনো তাঁর পক্ষে সম্ভব

হয়-কীটস যে ক্ষমতাকে বলেছেন নেগেটিভ ক্যাপাবিলিটি, তাঁর পক্ষে সম্ভব হয় অন্য কঠিনতারে বলার। যেমন, একটা মেয়ের দৃষ্টিকোণ থেকে পৃথিবীকে দেখার। রবীন্দ্রনাথের ‘বেলা হলো মরি লাজে’-এটা কিন্তু রবীন্দ্রনাথ না। যেহেতু ভারতীয় কনসেপ্টেও এটা আছে শিল্পীরা, কবিরা অর্ধনারীশ্বর। আমি এই প্রসঙ্গে থিওডর রোয়েটকের কবিতার কথা উল্লেখ করতে চাই। থিওডর রোয়েটকের কবিতা আবহমান, ইংল্যান্ড এবং আমেরিকা মিলিয়ে ইউনিক কবিতা। থিওডর রোয়েটকের বাবার ছিন হাউসের ব্যবসা ছিল। থিওডর রোয়েটকের কবিতায় দেখা যায় একটা জন্ম থেকে, উন্নোব্র থেকে তার অভ্যর্থন পর্যন্ত একটা প্লান্ট যেমন ফিল করে, হি ফেল্ট লাইক দ্যাট। তাঁর কবিতাগুলো ওই রকমের, মনে হয়, একটা প্লান্ট জন্ম নিচ্ছে। এরকম সেনসুয়াল, এরকম টেক্সচার। হি ওয়াজ আ্যাবল টু এনটাৱ ইন্টু দ্য ট্ৰি-কবিদেৱ এই ক্ষমতাও তো আছে। কবিৱা যখন একজন নিৱন্ধন মানুষেৱ দৃষ্টিভঙ্গ নিয়ে কবিতা লেখেন, তখন তিনি নিজে নিৱন্ধন না হয়েও নিৱন্ধন মানুষেৱ বেদনা ফুটিয়ে তুলতে পাৱছেন। এই ক্ষমতা তো আছেই কবিদেৱ। কবিদেৱ আছে, গল্পকারদেৱ আছে, ঔপন্যাসিকদেৱ আছে। নয়তো ঔপন্যাসিক এত বিভিন্ন চৰিত্ৰ কীভাবে সৃষ্টি কৱেন!

জ্যোতিপ্রকাশ দত্ত : আমৰা শুৱতে ফিৰে যাচি আবার, তোমাৰ কবিতাৰ কথায় ফিৰে আসি। তুমি তোমাৰ কবিতাৰ মধ্য দিয়ে পাঠককে কী দিতে চেয়েছ ? বা পাঠকেৱ মধ্যে কোন আবেগ সঞ্চারিত কৱতে চেয়েছ ? পাঠককে কী বলতে চেয়েছ ?

শহীদ কাদৰী : আমি প্ৰথমত উত্তোধিকাৰ কবিতাৰ মাধ্যমে... আমাৰ প্ৰথম বইয়েৱ নামও উত্তোধিকাৰ... পাঠকদেৱ বলতে চেয়েছি যে আবহমান বাংলা কবিতা এবং তিৰিশেৱ কবিতাৰ প্ৰেক্ষিতে আমাদেৱ অবস্থান কোথায়। আমৰা যখন জনগ্ৰহণ কৱলাম দ্বিতীয় মহাযুদ্ধ শুৱ হলো অথবা দ্বিতীয় মহাযুদ্ধেৱ মধ্যে পড়ল। সৰ্বত্রই ব্ল্যাকআউটেৱ শহৰ। জাপানি বোমা পড়বে-এই ভয়। এমন সময়ে আমৰা জন্মালাম। আৱেকটু বড় হতেই আমৰা দেখলাম আন্দোলন, দাঙ্গা, দেশভাগ। দেশভাগ হতে না হতেই আমাদেৱ অনেককে যেটা আজন্ম নিজেদেৱ দেশ বলে জেনেছি সে দেশ ত্যাগ কৱতে হয়েছে। এই যে পটভূমি, এই পটভূমিৰ কাৱণে আমাদেৱ মানসিকতা তিৰিশেৱ কবিদেৱ মানসিকতা থেকে অনেকটা ভিন্ন। তিৰিশেৱ কবিৱা নৱকেৱ কথা বলেছেন, নিঃসন্তার কথা বলেছেন। মানুষ মাত্ৰই নিঃসঙ্গ, কিন্তু নিঃসন্তারও মাত্ৰা আছে। তিৰিশেৱ কবিৱা যে নৱকেৱ কথা বলেছেন, যেমন সুধীন দত্তৰ কবিতায়, সে নৱক তাৰা তাত্ত্বিকভাবে দেখেছেন। কিন্তু আমৰা সেই নৱকেই বড় হলাম। এবং সেই নৱকে বড় হওয়াৰ পৰ, সেই নৱকে বসবাস কৱাৰ যে অভিজ্ঞতা, সে অভিজ্ঞতা বিভিন্ন কবিতায় বিভিন্নভাৱে বৰ্ণিত হয়েছে। এৱ মধ্যে একটা কবিতাৰ কথা আমি উল্লেখ কৱতে চাই। সাধাৱণ পাঠকৱা যখন কবিতাটা সম্পৰ্কে বলে তখন খুৰ ভুল ব্যাখ্যা কৱে। কবিতাটা হলো ‘বৃষ্টি! বৃষ্টি!’ সবাই মনে কৱে এটা নাগৰিক বৃষ্টি। নাগৰিক বৃষ্টি ওটা না। ওটা দেখানো হয়েছে শহৰটা ধৰ্মস

হয়ে যাচ্ছে। এমন বৃষ্টি যে শহরটা ধ্বংস হয়ে যাচ্ছে। ধ্বংস হয়ে যাবার পর নগরে রাজত্ব হচ্ছে কাদের? যারা আজীবন ভিক্ষুক, যারা আজীবন নগ্ন, যারা আজীবন ক্ষুধার্ত। আর যারা রাজস্ব আদায় করে তারা সব পালিয়েছে। এই যে একটা প্রচণ্ড শক্তি তা এই নগরকে, যে নগরকে আমরা ধ্যানজ্ঞান মনে করছি, সে নগরকে একটা বিরাট শক্তি ধ্বংস করে দিচ্ছে। এই শক্তিকে আমি আঙুল দিয়ে শনাক্ত করি নি। এটা রাজনৈতিক শক্তি হতে পারে, এটা গণজাগরণ হতে পারে, বৈপ্লাবিক উথান হতে পারে। কিন্তু এর মধ্যে সবচেয়ে আনন্দিত হচ্ছে কারা, নগরের দখল করছে কারা? আজীবন ভিক্ষুক, আজীবন নগ্ন, আজীবন ক্ষুধার্তেরা। এই শহরে বসবাস করার অনুভূতিগুলো সংক্রামিত করার চেষ্টা করেছি। কখনও পেরেছি, কখনো পারি নি।

জ্যোতিপ্রকাশ দত্ত এ প্রশ্নটি নিশ্চয়ই তোমাকে আগেও অনেকবার করা হয়েছে। তবু আবার প্রশ্ন করতেই হচ্ছে। সব লেখকই চান পাঠকপ্রিয় হতে। কিন্তু এমন কোনো পর্যায় থাকে, যে পর্যায়ে এসে মনে হয় যে পাঠকপ্রিয়তা নয়, আমি আমার জন্যই লিখব, আমার মতো করেই লিখব, পাঠক এটা নিক বা না নিক।

শহীদ কাদরী আমার ব্যক্তিগত অভিজ্ঞতা থেকে বলছি, প্রথমদিকে আমি পাঠকপ্রিয়তার কথা চিন্তাই করি নি, কিন্তু মধ্যপথে এসে আমার একবার মনে হয়েছিল যে কিছু কবিতা লেখা সম্ভব যা একটু পপুলার, সঙ্গে সঙ্গে একটা গভীর বক্তব্যও লুকিয়ে থাকবে কিন্তু বলাটা হবে হালকা চালে যাতে সেটা সহজ হবে পাঠকের জন্য। এভাবে আমি কয়েকটা কবিতা লিখেছি। যেমন আমি ইমিডিয়েটলি একটা দৃষ্টান্ত দিতে পারি—‘রাষ্ট্র মানেই লেফট রাইট লেফ্ট’। এখানে বক্তব্যটা হচ্ছে সব ইভিলের উৎস হচ্ছে আধুনিক রাষ্ট— অরিজিন অব অল ইভিলস। আমি ইচ্ছে করলে ‘স্টেট অ্যান্ড রেড্যুলেশন’ থেকে কোট করতে পারতাম লেখাটাকে একটা ভারিক্ষী চাল দেওয়ার জন্য। ভাবলাম, এভাবেই লিখে দেখি লোকজন কীভাবে নেয়। এটা একসময় লোকে পছন্দ করেছে। আমি এ ধরনের কিছু হালকা চালের কবিতা লিখেছি। আমি দেখেছি অনেকেই এভাবে মাঝে মধ্যে লিখেছেন। বুদ্ধের লিখেছেন, ‘কবিমশাই, আপনি নিজে দেখেছেন তো প্রেমে পড়ে/ বলুন না সে কেমন তবে/ লোকে যার তাড়ায় ছেটে নানান পাড়ায়/ সেখানেই কি প্রেমের আগুন’। মাঝে মাঝে হালকা চালের আড়ালে পাঠকপ্রিয় হওয়ার কি একটা বাসনা থাকে না?

জ্যোতিপ্রকাশ দত্ত সর্বদাই থাকে। আমার নিজের কথাই যদি বলা যায়, আমি আমার লেখক জীবনে দু'ধরনের লেখা লিখেছি। একটি পাঠকপ্রিয় না হলেও মোটামুটি সহজবোধ্য, প্রচলিত ধারার গল্প, অন্য ধরনটি ছিল..

শহীদ কাদরী : অপ্রচলিত ধারায়—

জ্যোতিপ্রকাশ দত্ত : হ্যাঁ, অনেক কাল অবধি আমি এরকম লিখেছি। পরবর্তী কালে বিরতির পরে আমি চেষ্টা করেছি মোটামুটি ব্রেক করে লেখার। সেখানেও এক ধরনের পাঠকপ্রিয় হওয়ার চেষ্টা তো আছেই বলা যায়।

শহীদ কাদরী হ্যাঁ। আচ্ছা, আমার মনে হয় এখানেই থেমে যাই। যথেষ্ট হয়েছে কিন্তু।

মাজহারুল ইসলাম : হ্যাঁ, তবে প্রবাস জীবনের বিষয়টা নিয়ে একটু কথা বলা যেতে পারে।

জ্যোতিপ্রকাশ দত্ত হ্যাঁ, ভালো প্রশ্নটি বাদ গেছে। আমাদের উভয়েরই জন্য খুবই জরুরি প্রশ্নটি বাদ গেছে। এই যে পরবাস, একজন লেখকের নিজ দেশ যেখানে সে বড় হয়েছে, বেড়ে উঠেছে তার বাইরে এসে ভিন্ন দেশে, ভিন্ন সংস্কৃতিতে থাকায় তার লেখায় প্রচুর পরিমাণে এফেক্ট পড়ে।

শহীদ কাদরী : হ্যাঁ, তা করে। প্রবাসে বাস করি, কবিতায় নিচয়ই তার প্রভাব পড়ে। লোকে অমিয় চক্ৰবৰ্তীৰ দৃষ্টান্ত দেয়। তবে অমিয় চক্ৰবৰ্তী প্রবাসে আসার আগেই বাংলাভাষার একজন প্রধান কবি হিসেবে প্রতিষ্ঠিত। ‘একমুঠো খসড়া’, ‘দূৰ্ঘণী’ এসব লেখা হয়ে গেছে তাঁৰ। প্রবাসে উনি ‘পৱপাৰ’ আৰ ‘পালাবদল’ প্রধানত এ দুটি বই লিখেছেন। তবে আমি মনে করি দেশে থাকলে যেসব ঘটনা ঘটে, যেসব আলাপ-আলোচনা হয়, এগুলো নানাভাবে লেখককে উদ্বৃদ্ধ করে, চালিত করে। কখনও সে প্রতিবাদী হয়, কখনো সমর্থন করে। এমনকি বিদেশে এসেও দেশের একেকটা ঘটনার তরঙ্গ এসে তাকে আঘাত করে কিন্তু সে আঘাত এত সরাসরি নয়। তার জন্যে অবশ্যই লেখা ব্যাহত হয়। প্রবাসে আরেকটা মন্ত অসুবিধা এই যে, প্রবাসে লেখকেরা সম্পূর্ণ স্মৃতিৱ ওপৰে নির্ভর করেন। কিন্তু স্মৃতিটা তো স্মৃতিই হয়ে গেছে, সেটা তো আজকের সময় না। মাঝে মধ্যে বছরে একবাৰ দেশে গেলেও দেশের মধ্যে যে সামাজিক, রাজনৈতিক চিন্তাভাবনার স্তোত, প্রতিস্তোত, জোড়াস্তোত প্রবাহিত হচ্ছে- এগুলো সব স্পৰ্শ কৰা যায় না।

জ্যোতিপ্রকাশ দত্ত : ফেলে আসা জীবন নিয়ে যদি লেখককে থাকতে হয় তাহলে তো একথা বলার অপেক্ষা রাখে না যে কী পরিমাণে তার রচনা ব্যাহত হয়।

শহীদ কাদরী অ্যাকজাঞ্চলি। তবে প্রবাসে লেখক প্রবাসের জীবনের সঙ্গে সম্পৃক্ত হয়ে নিজের দেশ ছাড়াও অন্যান্য দেশ নিয়েও লিখতে পারেন, তাতে কোনো অসুবিধা নেই। অমিয় চক্ৰবৰ্তী লিখেছেন। ইউরোপের অনেক লেখকই নিজের দেশ ছেড়ে অন্য দেশে গেছেন কিন্তু তারা ইউরোপিয়ান ফ্রেমের মধ্যেই থেকেছেন।

জ্যোতিপ্রকাশ দত্ত : অনেকে বিদেশে বসেও যা লিখেছেন...যেমন, সিংগার-

শহীদ কাদরী হ্যাঁ, তবে ওই পোলাভেই তাঁৰ ব্যাকগ্রাউন্ড। কিছু সন্তা বই আছে নিউইয়র্কের ব্যাকগ্রাউন্ডে।

জ্যোতিপ্রকাশ দত্ত আরেকটি মজার ব্যাপার কিন্তু আছে। যারা ছোটবেলা থেকেই বিদেশে আছে, বিদেশেই লেখক হিসেবে যারা প্রতিষ্ঠা পেয়েছে, তাদের লেখার বিষয়ও কিন্তু দেশ।

শহীদ কাদরী : হ্যাঁ, ঝুঁস্পা লাহিড়ীও তাই, অরমন্দিরী রায়ও তাই।

জ্যোতিপ্রকাশ দত্ত : মনিকা আলী যে ‘ব্রিক লেন’ লিখেছেন লন্ডনের পটভূমিকায় কিন্তু লিখেছেন তো বাঙালিদের নিয়ে। লেখককে বোধহয় কোনোভাবেই নিজ দেশ থেকে আলাদা করা যায় না।

শহীদ কাদরী : ‘যদি নির্বাসন দাও বিষ ছোঁয়াব ওষ্ঠাধরে’। নির্বাসন চিরকালই তো দণ্ড।

মাজহারুল ইসলাম আপনার দেশের বাইরে চলে আসার প্রেক্ষাপটটা তো নতুন জেনারেশন জানতে চাইবে।

জ্যোতিপ্রকাশ দত্ত : নিচয়ই চাইবে।

শহীদ কাদরী : দেশ ছেড়ে আসার কোনো প্রেক্ষাপট ছিল না। দেশ ছেড়ে আসব ঠিক করি নি। ঠিক করেছি দেশে ফিরে যাব। আমি অসুস্থ না হলে এখনই ফিরে যেতাম। আমার স্ত্রীও তো থাকতে চায় না এখানে। অনেকে বলে তোমার কপাল ভালো যে তুমি বিদেশে। কারণ বাংলাদেশে চিকিৎসার যে খরচ তা কোটিপতি হলেও বহন করা সম্ভব হতো না। আমার আজকে দশ বছর চলছে ডায়ালাইসিস।

জ্যোতিপ্রকাশ দত্ত : আমার নিজের যেমন বিদেশে আসা হয়েছিল লেখাপড়া করতে। লেখাপড়া করতে এসেছিলাম, সম্পূর্ণ ফিরে যাবার বাসনা নিয়ে। ফিরে যাবার সবই প্রায় ঠিক হয়ে গিয়েছিল, তখন যুদ্ধ লেগে গেল। আর ফিরে যাওয়া হল না। আবার লেখাপড়া শুরু করলাম। পিএইচডি ডিপ্রি যখন শেষ হলো, সেই '৮০ থেকেই আমার চেষ্টা ছিল দেশে ফিরে যাবার জন্য।

মাজহারুল ইসলাম : আপনি দেশ থেকে এসেছেন কোন বছরে ?

শহীদ কাদরী : '৭৮-এ এসেছি।

মাজহারুল ইসলাম : তারপর থেকে তো..

শহীদ কাদরী : না, '৮২ তে ঢাকায় গিয়েছিলাম।

মাজহারুল ইসলাম : তারপর আর যাওয়া হয় নি ?

শহীদ কাদরী : না।

জ্যোতিপ্রকাশ দত্ত : শহীদ-

শহীদ কাদরী : হ্যাঁ।

জ্যোতিপ্রকাশ দত্ত : তোমায় যন্ত্রণা থেকে এবার মুক্তি দেওয়া যাক। আমরা চলি। ০

(অন্যদিন ঈদসংব্রহ্মা ২০১২ থেকে পুনর্মুদ্রিত)

শহীদ কাদরীর
বাছাই কবিতা

আমাৰ বই
দুনিয়াৰ পাঠক এক হও

বৃষ্টি, বৃষ্টি

সহসা সন্তাস ছুঁলো। ঘর-ফেরা রঙিন সন্ধ্যার ভীড়ে
যারা ছিলো তন্দ্রালস দিঘিদিক ছুটলো, চৌদিকে
ঝাঁকে ঝাঁকে লাল আরশোলার মতো যেনবা মড়কে
শহর উজাড় হবে, বলে গেল কেউ-শহরের
পরিচিত ষষ্ঠা নেড়ে নেড়ে খুব ঠাণ্ডা এক ভয়াল গলায়

এবং হঠাৎ

সুগোল তিমির মতো আকাশের পেটে
বিদ্ধ হলো বিদ্যুতের উড়ন্ত বল্লমা!
বজ্র-শিলাসহ বৃষ্টি, বৃষ্টি : শৃঙ্কিকে বধির ক'রে
গর্জে ওঠে যেন অবিরল করাত-কলের চাকা,
লক্ষ লেদ-মেশিনের আর্ত অফুরন্ত আবর্তন!

নামলো সন্ধ্যার সঙ্গে জপ্তসন্ধি বিপন্ন বিদ্যুৎ
মেঘ, জল, হাওয়া,-

হাওয়া, ময়ূরের মতো তার বর্ণালী চিঢ়কার,
কী বিপদগ্রস্ত ঘর-দোর,
ডানা মেলে দিতে চায় জানালা-কপাট
নড়ে ওঠে টিরোনসিরিসের মতন যেন প্রাচীন এ-বাড়ি।
জলোছাসে ভেসে যায় জনারণ্য, শহরের জানু
আর চকচকে ঝলমলে বেসামাল এভিনিউ

এই সাঁৰে, প্রলয় হাওয়ার এই সাঁৰে
(হাওয়া যেন ইস্রাফিলের ওঁ)

বৃষ্টি পড়ে মোটরের বনেটে টেরচা,
ভেতরে নিষ্ঠক যাত্রী, মাথা নিচু
ত্রাস আর উৎকর্ষায় হঠাৎ চমকে

দ্যাখে, -জল,
অবিরল

জল, জল, জল

তৈরি, হিস্স

খল,

আর ইচ্ছায় কি অনিচ্ছায় শোনে

দুগিয়ার পাঠক এক হ্রও

আধাৰ হৈ

ক্রন্দন, ক্রন্দন
নিজস্ব হৃৎপিণ্ডে আর অস্তুত উড়োনচঙ্গী এই
বর্ষার উষর বন্দনায়

রাজত্ব, রাজত্ব শুধু আজ রাতে, রাজপথে-পথে
বাউগুলে আর লক্ষ্মীছাড়াদের, উনুক্ত, উদ্বাস্তু
বালকের, আজীবন ভিক্ষুকের, চোর আর অর্ধ-উন্নাদের
বৃষ্টিতে রাজত্ব আজ। রাজস্ব আদায় করে যারা,
চিরকাল শুণে নিয়ে যায়, তারা সব অসহায়
পালিয়েছে ভয়ে।

বন্দনা ধরেছে,-গান গাইছে সহর্ষে
উৎফুল- আঁধার প্রেক্ষাগৃহ আর দেয়ালের মাতাল প্ল্যাকার্ড,
বাঁকা-চোরা টেলিফোন-পোল, দোল খাচ্ছে ওই উঁচু
শিখরে আসীন, উড়ে-আসা বুড়োসুড়ো পুরোন সাইনবোর্ড
তাল দিচ্ছে শহরের বেশুমার খড়খড়ি
কেননা সিপাই, সাত্ত্বি আর রাজস্ব আদায়কারী ছিলো যারা,
পালিয়েছে ভয়ে।

পালিয়েছে, মহাজ্ঞানী, মহাজন, মোসাহেবসহ
অন্তর্হিত,
বৃষ্টির বিপুল জলে ভ্রমণ-পথের চিহ্ন
ধূয়ে গেছে, মুছে গেছে
কেবল করুণ ক'টা
বিমৰ্শ স্মৃতির ভার নিয়ে সহর্ষে সদলবলে
বয়ে চলে জল পৌরসমিতির মিছিলের মতো
নর্দমার ফোয়ারার দিকে,-

ভেসে যায় ঘুঁতুরের মতো বেজে সিগারেট-টিন
ভাঙা কাঁচ, সংক্ষ্যার পত্রিকা আর রঙিন বেলুন
মসৃণ সিঙ্কের স্কার্ফ, ছেঁড়া তার, খাম, নীল চিঠি
লম্বির হলুদ বিল, প্রেসক্রিপশন, শাদা বাঞ্চে ওষুধের
সৌখীন শার্টের ছিন্ন বোতাম ইত্যাদি সভ্যতার
ভবিত্যহীন নানাশৃতি আর রঙবেরঙের দিনগুলি

এইক্ষণে আধার শহরে প্রভু, বর্ষায়, বিদ্যুতে
নগুঁপায়ে ছেঁড়া পাঞ্জুনে একাকী
হাওয়ায় পালের মতো শার্টের ভেতরে
বকবাকে, সদ্য, নতুন নৌকার মতো একমাত্র আমি,
আমার নিঃসঙ্গে তথা বিপর্যস্ত রক্তেমাংসে
নৃহের উদ্ধাম রাগী গরগরে লাল আজ্ঞা ঝুলে
কিন্তু সাড়া নেই জনপ্রাণীর অথচ
জলোচ্ছাসে নিঃখাসের স্বর, বাতাসে চিঢ়কার
কোন আঘাতে সম্পন্ন হয়ে, কোন শহরের দিকে
জলে আছাদে আমি একা ভেসে যাবো ?

নপুংসক সন্তের উক্তি

শর্করার মতো রাশি রাশি নক্ষত্রবিন্দুর স্বাদে
রুচি নাই, ততটাই বিমুখ আমরা বন্ধুদের
উজ্জ্বল সাফল্যে অলৌকিক। কে গেল প্রাসাদে আর
সেই নীল গলির গোলকধাঁধা কার চোখে, ঈর্ষায় কাতর

কেবা (হয়তো-বা আমরাও)। দ্রুত তিমিরে তলাবে
গদ্যের বদলে যারা সুলিলিৎ পদ্যে সমর্পিত-
টেরী কাটা মসৃণ চুলের কবি, পাজামা-পাঞ্জাবি
হাওয়ায় উড়িয়ে হাঁটে তারা আজীবন নিশ্চিন্তে নরক-ধামে,

এবং চৈতন্যে নেই অবিরাম অনিচ্ছিত, অশেষ পতন
পলে-পলে ঝালনের অঙ্গীকার আর অনুর্বর মহিলার
উদরের মতো আর্ত উৎকষ্ঠিত, আবর্তিত শূন্যতার ভার,
নেই এই ভিড়াক্রান্ত, বিব্রত, বর্বর উর্ধৰ্ঘাস শহরের

তীক্ষ্ণধার জনতা এবং তার একচক্ষু আশার চিন্কার!
পূর্ণমা-প্রেতার্ত তারা নির্বীজ চাঁদের নিচে, গোলাপ বাগানে
ফাল্বনের বালখিল্য চপল আঙুলে, রূপ্যউক প্রেমিকার
নিঃস্বপ্ন চোখের 'পরে নিজের ধোয়াটে চোখ রাখে না ভুলেও,

কল্পমান অবিবেকী হাতে খুঁজে দেয় স্লান ফুল
পীতাভকুন্তলে তার, প্রথামতো সেরে নেয় কবির ভূমিকা,
ইতিহাসের আবহে নাকি আজ এ সকলই ঐতিহ্যসম্মত,-
এই নির্বোধ আনন্দ-গান, ওই অনাত্ম উৎসব!

আমরাই বিকৃত তবে ? শাস্ত, শুন্দ এই পরিবেশে
আতর লোবান আর আগরবাতির অতিমর্ত্য গন্ধময়
দেবতার স্পর্শ-পাওয়া পরিত্র গ্রহের উচ্চারণে
প্রতিধ্বনিময় সবজিক্ষেতের উদার পরিবেশে

সুপ্রচুর বিমুক্ত হাওয়ায় কেন তবে কষ্টঘাস ?
কেন এই স্বদেশ-সংলগ্ন আমি, নিঃসঙ্গ, উদ্বাস্তু,

জনতার আলিঙ্গনে অপ্রতিভ, অপ্রস্তুত, অনাত্মীয় একা,
আঁধার টানেলে যেন ভৃ-তলবাসীর মতো, যেন

সদ্য উঠে-আসা কিমাকার বিভীষিকা নির্দারণ!
আমার বিকট তুলে দুঃস্পন্দের বাসা ? সবার আজ্ঞার পাপ
আমার দু'চোখে শুধু পুঁজ পুঁজ কালিমার মতো লেগে আছে ?
জানি, এক বিবর্ণ গোষ্ঠীর গোধূলি শেষ বংশজাত আমি,

বস্তুতই নপুংসক, অন্ধ, কিন্তু সত্যসন্ধি দুরত্ব সত্তান!
আমাকে এডায় লোকে, জাতিস্মর অবচেতনার পরিভাষা
যেহেতু নিয়েছি আজ নিষ্কর্ণ আর্তস্বরে সাহসীর মতো,
তাই অঞ্জের আয়োজন শুরু হয় বধ্যভূমির চৌদিকে

আমাকে বলির পশ্চ জেনে নিয়ে, উজ্জ্বল আত্মস্বাজি আর
বিচিত্র আলোক সাজে ঢেকে দিয়ে রাত্রির আকাশ
দেখায় আবার ভেঙ্গি কাড়া-নাকাড়ায় সাড়া তুলে
মৃথচারী মানুষেরে ! এবং আমার শরীরের সবজিক্ষেতে
অসীম উৎসাহভরে একটি কবর খুঁড়ে রাখে ।

নশ্বর জ্যোৎস্নায়

জ্যোৎস্নায় বিবৃত বাগানের ফুলগুলি, অফুরন্ত
হাওয়ার আশ্চর্য আবিক্ষার করে নিয়ে
চোখের বিশাদ আমি বদলে নি' আর হতাশারে
নিঃশব্দে বিছিয়ে রাখি বকুলতলায়
সেখানে একাকী রাত্রে, বারান্দার পাশে
সোনালি জরির মতো জোনাকিরা নম্বা জ্বলে দেবে,

টলটল করবে কেবল এই নক্ষত্রের আলো-জুলা জল
অঙ্গরার ওষ্ঠ থেকে খসে-পড়া চুর্ষনের মতো
তৃষ্ণা নেভানোর প্রতিশ্রূতিতে সজল
এই আটপৌরে পুকুরেই
শামুকে সাজাবে তার আজীবন প্রতীক্ষিত পাড় ।

আমার নির্বেদ কোনো বালকের ব্যৱ আঙ্গুলের মতো
আদর জানাবে শাদা, উষও রাজহাঁসের পালকে,
অবিশ্বাস, মখমলের কালো নক্ষত্রাঞ্চিত চুপি প'রে
সশ্বে দরোজা খুলে এক-গাল হাওয়া খেয়ে বেড়াবে বাগানে

পরিত্যক্ত মূল্যবোধ, নতুন ফুলের কৌটোগলো
জ্বলজ্বলে মণির মতন সংখ্যাহীন জ্যোৎস্না ভরে নিয়ে
নিঃশব্দে থাকবে ফুটে মধ্য-বিশ শতকের ক্লান্ত শিল্পের দিকে চেয়ে
-এইমতো নির্বোধ বিশ্বাস নিয়ে আমি
বসে আছি আজ রাত্রে বারান্দার হাতল-চেয়ারে
জ্যোৎস্নায় হাওয়ায় ।

আমাৰ বই
দুণিয়াৰ পাঠক এক হও

প্রেমিকের গান

ধনুকের মতো টংকার দিল টাকা
তোমার উষ্ণ, লাল কিংখাবে ঢাকা
উজ্জ্বল মুখ যেনবা পয়সা সোনালি ঝুঁপালি তামা

পরপর দেখি বেজে চলে যায় নিত্য
পরিবর্তিত তোমার মুখের সারি
দেখেও দেখি না চিনি তবু বিদেশিনী

প্লাটিনাম সে কি দন্তা কিংবা তামা
নাকি সে নকল তারা
মধ্যের কালো পর্দার পর ঝুঁপার চুমকি তুমি

মনে হয় যেন বার্মা টিকের নিপুণ পালিশ
সেগুন কাঠের ওয়ার্ডরোব
গিলে খাবে বুঝি পৃথিবীর সব

সোনালি, ঝুঁপালি শাড়ি
ওগো কী সূক্ষ্ম তোমার চিকন ক্ষুধা
স্যাটিন কিংবা শীফন ব্যঙ্গীত সোনামুখ যেন তামা

ভয়াল, হিস্স তোমার মুখের সারি
লৌহ কঠিন বিশাল উদর খোলা যেন সিন্দুক
ভরে দেবো সোনাদানা।

আমাৰ কই
লেখা না-লেখাৰ গঞ্জ-৫
দুনিয়াৰ পাঠক ৬৫ এক হও

উত্তরাধিকার

জন্মেই কুঁকড়ে গেছি মাত্জরায়ন থেকে নেমে-
 সোনালি পিছিল পেট আমাকে উগরে দিলো যেন
 দীপহীন ল্যাম্পপোস্টের নিচে, সন্তুষ্ট শহরে
 নিমজ্জিত সবকিছু, রূদ্ধচক্ষু সেই ব্ল্যাক-আউটে আঁধারে ।

কঁটা-তারে ঘেরা পার্ক, তাঁবু, কুচকাওয়াজ সারিবদ্ধ
 সৈনিকের। হিরন্যায় রৌদ্রে শুধু জলজলে গভীর কামান,
 ভোরবেলা সচিকিত পদশব্দে ঝোড়ো বিউগলে
 গাছ-পালা, ঘরবাড়ি হঠাত বদলে গেছে রাঙা রণাঙ্গনে ।

শৃংখলিত, বিদেশির পতাকার নিচে আমরা শীতে জড়োসড়
 নিঃশব্দে দেখেছি প্রেমিকের দীপ্ত মুখ থেকে জ্যোতি ঝরে গেছে
 মানমুখো ফিরেছে বালক সমকামী নবিকের
 মরিয়া উল্লাসে ধৰনি আর অশ্লীল গানের কলি

নীর পালকের মতো কানে গুঁজে, একা সঁাঁঘবেলা।
 যীশুখৃষ্টের মতন মুখে সৌম্য বুড়ো সয়ে গেছে
 ল্যান্টর্নের স্লান রাত্রে সৈনিকের সিগারেট, রুটি, উপহার
 এবং সঙ্গম-পিট সঞ্চাদশী অসতর্ক চিৎকার কন্যার ।

রক্তপাতে, আর্তনাদে, হঠাত হত্যায় চম্পল কৈশোর-কাল
 শেখালে মারণ-মন্ত্র-আমার প্রথম পাঠ কী করে যে ভুলি,
 গোলাপ-বাগান জুড়ে রক্তে-মাখে পচেছিলো একটি রাঙা বৌ
 ক'খানা ছকের ঘুঁটি মানুষের কথামতো মেতেছিলো বলে ।

ছান্দবেশী সব মুখ উৎসবে লেগেছে ফের, ফেনিল উৎসবে,
 কী শান্ত নরম গলা, সঙ্ক্ষ্যা হাওয়ায় বসে আছে
 দু'দিন আগের মুখ, ভালোবাসা-স্তুক-করা আততায়ী-মুখ
 সন্তর্পণে নিয়েছে শুটিয়ে যেন আস্তিনের সাথে,

যেন কেউ কামমত ভালুকের মতো করে নাই ধীওয়া কোনো
 মহিলারে পাতালে নাবানো ঠাণ্ডা কৃপের গহ্বরে,

সূর্যাস্তে নির্ভার মনে যেন শোনে নি বোমাকু শিস্
হঠাতে কৃষক, দূরে দাউদাউ অন্তিম আগুন তার পড়শির ধামে,

লুটিয়ে পড়ে নি কেউ স্বদেশী পার্কের ছবি হাতে
বিদেশির গমক্ষেতে বাসিমুখে কফির বাটিতে মুখ রেখে!
বালকের মুঠো থেকে খসে গেছে হালকা সূক্ষ্ম সুতো বেলুনের
অচেনা দুর্বোধ্য আসে, আমার চোখের নিচে, এভেন্যুর ধারে,

নির্বোধের আলস্যে কেবল স্লান হাস্যে জানিয়েছি
যন্নোরম অস্তরাগে শুধু আমার গোধুলি-ভাষ্য
মূল্যবোধের আর যা কিছু সত্য তাই হতাশার
পরম, বিশ্বস্ত অনুগামী, প্ররোচক বুঝি স্বেচ্ছামরণের,

-এইমতো জীবনের সাথে চলে কানামাছি খেলা
এবং আমাকে নিক্ষপর্দক, নিক্ষিয়, নঐর্থেক
ক'রে রাখে; পৃথিবীতে নিঃশব্দে ঘনায় কালবেলা!
আর আমি শুধু আঁধার নিঃসঙ্গ ফ্ল্যাটে রক্ষাকু জবার মতো

বিপদ-সংকেত জ্বলে একজোড়া মূল্যহীন চোখে
পড়ে আছি মাবারাতে কম্পমান কম্পাসের মতো
অনিদ্রায়।

পাশের কামরার প্রেমিক

গলা চিরে খুশু ফ্যালে দাপায় কপাট নড়বড়ে
খাসকষ্টে যা পায় তা' প্রেম, ঠাণ্ডা হাওয়া
হৃৎপিণ্ডে বিরক্তির উৎকট নর্তন
অলৌকিক ইচ্ছা তার তাকে দিয়ে টেবিল বাজায়

মাঝরাতে নিঃসঙ্গতা রাঙিয়ে টেবিলে
একজোড়া লালচোখ, একটি লণ্ঠন
বিশ শতকের সুন্দর সুগোল এক পেটের ভেতরে যেন
দেখে নেয় প্রাক্তন প্রেমিকদের বিধ্বন্ত কবর

চোখের সামনে রাতভর নীলরঞ্জ এক মুকুতা দোলায়
আর যেন তারার চূম্কি-জ্বালা সেই অন্তর্বাস
যথার্থই সংঘট্টায় খুলে দিয়ে আকাশ দেখায়
খেলোয়াড়ের মতন একে-একে শৃন্যতার সবগুলো তাঁজ

তার সামনে সর্পের বকিম, শান্ত চতুরালি, স্পষ্টত নিষ্পাপ
ফোলা-গাল সাপুড়ের ভেঁপু একেবারে নির্ভয়, বিপদযুক্ত,
হস্তের অব্যর্থ ফাঁদে দেয় গলা বাড়িয়ে প্রেমিকা
ঝাঁপিতে আটকে রেখে বাতি-না-জ্বেলেই শোয়া যায়.

এ হেন অনেক কিছু, একটু আয়াসে চীনে বাদামের খোসা
ভাঙতে-ভাঙতে পার হওয়া যায় হে দীণ প্রেমিক, বস্তু, ভাই
যথা শান্ত দুপুরে দেলাক্রোয়ার ক্রুদ্ধ, কুদ্ধ মণ অশ্বারোহী
ট্রেনে-কাটা শূকরের লালরক্ত, মৃত্যু, আর্তনাদ !

কিছুই শোনে না কেউ তলপেটে অনাশ্বাদিত বিহুল কাম
আন্তার ভেতরে ওড়ে নীলমাছি বিরক্তির মগজে উদ্যান।
দীর্ঘজীবী হোক তবু যেন তার সব স্বপ্নজীড়া
মাঝরাতে যে কারণে হিমহস্ত টেবিল বাজায়!

আমাৰ বই
দুণিয়াৰ পাঠক এক হও

কবিতাই আরাধ্য জানি

কবিতাই আরাধ্য আমার, মানি; এবং বিব্রত

তার জন্য কিছু কম নই। উপরন্তু আছি পড়ে উপাখিবিহীন, জানি
বাণিজ্যে বসতি যার সেই মা' লক্ষ্মীর সংসারেই উন্মুল, উদ্ভৃত, তবু
কোনোমতে টিকে-থাকা, যেন বেচপ ভূমিকাশূন্য তানপুরা!

উপরন্তু গ্রাম্যজনে যেই গান চায় কিংবা গায়, ইদানীং ওহে
তা' কেউ জানে না আর, জানার উপায় নেই বলে ?

কেননা যে আছে

হাত-পা ছড়িয়ে বেগুবনে ঝুক্ষচুলে, শুকনো মুখে

ফেলে সে দিয়েছে

আনমনে, সোনালি, নিটোল, বাঁশিখানি, কোলের ওপরে হাত
ভারী হয়ে পড়ে আছে, মরা, একেবারে মরে-যাওয়া স্নান খরগোশ।
কিন্তু সতেজ পাতার মতো তার কান, কর্ণকুহরে কুহক, ঘটাখনি

দূর শহরের,

তাই আর খৌজে না সে কাঁটাবনে, হৃৎপিণ্ডের অস্ত-স্বপ্নে দ্রুত
কী করে বারে গেল, পড়ে গেল, নড়ে গেল হাত, হাতের বাঁশরী
-গেঁয়োমুখে নাবালক ভয় শুধু, উদ্ধিষ্ঠ বিশ্বয় আর এক

অসম্ভব দাবি,

বোবো না সে জীর্ণ কাঁথার মতন পচে যায় গ্রাম্যগাথা সব
স্নান সবজিক্ষেতে।

ফেরার উপায় নেই; সহযাত্রীর হৃদয়ে নেই আর রাস্তার সংকেত,
পুরোনো লষ্টন,

পিতামহের হা-খোলা, মৃত, হলুদ চোখের মতো দৃতিহীন,
দেখায় না পথ।

ধৰংসের বিপুল শুণে দেখা যায় মসজিদের বিদীর্ঘ ধাপ
নেবে গেছে খাদে।

আমাৰ বই
দুণিয়াৰ পাঠক এক হও

নিরংদেশ যাত্রা

অলৌকিক অস্তুত দ্রব্যাদি সব খেয়ে-দেয়ে বাঁচি
সুহৃদের তিরক্ষার বাতাসের সাথে সাথে এসে
লুটোয় টেবিলে, উল্টে দেয় সাধের গেলাস আর
নীল বাঞ্জো ম্যাচিসের ময়ূরের বর্ণালী পালক-

শব্দহীন ঝাঁরে পড়ে দূর বাল্যকালে কেনা, ওই
লাবণ্যের নিঃসঙ্গ পুতুল আর সবুজ রঙের
টুপি থেকে; অঞ্জের তীক্ষ্ণ ভর্তসনায় বজ্জ যেন
জানালায় যমদৃতের মতন ত্রাস নেচে নেচে

কেবলই দেখিয়ে যায়, গহ্বর, কবর আর স্নান
পান্তির রোগের রাত স্বপ্নহীন শীতাত্ত শয্যায়;
প্রিয়তম মহিলার উদ্ধিষ্ঠ, করুণ, রাগী স্বর,-
নাকের মুখে নত্র নথের আঁচড়,-বৃষ্টির ঝাপট,-

প্রতিবাদমুখের চিত্কারে যেন তারা নেভায় প্রদীপগুলো
সর্পের গোপন ধাপে-ধাপে আমি যা রেখেছি যত্নে,
একদা চয়ন করে সভ্যতার মৃত অঙ্গ ছেনে,
কোনোমতে ওঁকে-ওঁকে, ভয়ে, সরল জিহ্বায় চেখে

ইন্দ্রিয়সর্বস্ব, ক্ষুধামন্ত জন্ম যেন একরোখা!
দেখেছি প্রথ্যাত ক্ষেত, -নষ্টফল, -নষ্টক্ষেত্রের যতো
দ্রাক্ষা, ইক্ষু, গম, সর্বে আর জ্যোৎস্না আর ফাঁকা তাঁবু,
ঈশ্বরের উজ্জ্বল নীলিমা, -সন্ধিংসু সন্তের মনে

সুন্দর সূর্যাস্ত থেকে ভোরবেলাকার সূর্যোদয়
পর্যন্ত হেঁটেছি। আর অসীম অধৈর্যভরে ঘেঁটে,
সেই চঞ্চল, পিছিল জরায়নে সভয়ে দেখেছি
শয়তানের ধমল মুখ : শূন্যতার বস্ত্রে মোড়া

জরা, মৃত্যু, আর্তির চন্দন-ফোঁটা তার অবয়বে,
প্রশান্ত করেছে তাকে সন্ধ্যার মতোই আগাগোড়া,

আততায়ী,—শুকিয়ে রয়েছে প্রেমিকার অনুনয়ে,
অনুজের ঘূল্যবোধে, আমাদের উদ্বান্ত দশকে

প্রগতির অধেষায় আর প্রতিক্রিয়ার হঠাত
পিছুটানে, যত্নত সমৃদ্ধির সকল ধ্বনে,
সংবাদপত্রে ও মানুষের অস্তিম গন্তব্যে, আর
তুক সম্পাদকীয় মন্তব্যে!
ফলত নিঃশব্দে নেমে পড়ি
কবিতার ঝঁড়িলোকে, মদ্যশের কষ্টনালি বেয়ে
মিশে যাই পাকহৃষীর, প্রীহার অঙ্গ রসায়নে ।

পরম্পরের দিকে

পরম্পরের দিকে তাকিয়ে আছি
আমরা, এই অঙ্ককারে ।

পঁয়াচার তীব্র চিন্কার
যেন এই রাত্রির শরীরের ওপর,
নিরস্তর আঁচড় রেখে যাচ্ছে ।

কোন সংগোপন উৎস থেকে বেরিয়ে আসছে
অনর্গল ছেঁড়া-খৌড়া দৃশ্যগুলো :
একটা মদির অশ্ব বারবার লাফিয়ে উঠছে
বাতাসে শূন্যতায়,-
বাগানে ঝুলন্ত চাঁদ জবার মতো লাল

তোমার ক্লেদ সহসা ইন্দ্রধনু হলো ।
আর আমি কাঁকড়ার মতো
অনুর্বর উল্লাসে ভোজে মন্ত, একের পর এক
শুধু ক্ষত তৈরি করলাম ।

হঠাতে ক্ষতগুলো
মাতালের প্রোজ্জল চোখের মতো,
মগ্ন, উৎসুক মুখ
আমাদের দিকে বাড়িয়ে দিল ।

বাহুর বিন্যাসে নিবিড় হলো সান্নিধ্য আমাদের ।
শুধু এইসব দৃশ্যের অকারণ, অস্তুত
অনুভূতিগুলো ডুবিয়ে
তোমার কান্না আমাকে ছুঁতে পারল না ।

বিপরীত বিহার

বলিহারি যাই তোর অঙ্গুত বরকুচি
ভিখিরিও ছোবে না যা নোংরা আঙুলে
তাই শেষে তুলে নিলি অমন সুন্দর চপ্পুটে

চপ্পল স্বত্বাব তোর, কিন্তু তবু কানা করল কে ?
ক্ষুধা ? আমি তো রেখেছি যত্নে, উষ্ণ নরম শাদা ঝুটি
পচা মাংসেই ঘটালি তো রসনার অঙ্গচি !

আমি কি দেখাই নি সূর্যাস্তের নীলিমার রঙিন উদ্যান
আত্মজরিতায় তবু চোখ রাখলি আঁতাকুড়ে,
হেঁড়াখোঁড়া, ত্যক্ত, বিরক্ত বেসামাল বীজাগুর উৎসবে

সান্ধ্যভ্রমণ ভালো, হাওয়া খোলামেলা,
অঙ্গির চরণ তোর নিয়ে গেলো কাফের গুমোটে
যেখানে জটলা পাকায় সমবয়সী বেকার হা-ঘরে বাউগুলে

সৎসঙ্গ লাগে নি ভালো ? সজ্জনের কথা ?
কৃমিও যায় না যেই দুর্গক্ষের নর্দমায়, পাঁকে
সেখানে ভাসালি বুক ? যেন আমি রাখি নি পেতে ফেননিভ দুর্ঘশয্যা,

শীতরাতে একটি গরম শাল, নীলরঞ্জ জামা ?
কিছুই ধরে না মনে বুজুকিভরা হে এন্দ্রজালিক শাস্ত্রের পঞ্চিত,
নগ্নপাত্রে নেচে নেচে অবশেষে নিবি কি সন্ন্যাস !

দিনে দিনে বৎসরে বৎসরে উৎসবের ঝুতুতে
কোন ভূতে পেল তোরে ? যখনই চেয়েছি কোনো গান
ত্রিকাল বধির করে আগুত জ্যোতিষী যেন, উদ্ভ্রান্ত গণক
ছুড়ে দিলি কেবল চিন্কার !

আমাৰ বই
দুণিয়াৰ পাঠক এক হও

ইন্দ্ৰজাল

ৱাত্ৰে চাঁদ এলে

লোকগুলো বদলে যায়

দেয়ালে অস্তুত আকৃতিৰ ছায়া পড়ে

যেন সারি সারি মুখোশ দুলছে কোনো

অদৃশ্য সুতো থেকে

আৱ হাওয়া ওঠে

ধাতুময় শহৰেৰ কোনো সংগোপন ফাটল

কিংবা হা-খোলা তামাটে মুখ থেকে

হাওয়া ওঠে, হাওয়া ওঠে

সমস্ত শহৰময় মিনার চুড়োয় হাওয়া ওঠে

(ওড়ে কত শুকনো কাগজেৰ মতো স্বগতোক্তি

খড়কুটোৱ মতো ছোট ছোট স্বৰ, নৈরাশ্যেৰ কালো ফুল)

কেউ ঢোকে পাৰ্কে, ৰোপে-ৰাড়ে কিংবা

নেমে যায় পিছিল কৃমিৰ মতো

স্বপ্নেৰ সুড়ঙ্গপথে

সহজ, অবাধ; ঠোঁট ফাটে, ঠোঁট ফাটে, ঠোঁট ফাটে

ইচ্ছার মদিৰ চাপে যেন ঔঁড়িৰ রুক্ষ হাতে

টলটলে দ্রাক্ষাৰ মতো

ঠোঁট ফাটে

তখন মুঞ্জিৰিত মাংসেৰ ঘৰে

পাঁচটি প্ৰদীপ আনে আলোকিত উৎসবেৰ রাত

(ঠোঁট ফাটে, ঠোঁট ফাটে)

তখন ইন্দ্ৰিয়েৰ সবুজ ৰোপে

পাঁচটি লাল ফুল আনে সৌৱভেৰ রাত

(ঠোঁট ফাটে, ঠোঁট ফাটে)

তখন মোটৱেৰ অপৱিসৱ ফিকে আঁধারে

চিনতে কষ্ট হয় সঙ্গনীৱ অঙ্গৱেৰ

উৱৰুৰ গঠন আৱ সফেদ দণ্ডৱাজি;

দেয়ালে জানালার কাঁচে নিৱৰ্তন ছায়া নড়ে

লোকগুলো বদলে যায়, বদলে যায়, বদলে যায়

ৱাত্ৰে চাঁদ এলে-

আলোকিত গণিকাবৃন্দ

শহরের ভেতরে কোথাও হে রংগ গোলাপদল,
শীতল, কালো, যয়লা সৌরভের প্রিয়তমা,
অস্পৃশ্য বাগানের ভাঙাচোরা অনিদ্র চোখের অঙ্গরা,
দিকপ্রান্তের ঝলক তোমরা, নিশীথসূর্য আমার!
যখন রূদ্ধ হয় সব রাস্তা, রেঙ্গোরা, সুহৃদের দ্বার,
দিগন্ত রাঙিয়ে ওড়ে একমাত্র কেতন,-তোমাদেরই উন্মুক্ত অন্তর্বাস,
-অদ্ভুত আহ্বান যেন অঙ্গির অলৌকিক আজান।

সেই স্যাতসেতে ঠাণ্ডা উপাসনালয়ে পেতে দাও
জায়নামায, শুকনো কাঁথা, খাট, স্তুপ স্তুপ রেশমের স্বাদ।
আলিঙ্গনে, চুধনে ফেরাও শৈশবের অষ্ট আহুদ!
বিকলাঙ, পঙ্গু যারা, নষ্টভাগ্য পিত্মাত্হীন,-
কাদায়, জলে, ঝড়ে নড়ে কেবল একসার অসুস্থ স্পন্দন
তাদের শুশ্রা তোমরা, তোমাদের মুমৰ্শু স্তন!

ক্ষণকাল সে নকল স্বর্গলোকের আমি নতজানু রাজা
কানাকড়ির মূল্যে যা দিলে জীবনের ত্রিকূলে তা নেই
অচির মুহূর্তের ঘরে তোমরাই তো উজ্জ্বল ঘরনী
ভায়মাণের ফিরিয়ে দিলে ঘরের আত্মাণ,
তোমাদের স্তব বৈ সকল মূল্যবোধ যেন ম্লান!

চন্দ্রালোকে

কী শন্তায় পরিষ্কার হলো উর্ণাজাল,
হলুদ কাগজ, কাঁটাতার ময়লা পুরনো দাগ,
দেয়ালের বালি; বিশল্যকরণী দিয়ে ছুঁলো চাঁদ
সঙ্খ্যায়, -বিঞ্চীর্ণ স্লান লম্বা জ্যোতিপাতে।
অতর্কিংতে একটি কড়ির বাঁকে, ঠাণ্ডা ফুটপাতে
অচেনা গলার ভাঙা ভারী গান অদৃশ্য গলিতে,-
বিষ্঵স্ত, শৃতির মতো পাঠালো সে বলকে ঝলকে পলক-না-পড়া হাওয়া
ফিরলো উষ্ণতা যেন পুরোনো কোমল মখমলে; বাতি-জ্বালা, লাল, নীল
কাঁচের দোকান একপাল অঙ্গীর মতো নেচে নেচে
দেখালে কত-না রঙ, যেন তারা কত মোহনীয়,
একরাশ ধূলোপাতা বিশুদ্ধ আনন্দে শুধু তাল ঠুকে গেল।

পরাস্ত সকল ইচ্ছা, উদয়াস্ত যা-যা ভেবে মরি
তার কোনো সুন্দর সচল সমাধান করে দিতে পারবে না এই হাওয়া
শুধু এক নির্বোধ, পরম বালখিল্যতায় জড়িয়ে ধরতে চায় গলা।
ফিরে ফিরে ভঙ্গ হারমোনিয়াম আনে অতীত আর্দ্রতা
'হে আমার প্রেম, নিষ্প্রাণ ময়ূরপঞ্জী কোনো জলে ভাসবে না ?'
(বালির তরঙ্গে তার নিতম্বের কঠিন করোটি, কোনো কানাই ছোঁবে না)
হে আমার প্রেম, নিষ্প্রাণ ময়ূরপঞ্জী দাঁড় পড়ে হস্পন্দনে
আমার অপেক্ষা ফুরোবে না।

ଏତେ ଶୀତେ

শীতাত্ত নিঃস্বতায় কিছুই বাঁচে না যেন
বেঁচে থাকা ছাড়া, বসন্তের শিথিল স্তন
নিঃশেষে পান করে নিঃস্বার্থ মাটি
লতা-গুলু গাছ কাক শালিক চড়ুই
এমনকি অসহায় গর্তের দেয়ালের জীব...

সে উদ্বৃত্তের দিনে বিপ্রলাপী ষ্ঠাবে যার
 আসক্তি আসবে, সেতো মৃত্যুগামী, ডোবেই
 এমনকি অঞ্জও টলে, অচিরে হারায়
 মনের সমতা সেই ঘনতা : প্রজ্ঞা যার নাম।
 কেননা বসন্ত শুধু কবির হনয়ে নয়,
 কাবো-কাবো মগজ্জও নামে:

୭୩

ତାରାଓ ହନ୍ୟେ ହୟ, ଅନ୍ଧକାର ଆଶ୍ରେ କାପେ ।

ଅଥଚ ଏ-ଶୀତେ ଏକା, ଉନ୍ନତ ଆମି,
ଆମି ଶୁଦ୍ଧ ପୋହାଇ ନା ସ୍ଲାନ ରୋଦ
ପ୍ରତିବେଶୀ ପ୍ରକରଣ ନାରୀ ଆର ବିଶାଳ
ଯେ ରିଜଗାଛ, ସେ ଈର୍ଷାୟ ସୁଖୀ
ନିଯତ ଉତ୍ସାପ ଦିଇ ବଞ୍ଚ ପରିଜନେ ।

ଆମି ଶ୍ରୀ

একাকী সবার জরার মুখোমুখি ।

এবং আরো একজনের চোখে দেখি
লক্ষ্য সূর্যের আসা-যাওয়া এবং সেও একা
আমারই আত্মার মতো

প্রাসণের তরুণ কুকুর!

চন্দ্ৰাহত সাঙ্গাৎ

দ্যাখো, দ্যাখো, দ্যাখো হে সাঙ্গাৎ
কী ইংৰামি জানে ওই চাঁদ
অপেক্ষায় কক্ষে জলে গ্যালো, সঁৰা-ৱাত
আ-তু আ-তু ডেকে-ডেকে বয়ে গ্যালো
আইলো না উঁচু টিবি থেকে নেমে কুপার মোৰগ
ক্রি-ভুবনে কে কোথায় ধৰা পড়ে যায় তার নেই ঠিকঠাক
অখন যখন সব কুয়াশায় ঘুমের মোড়ক
সেই দেখা দিলে ত' সাঙ্গাৎ
আমাগো ঝুলিতে নয়, হায়রে বৰাৎ
নোংৱা জলে তেসে এলে যেন পাতিহাস
আঙ্কা যে সে বাঙ্কা পড়ে যায় এমন হঠাৎ
কোকিলও মাঝে-মাঝে বনে যায় কাক
মালিক শ্বয়ৎ সত্য করে দেন ফাঁস
অতএব জানতে যদি পারে জ্যান্তি ধীমান বেবাক
চন্দ্ৰমাই আমাৰ সাঙ্গাৎ!

আমাৰ বই
দুণিয়াৰ পাঠক এক হও

অঞ্জের উত্তর

নো, শহীদ সেতো নেই; গোধূলিতে তাকে
কখনো বাসায় কেউ কোনোদিন পায় নি, পাবে না।
নিসর্গে তেমন মন নেই, তাহলে ভালোই হতো
অস্তত চোখের রোগ সয়ত্বে সারিয়ে তুলতো হরিণ পত্রাদি!
কিন্তু মধ্য-রাত্রির সশব্দ কড়া তার রুক্ষ হাতের নড়ায়
(যেন দৃঢ়সংবাদ-নিতান্ত জরুরি) আমাকে অর্ধেক স্বপ্ন থেকে
দৃঢ়স্বপ্নে জাগিয়ে দিয়ে, তারপর যেম মর্মাহতের মতন
এমন চিকিৎসা ক'রে ‘ভাই’, ‘ভাই’, ‘ভাই’ বলে ডাকে,
মনে পড়ে সেবার দার্জিলিঙ্গের সে কী পিছল রাস্তার কথা,
একটি অচেনা লোক ওরকম ডেকে-ডেকে-ডেকে খসে পড়ে।
গিয়েছিলো হাজার-হাজার ফিট নিচে!

সভয়ে দরোজা খুলি— এইভাবে দেখা পাই তার-মাঝারাতে;
জানি না কোথায় যায়, কী করে, কেমন করে দিনরাত কাটে
চাকুরিতে মন নেই, সবর্দাই রঞ্জনেত্র, শোকের পতাকা
মনে হয় ইচ্ছে করে উড়িয়েছে একরাশ চুলের বদলে!

না, না, তার কথা আর নয়, সেই
বেরিয়েছে সকাল বেলায় সে তো-শহীদ কাদুরী বাড়ি নেই।'

ରାଷ୍ଟ୍ରମାନେଇ ଲେଫ୍ଟ୍ ରାଇଟ୍ ଲେଫ୍ଟ୍

ରାଷ୍ଟ୍ର ବଲଲେଇ ମନେ ପଡ଼େ ସ୍ଵାଧୀନତା ଦିବସେର
ସାଂଜୋଯା ବାହିନୀ,
ରାଷ୍ଟ୍ର ବଲଲେଇ ମନେ ପଡ଼େ ରେସକୋର୍ସେର କାଁଟାତାର,
କାରଫିଉ, ୧୪୪-ଧାରା,
ରାଷ୍ଟ୍ର ବଲଲେଇ ମନେ ପଡ଼େ ଧାବମାନ ଥାକି,
ଜିପେର ପେଛନେ ମନ୍ତ୍ରୀର କାଳୋ ଗାଡ଼ି,
କାଠଗଡ଼ା, ଗରାଦେର ସାରି ସାରି ଖୋପ,
କାତାରେ କାତାରେ ରାଜବନ୍ଦି;
ରାଷ୍ଟ୍ର ବଲଲେଇ ମନେ ହୟ ମିଛିଲ ଥେକେ ନା-ଫେରା
କନିଷ୍ଠ ସହୋଦରେର ମୁଖ
ରାଷ୍ଟ୍ର ବଲଲେଇ ମନେ ହୟ ତେଜଗ୍ଞା
ଇନ୍ଡାସ୍ଟ୍ରିଆଲ ଏଲାକା,
ହାସପାତାଲେ ଆହତ ମଜୁରେର ମୁଖ ।
ରାଷ୍ଟ୍ର ବଲଲେଇ ମନେ ହୟ ନିଧିନ ପ୍ୟାମଡ୍ରୋଟ,
ଗୋପନ ଛାପାଖାନା, ମେଡିକ୍ୟାଲ,
କଲେଜେର ମୋଡେ 'ଛତ୍ରଭଙ୍ଗ ଜନତା-
ଦୁଇଜନ ନିହତ, ପାଂଚଜନ ଆହତ'-ରାଷ୍ଟ୍ର ବଲଲେଇ
ସାରି ସାରି କ୍ୟାମେରାମ୍ୟାନ, ଦେଇଲେ ପୋସ୍ଟାର :
ରାଷ୍ଟ୍ର ବଲଲେଇ ଫୁଟବଲ ମ୍ୟାଚେର ମାଠେ
ଉଚ୍ଚ ଡାଯାସେ ରାଖା ମଧ୍ୟ ଦୁପୁରେର
ନିଃସଂସକ ମାଇକ୍ରୋଫୋନେ

ରାଷ୍ଟ୍ର ମାନେଇ ସ୍ଟୋଇକ, ମହିଳା ବନ୍ଦୁର ସଙ୍ଗେ
ଏନଗେଜମେନ୍ଟ ବାତିଲ,
ରାଷ୍ଟ୍ର ମାନେଇ ପରରାଷ୍ଟ୍ର ନୀତି ସଂକ୍ରାନ୍ତ
ବ୍ୟର୍ଥ ସେମିନାର
ରାଷ୍ଟ୍ର ମାନେଇ ନିହତ ସୈନିକେର ଶ୍ରୀ
ରାଷ୍ଟ୍ର ମାନେଇ ତାଚେ ଭର ଦିଯେ ହେଁଟେ ଯାଓଯା ।
ରାଷ୍ଟ୍ର ମାନେଇ ରାଷ୍ଟ୍ରସଂଘେର ବ୍ୟର୍ଥତା
ରାଷ୍ଟ୍ରସଂଘେର ବ୍ୟର୍ଥତା ମାନେଇ
ଲେଫ୍ଟ୍ ରାଇଟ୍, ଲେଫ୍ଟ୍ ରାଇଟ୍, ଲେଫ୍ଟ୍-!

শেষ বংশধর

‘পিতা, পিতা, পিতা’-বলে চিৎকার করছো কেন তুমি,
‘বাঁজান বাঁজান’-ব’লে পাড়া মাত ?

তোমার পিতার কাছে ছিলো নাকি এক জোড়া মীল চোখ
কঙ্কে কোনো টিয়া ?

হস্তধৃত এক ঐন্দ্ৰজালিক লাটাই
মীলাভ আকাশে-ওড়া শাদা বগার মতন ক্রন্দন-পেৰনো কোনো ঘৃড়ি ?
ছিলো নাকি সচ্ছল স্বর্গের চাবি ? রঞ্জবেরঙের কিছু শার্ট ?
আন্ধাৰ পতন কিংবা সূর্যকোজ্জ্বল
মুসার উথান ?

দুবিনীত দৱবেশেৰ মতো সোনালি বাধেৰ পিঠে চ’ড়ে
দেখেছেন তেপান্তৰ তিন দুনিয়াৰ কূল উপকূল ?
গোড়ালিৰ চাপে তাঁৰ তৱণ্ণ ঘোড়াৰ মতো ছুটে গেছে প্ৰাচীন প্ৰাচীৰ ?
নাকি আন্তাৰলে আজীবন বাঁধা ছিলো সফেদ বোৱাৰাক ?
তিনি কি জানতেন সেই অলোকিক

আশ্র্য চিচিং ফাঁক

অবলীলাক্ৰমে যাতে খুলে যায় শীতৰাতে নিঃশব্দে দৱোজা
তুমি যার বাইৱে দাঁড়িয়ে,
স্বপ্নে, জাগৱণে বহুকালব্যাপী
ঘৰ ঘোৰ দুর্ঘোগেৰ আবহাওয়ায় ?
তাঁৰ কাছে ছিলো নাকি বৃষ্টিৰ বিৱৰণপক্ষ কোনো মন্ত্রপূত
নৱম বৰ্ষাতি ?

কাকে ডাকছো মিছামিছি ? তুমি ঠিক জানো, তোমার পিতা কি
তোমার মা’য়েৰ দৃঢ়জানু প্ৰেমিক ছিলেন ? তাঁৰ জৰায়ুৰ
অন্ধকাৰে প্ৰাণবীজ জ্বলজ্বল ক’ৱেছিল কালপুৰুষেৰ মতো
নক্ষত্ৰেৰ ফেঁটায়-ফেঁটায় ?

আৱ তাঁৰ বলীয়ান শিশোদৱ ঘিৱে
সন্তদেৱ মাথাৰ মতন জ্যোতিৰ্মণ্ডলও দেখেছেন তিনি ?
তোমার জন্মেৰ উৎস ছিলো নাকি লোকাতীত পৱিকল্পনা কাৰো ?
নিৰ্বিকাৰ, নিৰ্বিচাৰ বিবাহেৰ মনোহীন রীতি ছাড়া অন্য কিছু ?
আৱও কিছু ? প্ৰেম ?

‘পিতা, পিতা, পিতা’-ব’লে চিৎকার ক’ৱছো কেন তুমি
‘বাঁজান, বাঁজান’-ব’লে পাড়া মাত ?

অন্য কিছু না

জুই, চামেলি, চন্দ্রমলি-কা, ওরা সব দাঁড়িয়ে রয়েছে
তোমার পলক-না-পড়া কিশোর চোখের জন্যে,
তোমার রক্তের ভেতরে, জনতাকীর্ণ পেডমেন্টে অবলীন
চেতনাচেতনে। অথচ লাল, নীল শার্ট প'রে
বিরক্ষ বাতাসে
ভুল স্টেশনের দিকে শিস দিতে দিতে চলেছো যেখানে,
সাদা উরু আর শিশের সঙ্গে ছাড়া
লাল সিগন্যাল ঝেলে
কোনো ট্রেন কখনো দাঁড়াবে না।
মসৃণ তুকের ওপর নির্ভর ক'রে
বিদেশী য্যাগাজিনের মতন তুমি
বাকমকে, বালমলে হ'য়ে হাতে-হাতে কদূর যাবে ?

আমি তো স্থির জানি
তোমার ওই সদ্য তিরিশ-পেরনো কুচিং পাকা চুল
-কিছু না,

শরীরের সামান্য শিখিলতা
-কিছু না,

সূর্যাস্তের মতো দেহতার
কিছু না।
মাত্ত-চূমনাকাঙ্ক্ষী স্কুল-ফেরা ক্লান্ত কিশোর ছাড়া
এখনও তোমার অস্তিত্ব
অন্য কিছু না।

জুই, চামেলি, চন্দ্রমল্লিকা, ওরা সব দাঁড়িয়ে রয়েছে,
প্রিয়জনদের মতো ওরা কেউ নরমাংসভূক নয়
বঙ্কুদের দৃষ্টির মতো ওরা কেউ তলোয়ারের
পৃষ্ঠপোষক নয়

কৈশোরিক চোখের ছায়ায় ওদের ঢেকে দাও,
কেননা আমি তো স্থির জানি,
অসংখ্য বিদ্রূপ-বেঁধা, পিতার বিশালবক্ষপ্রাণী,
রুক্ষ চুলের এক বেদনাব্যাকুল বালক ছাড়া
তুমি আজও,

আজও,
অন্য কিছু না।

আমাৰ হই
দুণিয়াৰ পাঠক এক হও

রবীন্দ্রনাথ

আমাদের চৈতন্যপ্রবাহে তুমি ট্রাফিক আইল্যান্ড
হে রবীন্দ্রনাথ!

দাঁড়িয়ে আছো যেন
সোনালি, অক্ষম পুলিশ এক
সর্বদা জলছে তোমার লাল, নীল, সবুজ
সিগন্যাল
বাংলাদেশ নামে একফোটা অচেনা স্টেশনে
পৌছুতে হ'লে
নিজের সমস্ত বিষয়-আশয় বেচে দিয়ে
তোমার কাছ থেকে কিনে নিতে হবে নাকি
আমার টিকিট ?

তোমার স্বদেশে, কবি, আমরা কয়েকজন
ট্যারিস্টের মতো আজো
ঘুরছি ফিরছি

ড্রাগস্টোরের আশপাশে,
কুলিয়ে স্টেথিসকোপ নিঃশব্দে তুমি হেঁটে গেছো
কিছুক্ষণ আগে;
অথচ করিডরের সারি সারি টুল-বেঞ্জির ওপর
আমি ছিলাম ব'সে
অচিকিৎস্য রোগীদের মলিন কাতারে।

হে অলীক ডাঙ্গার, তুমি আমাদের
ডাক-বিভাগ থেকে
পাও নি আমার পোস্টকার্ড কোনো ?
আমি তো এক তোড়া চিঠি লিখে
প্রাঞ্জল ভাষায়
ব্যামোর বর্ণনাগুলো সংযতে দিয়েছি।
জক্ষেপ করো নি তুমি, তুবি জনশ্রুতি

যেহেতু সহায়
আমি তাই তোমাকে এক আশমিরা
নিদার বর্ণালি বড়ি ভেবে শঙ্কিত, সন্তুষ্ট রাতে

নির্ভয়ে বাড়িতে ফিরে
জামা-না-বুলেই
নিঃশব্দে চিংপাত হয়ে
রাতভর দেখেছি কেবল ওষুধের শিশির মতন
নক্ষত্রের উজ্জ্বল তরল
ফেঁটায়-ফেঁটায়
ব'রে পড়ছে ঠোঁট-তালু-জিহ্বাহীন বধির ফুটপাতে ।

জানি, চিকিৎসক নও তুমি
কিধা দ্রাগস্টোরের কোনো ওষুধ বিক্রেতা;
দিনের শুরুতে তুমি
মিশে আছো অন্ত্রের অস্তুরসে,
অনিদ্র রাতের ভোরে যেন টেবিলে সাজানো প্রাতঃরাশ
মেধার ভেতরে তুমি, মজ্জায়, শিরায়, মর্মে
ওঁৎ পেতে

শিকারি বেঢ়ালের মতো
নিয়ে গেছো আমাদের সবগুলো সোনালি-কুপালি মাছ;
রবিনছড়ের মতো লুট ক'রে
আমাদের বিবৃত বাণিজ্যালয়, বিক্ষারিত ব্যাঙ্ক
সব টাকা-পয়সা ফের বিতরণ ক'রে দিলে
যে ফকির মিসকিনের ভিড়ে,
আমি সেই মিছিল থেকে খ'সে প'ড়ে
একটি চকচকে টাকা
আঙুলের নিপুণ তুড়িতে গীটারের মতো
বাজিয়ে চলেছি

যেখানে—
তুমি সে রাতের পার্কে আমার আলো-জ্বলা
অস্তিম রেস্তোরাঁ !

আমাৰ কই
দুণিয়াৰ পাঠক এক ৪৩

কবিতা, অক্ষম অন্ত্র আমার

স্টেনগান গর্জনের শব্দে পাখিরা ঝাঁকে-ঝাঁকে উড়ে যায়,
বিকলপঙ্ক্তি কবিতা আমার তুমি এই জর্নালের মধ্যে,
কখনো অঙ্ককার দেরাজে

গুটিওটি মেরে মুখ বুজে
প'ড়ে আছো-যেন মৃত রাজহাঁস,
নাকি কার্তূজশূন্য, জং-ধরা
ব্যবহারের অযোগ্য কোনো প্রাচীন পিস্তল। অথচ তবুও
তোমার মমতা আমি কিছুতেই ছাড়াতে পারি না। যেদিন অচেনা
কয়েকটা গলা আর ভারি ট্রাকের আওয়াজ মাড়িয়ে
কুচকাওয়াজ-ভরা সজ্জাসে কেঁপে উঠলো এ তল-ট
সার্ট-লাইটের আলোয়,
তখন যদিও ছিলো না অন্ত্র আমার কাছে, তবু ভয়ে
কেঁপে উঠেছিলো সারা বাড়ি। কিন্তু আমি,
কাপুরূষ, ভীরু, এই আমি অসীম সাহসে
চকচকে সঙ্গীনবিন্দু হ'তে দিই নি তোমাকে
এমনকি তোমার অগ্র্যৎসবেও হই নি সহায়।

শ্বাসীনতার সৈনিক যেমন উরুতে স্টেনগান বেঁধে নেয়,
কিষ্বা সন্তর্পণে গ্রেনেড নিয়ে হাঁটে,

তেমনি আমিও

গুণ্ঠরের দৃষ্টির আড়ালে অতি যত্নে লুকিয়ে রেখেছি
যেন তুমি নিদারণ বিক্ষেরণের প্রতিক্রিয়তে
খুব বিপজ্জনক হ'য়ে আছো।

মনে আছে একদিন রাত্রে বাগানের মাটি খুঁড়ে
তোমাকে শুইয়ে দিয়েছি খুব যত্নে। কিন্তু যখন
কয়েকটা বিদেশি ভারি বুট তোমাকে
অকাতরে মাড়িয়ে কড়া নাড়লো দরোজায়
তুমি কিন্তু মাইন-এর মতো প্রতিরোধে
বিক্ষেরণ করো নি।

হে আমার শব্দমালা, তুমি কি এখনো বৃষ্টিওভেজা
ব্রিত কাকের মতো

আমাৰ ক্ষমতাহীন ডাইনিৰ পাতাৰ ভেতৱে বসে নিঃশব্দে খিমুবে,
তাহলে তোমাৰ ধ্যানে আবাল্য দূর্বাস কিনে আমি
অনৰ্থক বড়াই কৱেছি।

মধ্যৱাতি পৰ্যন্ত অনিদ্রা এবং অহিৰ জাগৱণ ছাড়া তুমি কিছু নও,
কপালে দাও নি তুমি রাজাৰ তিলক কিমা প্ৰজাৰ অতিকৃতি
তবে কেন হয়ড়ি খেয়ে পড়ে গেছি তোমাৰ পদমূলে!

বৱং এসো কৱমদন ক'ৱে যে যাৰ পথেৱ দিকে যাই,
তবু আৱো একবাৰ বলি :
যদি পাৱো গৰ্জে ওঠো ফিঙ্গানেৰ ঘতো অন্তত একবাৰ...

আমাৰ কই
দুণিয়াৰ পাঠক এক হও

তোমাকে অভিবাদন, প্রিয়তমা

তয় নেই

আমি এমন ব্যবস্থা করবো যাতে সেনাবাহিনী
গোলাপের শুচ কাঁধে নিয়ে
মার্চপাস্ট ক'রে চ'লে যাবে
এবং সাল্যুট করবে
কেবল তোমাকে প্রিয়তমা ।

তয় নেই, আমি এমন ব্যবস্থা করবো
বন-বাদাড় ডিঙিয়ে
কঁটা-তার, ব্যারিকেড পার হ'য়ে, অনেক রণঙ্গনের স্মৃতি নিয়ে
আর্মার্ড-কারণ্টলো এসে দাঁড়াবে
ভায়োলিন বোঝাই ক'রে
কেবল তোমার দোরগোড়ায় প্রিয়তমা ।

তয় নেই, আমি এমন ব্যবস্থা করবো-
এমন অবস্থা করবো
বি-৫২ আর মিগ-২১গুলো
মাথার ওপর গৌ-গৌ করবে
তয় নেই, আমি এমন অবস্থা করবো
চকোলেট, টফি আর লজেসগুলো
প্যারাট্রুপারদের মতো ঝ'রে পড়বে
কেবল তোমার উঠোনে প্রিয়তমা ।

তয় নেই, তয় নেই,

তয় নেই... আমি এমন ব্যবস্থা করবো
একজন কবি কমান্ড করবেন বঙ্গোপসাগরের সবগুলো রণতরী
এবং আসন্ন নির্বাচনে সমরমত্তীর সঙ্গে প্রতিযোগিতায়
সবগুলো গণভোট পাবেন একজন প্রেমিক, প্রিয়তমা!
সংবর্ধের সব সম্ভাবনা, ঠিক জেনো, শেষ হ'য়ে যাবে-
আমি এমন ব্যবস্থা করবো, একজন গায়ক
অনায়াসে বিরোধী দলের অধিনায়ক হ'য়ে যাবেন
সীমান্তের ট্রেঙ্গগুলোয় পাহারা দেবে সারাটা বৎসর

লাল নীল সোনালি মাছ-

ভালোবাসার চোরাচালান ছাড়া সবকিছু নিষিদ্ধ হ'য়ে যাবে, প্রিয়তমা ।

তয় নেই

আমি এমন ব্যবস্থা করবো মুদ্রাক্ষীতি কমে গিয়ে বেড়ে যাবে
শিল্পোন্তীর্ণ কবিতার সংখ্যা প্রতিদিন

আমি এমন ব্যবস্থা করবো গণরোধের বদলে

গণচুম্বনের ভয়ে

হত্তারকের হাত থেকে প'ড়ে যাবে ছুরি, প্রিয়তমা ।

তয় নেই

আমি এমন ব্যবস্থা করবো

শীতের পার্কের ওপর বসন্তের সংগোপন আক্রমণের মতো
অ্যাকর্ডিয়ান বাজাতে-বাজাতে বিপুরীরা দাঁড়াবে শহরে,

তয় নেই, আমি এমন ব্যবস্থা করবো

স্টেটব্যাঙ্কে গিয়ে

গোলাপ কিম্বা চন্দ্রমলি-কা ভাঙালে অন্তত চার লক্ষ টাকা পাওয়া যাবে
একটি বেলফুল দিলে চারটি কার্ডিগান ।

তয় নেই, তয় নেই

তয় নেই

আমি এমন ব্যবস্থা করবো

নৌ, বিমান আর পদাতিক বাহিনী

কেবল তোমাকেই চতুর্দিক থেকে ঘিরে-ঘিরে

নিশিদিন অভিবাদন করবে, প্রিয়তমা ।

আজ সারাদিন

বাতাস আমাকে লম্বা হাত বাড়িয়ে
চুলের ঝুঁটি ধ’রে ঘুরে বেড়িয়েছে আজ সারাদিন
কয়েকটা লতাপাতা নিয়ে
বিদঘূটে বাতাস,
হাতকড়া পরিয়ে দিয়েছে আমাকে,
লাল পাগড়ি-পরা পুলিশের মতো কৃষ্ণচূড়া
হেঁকে বললো:
‘তুমি বন্দি’!

আজ সকাল থেকে একজোড়া শালিক
গোয়েন্দার মতো আমার
পেছনে পেছনে ঘুরছে
যেন এভিনিউ পার হ’য়ে নির্জন সড়কে
পা রাখলেই আমাকে গ্রেঞ্চার ক’রে নিয়ে যাবে ঠিক!

‘তুমি অপরাধী’
-এই কথা ঢাক-ঢোল পিটিয়ে যেন
ব’লে গেল বজ্রসহ এক পশলা হঠাত বৃষ্টিপাত-
‘তুমি অপরাধী-
মানুষের মুখের আদলে গড়া একটি গোলাপের কাছে।’

বৃষ্টিভেজা একটি কালো কাক
একটা কম্পমান আধ-ভাঙা ডালের ওপর থেকে
কিছুটা কাতর আর কিছুটা কর্কশ গলায়
আবার ব’লে উঠলো : তুমি অপরাধী!

আজ সারাদিন বাতাস, বৃষ্টি আর শালিক
আমাকে ধাওয়া ক’রে বেড়ালো
এ প্রান্ত থেকে ও প্রান্ত পর্যন্ত
তোমার বাড়ির
কিন্নরকষ্ঠ নদী অবধি আমি গেলাম
কিন্তু সেখানে ঘাটের ওপর এক প্রাচীন বুড়ি

সোনার ছাই দিয়ে ঘটি-বাটি মেজে চলেছে আপন মনে ।
একটা সাংঘাতিক সৃষ্টি ধরনি শয়ে আছে
পিরিচে, পেয়ালায় ।

ঐ বাজনা শুনতে নেই
ঐ বাজনা নৌকোর পাল খুলে নেয়
ঐ বাজনা স্টিমারকে ডাঙার ওপর আছড়ে ফ্যালে
ঐ বাজনা গ্রাস করে প্রেম, শৃঙ্খলা, শস্য ও গৃহ

তোমার বাড়ির
কিন্মুরকষ্ট নদী অবধি আমি গিয়েছিলাম ।
কিন্তু হাতভর্তি শালিকের পালক
আর চুলের মধ্যে এলোপাতাড়ি বৃষ্টির ছাঁটি নিয়ে
উল্টোপাল্টা পা ফেলে
তোমার দরোজা পর্যন্ত যেতে ইচ্ছে হলো না ।

ঐ শালিকের ভেতর উন্মনের আভা, মশলার ত্রাণ ।
তোমার চিবুক, রুটি আর লালচে চুলের গন্ধ,
ঐ বৃষ্টির ফেঁটার মধ্যে পাতা আছে তোমার
বারান্দার চেয়ারগুলো
তাহলে তোমার কাছে গিয়ে আর কি হবে!

আজ সারাদিন একজোড়া শালিক
গোয়েন্দা পুলিশের মতো
বাতাস একটা বুনো একরোখা মোষের মতো
আমাকে ধাওয়া করে বেড়ালো এ প্রান্ত থেকে ও প্রান্ত পর্যন্ত

আমি অনেকদিন পর একজন হা-ঘরে
উদ্বাঞ্ছ হয়ে চরকির মতো গোটা শহর ঘুরে বেড়ালাম ।

আমাৰ বই
দুণিয়াৰ পাঠক এক ৩০

কেন যেতে চাই

আমি তোমাদেরই দিকে যেতে চাই
ঝক্বকে নতুন একটি সেতু
যেমন নদীর পাড়ে দাঁড়ানো ঐ লোকগুলোর কাছে পৌছে যেতে চায়
কিন্তু তামা ও পিতলসহ বাসন-কোসন, চিড়ে-গুড় ইত্যাদি গোছাতে
তোমরা ব্যস্ত, বড় বেশি ব্যস্ত।

মাঝে মাঝে দূর থেকে নিঃশব্দে দাঁড়িয়ে তোমাদের ব্যস্ততা দেখতে
ভালোবাসি।

সমুদ্র তরঙ্গগুলো সমুদ্রকে নিয়ে এ্যাতো ব্যস্ত নয়,
অরণ্যের অভ্যন্তরে ক্ষুধার্ত, স্বাধীন বাঘ হরিশের জন্য এ্যাতো
ব্যস্ত নয়,
দীর্ঘ অপেক্ষার পর প্রেমিকের হাত ব্রেসিয়ারের ভেতর এ্যাতো
ব্যস্ত নয়,

আমি তোমাদেরই দিকে যেতে চাই
শীতের পর প্রথম উল্টোপাল্টা বাতাস যেমন
প্রত্যেকটি ফাঁক-ফোকর এবং রঞ্জ দিয়ে যেতে চায় তোমাদের
চোখে-মূখে-চুলে
কিন্তু তৈজসপত্রের রঙ, টেবিল ও চেয়ারের ঢঙ, জানালার পর্দা
ইত্যাদি
বদলাতে, গোছগাছ করতে
তোমরা ব্যস্ত, বড় বেশি ব্যস্ত।

কুঠি-কখনো খুব কাছ থেকে তোমাদের প্রচণ্ড ব্যস্ততা আমি দেখি,
দিগন্ত আঁধার-করা সজল শ্রাবণও বৃষ্টি ঝরানোর জন্য
অমন ব্যস্ত নয়,
তাক-করা রাইফেলের অমোগ রেশ থেকে উড়ে পালানোর জন্য
হরিয়ালের ঝাঁকও অমন ব্যস্ত নয়,
কর্কট-রোগীর দেহে ক্যান্সারের কোষগুলো ছড়িয়ে পড়ার জন্য
অমন ব্যস্ত নয়,

আমি তো তোমাদেরই দিকে যেতে চাই
ইন্দুনীল একটি মোহন আঁটি
প্রেমিকের কম্পমান হাত থেকে প্রেমিকার আঙুলে যেমন
উঠে যেতে চায়,
কিন্তু চাষাবাদ, বাণিজ্য এবং প্রতিযোগিতামূলক শিল্প
ইত্যাদি বিষয় নিয়ে
তোমরা ব্যস্ত, বড় বেশি ব্যস্ত !

হরিণ-হননকামী ব্যাধের মাংসল মুঠো থেকে ছুটে-যাওয়া
বল্লমের মতো তোমরা ব্যবস্ত
দিগন্বন্ত তৃক্ষণাত্ম পথিককে গিলে ফেলার জন্য উস্তর বাংলার
চোরাবালির মতো তোমরা ব্যস্ত
চিরচেনা বৃক্ষরাজিকে পল্লবশূণ্য করার জন্য শীতের জটিল
বিস্তারের মতো তোমরা ব্যস্ত
যাত্রী নিয়ে ঘর-ফেরা নৌকাগুলো হরণ করার জন্য চোরাস্ত্রাতে
এবং ঘূর্ণিপাকের মতো তোমরা ব্যস্ত

তোমরা ব্যস্ত, তোমরা ব্যস্ত, তোমরা ব্যস্ত
তোমরা বড় বেশি ব্যস্ত
অথচ আমি তো আজীবন তোমাদেরই দিকে যেতে চাই।
কেন যেতে চাই!

একটা মরা শালিক

(আবদুল মার্যাদ সৈয়দ-কে)

একটা মরা শালিক দেখে এই উজ্জেব্বনার কথা আমার তো নয়।

বন্ধুদের মৃতদেহ শনাক্ত করার জন্যে আমি উদাসীনভাবে হেঁটে

গেছি মর্গে, বহুবার,

পলেন্টরা খসে-পড়া দেয়ালের সঙ্গে চোখ বাঁধা প্রিয়জনকে দেখেছি
স্টেনগানে পরিবৃত:

দেখেছি পিতাকে লাবণ্যের বাল্যকাল ছিঁড়ে

কবরখানার দিকে চলে যেতে, কৈশোরে মাঁকেও;

শক্ত ছুরিতে বেঁধা অসংখ্য মৃত্যু পার হ'য়ে

নিদারণ এক পাকাপোক্ত মানুষের মতো

অথবা সেই সমর্থ বৃন্দের মতোন আত্মরক্ষাময় স্থবিরতায়

পৌছে গেছি নিরাপদে, যিনি পুত্র এবং আপন

পুত্রের পুত্রকে দেখেছেন

হঠাতে ম'রে যেতে, দেখেছেন-

স্বাধীনতা, স্বজন হনন, ট্রেঞ্চ, কামানের ঝলমলে নল জ্যোৎস্নারাতে;

অথচ ইতিহাসের একেকটি ভয়ঙ্কর বাঁকে দাঁড়িয়েও

তিনি ভোলেন নি কখনও নিশ্চিন্তে তাঁর

প্রিয় পানঙ্গলো চিরুতে, এইতো সেদিনও তাঁকে দেখলাম

প্রতিবেশীদের শব্যাত্রায় নিশ্চিত সঙ্গী হয়ে, একাকী আজিমপুর থেকে
বেরিয়ে এসেই কবরখানার গেটে-পানের দোকানে

'আরেকটু জর্দা দাও' বলে বাড়িয়ে দিলেন তাঁর

লোলচর্ম, শিরা-ওঠা হাত!

আমারও চৈতন্য এই শিরা-ওঠা বৃন্দের হাতের মতো

সবকিছু দেখেছিল ছুঁয়ে-শিশুর কোমল তৃক,

নধর ছাগল ছানা, নিঞ্জল নারী ও গোলাপের চারা,

অকালে নিঃস্পন্দ সব বন্ধুদের চোখ।

এখন তো উত্তর তিরিশ আমি, অল্প বয়সেই অর্ধাং চরিশ

কিংবা পঁচিশের ঢের আগে, মায়ের মৃত্যুর পর

আমিও ভেবেছি : 'এবার অপার স্বাধীনতা, যদিও নেহাঁ ব্যক্তিগত,

তবুও, আর তো পরাধীন নই আমি'-অভিভাবকহীনভাবেই

সেদিন ভেবেছি স্বাধীনতা, এখনও তাবি। এই যেমন ধরুন

একেক সময় একেকটি দেশে কেউ কেউ শিরস্তান্বের প্রভাবে

অত্যধিক অভিভাবক হয়ে উঠেন বলেই মাঝে মাঝে এতো শোরগোল,
হৈছলা : 'সমাজতন্ত্র, রাষ্ট্রতন্ত্র, গণতন্ত্র', বলে চিৎকার! আদর্শবাদও
ছিলো না আমার (আদর্শ কি অভিভাবক নয়?)
সম্পূর্ণ স্বাধীনভাবে বেড়ে উঠেছি নটরাজের মতো,
নতজানু কখনো হই নি আমি গোলাপ অথবা রাঙা মেঘের স্বাস্থ্যের
কাছে,

কিংবা কোনো গভীর শব্দাত্মার কাছে,
তবুও কখনো-সখনো অভিভাবক এসেছে নিউক্লিয়ার সাবমেরিনের
মতো দ্রুতবেগে

মহিলার সোনালি চুল হ'য়ে জুই বিংবা চন্দ্রমলি-কার ছঞ্চবেশে।

তাদের অচির আধিপত্য মেনে নিয়েও
সব শোক, প্রেম, হতাশার পরপারে দাঁড়িয়ে
সেই বৃক্ষের হাত আমার চৈতন্য থেকে উঠে এসে
কবরখানার কাছে দাঁড়িয়ে বলেছে
'-আরেকটু জর্দা দাও !'

অভিষ্ঠ বৃক্ষের প্রজ্ঞা অর্জন করেছি ভেবে
উপেক্ষার উচু দুর্গে
রাজাধিরাজের মতো বসেছিলাম স্থবির, নিঃস্পন্দ
স্বায়ত্ত্বাসিত হৃদয় নিয়ে-নর্তকীদের মোহন উরুর পরপারে।

অথচ আজ ভোরে নৈশকালীন বাতাস ও বৃষ্টির পর
দরোজা খুলেই দেখি-উঠেনের কিছু প্রগাঢ় সবুজ
লতাপাতার মধ্যে একটা হলুদ মরা শালিক কাত হয়ে পড়ে আছে
তারপর সারাদিন সেই মরা শালিকটা
ঘুরে বেড়ালো আমার সঙ্গে সঙ্গে
আশ্চর্য নাছোড়বান্দা-ঘর থেকে ঘরে। রেস্তোরাঁয়,
রাস্তায়, আড়ডায়, ফুটপাতে, সর্বত্র সে গেল
আমার কাঁধের ওপর সওয়ার হয়ে : এবং আমার
মনে এলো অনেকদিন আগের কথা-শীতের সকালে
ও রকম শালিক রঙ্গ একটা হলুদ ওভারকোট পরে
আমি ঘুরে বেড়াতাম চৌমুরীদের বাগানে,
কিন্তু তাতে কী ? একটা মরা শালিক
আমার ওপর এমন দারুণ আধিপত্য
বিস্তার করবে কেন ? এই বিবর্ণ হলুদ আমার অভিভাবক
হয়ে উঠবে কেন ? আমি তো মৃতের উল্টে যাওয়া চোখের সাদা
অসংখ্যবার দেখেছি।

একটি ব্যক্তিগত বিপর্যয়ের জার্নাল

১২ই নভেম্বর, ১৯৭০

এতসব ছন্দবেশ আছে চৌদিকে, আজন্ম উন্মুল মানুষ
ভেবেছে তারও ঘর আছে, নিকেতনে ভ'রে আছে সমস্ত নিসর্গ
দৃধ-সরোবর ব'লে ভেবেছে সে স্বপ্নগত চোখে দ্র থেকে
অতল খাদের পর কুয়াশার নিষ্ঠরঙ্গ নিরন্ত্র বিস্তার।
তাই সে বেঁধেছে ঘর সম্প্রদায়ের পাখির স্বরে, চুপচুপি
চুরি ক'রে চুকে গেছে শিশিরের টলটলে ফোটার ভেতর
জ্যোৎস্নাকে করোগেট শিট ভেবে প্রাণদ্রাহী নদীর নিক্ষণে
তার সব নিরাপত্তা জমা আছে ভেবে বন্দনায় কষ্ট ছিড়েছে।

রাত্রে গাছের পাতায় আর ঘাসের ফাঁকে ফাঁকে
খুচরো পয়সার মতো ছড়ানো জ্যোৎস্নারাজি দেখে
ভিক্ষুকের মতো বারবার আমিও দাঁড়িয়েছি
হাতের রূক্ষ তালু প্রসারিত ক'রে

দেখেছি উদ্বাহ আত্মীয়ের নৃত্য
সমুদ্রের ডুগডুগি শুনে
আমি তাই বহুবার ভেবেছি
আমার বুভুক্ষা
হয়তো মেটাতে পারে কোন ইন্দ্রধনু
কিংবা রাত্রে শাদা কুয়াশায় মোড়া
সেবাপরায়ণ গাছগুলো নিপুণ নার্সের মতো
দাঁড়াবে মাথার কাছে
ওমুদ্রের ফোটার মতো বিন্দু বিন্দু
প্রতিশ্রুতিশীল শিশির গলাধঢকরণ ক'রে
নিন্দ যাবো নিচিতে নিশীথে।

আজীবন লোকালয় থেকে আমি
পালাতে চেয়েছি-অঙ্ককারে টর্চের আলোর চেয়েও
নির্ভরযোগ্য ভেবে জ্যোতিশান পুষ্পরাজিকে,
মেধার চেয়ে অধিক মেধাবী ব'লে জেনেছি জ্যোৎস্নাকে।

জানি নিসর্গ এক নিপুণ জেলে
কখনো গোধূলির হাওয়া, নিষ্ঠরঙ্গ জ্যোৎস্নার ফাঁদ পেতে রাখে,

তার অলৌকিক বড়শি থেকে ঝোলে পাখি, দোলে মেঘ
কোমল আহ্বানে উন্মুক্ত হয়ে যায়
কখনো নিশ্চীথ আসে নিঃশব্দে নিশির মতো
বড়ো অস্তরঙ্গের মতো কড়া নাড়ে
বন্ধুর আজন্ম চেনা কষ্টস্বরের ডাক শুনে যে যায়
সে জানি দাঁড়ায় না আর
তাল তাল কাদার মধ্যে ঘাড় গুঁজে পড়ে থাকে, একগুঁয়ে, বেসামাল !

১৩ই নভেম্বর, ১৯৭০

নিসর্গ সেদিন তার ছন্দবেশ খুলেছিল
একে একে সব অলংকার সে ফেলেছে,
যেমন রাজৰ্ষি যুবা প্ররোচিত হবার পর
বিয়ের সোনালি খাট থেকে হঠাত সভয়ে দ্যাখে
রক্ত-মাংসভুক ডাইনি এক তার প্রিয় প্রাসাদ জুড়ে
নর্তনে-কুর্দনে মেতে সব গয়না পরিত্যাগ করেছে।

নিসর্গ আবার তার মোহন ছন্দবেশ পরেছে।

১৪ই নভেম্বর, ১৯৭০

আমি তো শোকহস্ত নই, সকালের প্রথম প্রস্থ চা।
প্রথামতো ভিজিয়েছে রুক্ষ গলা; গতকালের জলোচ্ছাস বিধৃত
পত্রিকা দলা দলা হয়ে পড়ে আছে, হাতে আজকের কাগজ
ঢেঁটে চায়ের পেয়ালা, চোখে মৃত্যুর টাটকা ফটোয়াফ,
মনে : উপকূলবাসী নই বলে আশ্চর্য নিরাপত্তা !

চারদিকে চেয়ে দেখি সবকিছু ঠিকঠাক দাঁড়িয়ে রয়েছে
যে যার ভূমিকায়-কোট ঝুলছে আলনা থেকে
আমার দেহের জন্যে সদ্য পাড় ভাঙা শার্ট আলিঙ্গন উন্মুক্ত করেছে
বেসিন থেকে উড়ে গিয়ে বাসি ভ্রেড প্রজাপতির ছন্দবেশ পরে নি
গর্জন করছে না পোষমানা শহুরে প্রকৃতি খাচায় পোরা কোনো
বাঘের মতোন।

আমি তো শোকহস্ত নই, বঙ্গোপসাগরের নোনা পানি
আমার ক'ড়ে আঙুলও ছোঁয় নি, এমনকি ভেজাতে পারে নি
পা-জামার প্রাস্তুদেশ আর তা'ছাড়া চতুর্দিকে
(পৌর সমিতিকে ধন্যবাদ !) ঝোড়ো রাতের আশ্রয়ের আশ্বাস নিয়ে
থগ থগ দীপের মতো জেগে আছে অজস্র ফুটপাত !

আমি তো শোকহস্ত নই, টেলিফোনের ডায়াল ঘোরালে
 প্রত্যেকে উভয় দিছে যে যার নিজের ঘরে সুস্থ স্বাভাবিক।
 তবু শোকের প্রস্তাৱ চারদিকে, জীবিতেৰ মুখ যেন
 মিশে গেছে মৃতেৰ আদলে, শব্দাত্মাৰ মতো গম্ভীৰ মিছিলে
 হৈয়ে গেলো আমাৰ শহৰ, ভৰে গেলো বঙ্গোপসাগৱেৰ গৰ্জনে।

২২শে নভেম্বৰ, ১৯৭০

শহৱেৰ রেষ্টোৱাণলো নিজেদেৱ জায়গা হৈড়ে এক চুল নড়ে নি
 দোকান-পাট উন্মুক্ত খোলা, মানবিক অহক্ষাৱে মোড়া
 ডি-আই-টি'ৰ চূড়া মধ্যসমুদ্ৰে লাইট-হাউসেৰ মতো
 আমাদেৱ বোড়ো জাহাজটিকে দেখাচ্ছে পথ
 ট্ৰাফিক আইল্যান্ডে পুলিশ যেন নৌকোৱ পালেৱ মতো
 দাঁড়িয়ে রয়েছে উচু হ'য়ে।
 আৱ রাস্তাৰ নেমপ্লেটগুলো কম্পাসেৰ মতো মূল্যবান, বকবকে।
 চৰ্তুদিকে সব ঠিকঠাক এখনও রয়েছে,
 এখনো শোকহস্ত হই নি আমি, দেৱাজ খুলি,
 দেখি কাতাৱে কাতাৱে শুয়ে আছে মৃত শিশু
 হাতেৰ মুঠোৱ মধ্যে ন্যাপথলিন লাশেৰ চোখেৰ মতো শাদা
 তাকিয়ে রয়েছে অপলক যেন আমাৰ দিকেই
 শৱীৱে জড়ানো র্যাপাৱ আয়ত্তু গিলেছে আমাকে

নিৰ্বিবেকী কাফনেৰ মতো

আৱ আমাৰ ওয়াৰ্ডোৱ থেকে অনৰ্গল বেৱিয়ে আসছে
 আমাৰই কাপড়-চোপড় ফুলে যাওয়া লাশেৰ মতো
 যেখানেই হাত রাখি সবকিছু মৃতেৰ দেহেৰ মতো
 শীতল, ঠাণ্ডা, হিম
 ক্ৰিজেৰ হাতল, নিজেকে দেখাৱ আৰ্শি, ক্ষুৱেৱ শক্তকাঠ
 সবকিছুই ঠাণ্ডা, তুহিন।
 মাথাৱ ওপৱে আবৰ্তিত পাশা শকুনেৰ ছম্ববেশে
 উতৱোল উৎসবে মেতেছে
 এখনো চতুর্দিক ঠিকঠাক সবকিছু
 অথচ গেলাসেৰ জলে বিন্দু বিন্দু ঘূৰিতে
 স্বজনেৰ চেনা মুখগুলো ভাসছে লাশ হ'য়ে
 কোথায় পালাৰো, বলো, কাৰ দীপে, কোন ফুটপাতে
 একটি বোটেৰ মতো প্ৰিয়তম রেষ্টোৱাণ্টি চূৰ্ণ-বিচূৰ্ণ হ'য়ে
 প'ড়ে আছে বঙ্গোপসাগৱেৰ উপকূলে।

স্বতন্ত্র শতকের দিকে

শর্তবর্ষ পরমায় নয় যে আমার আমি তা জানি। তবু
আমার নিজস্ব শতকের গোধূলির দিকে তোমার মতন
অঞ্চলসরমান আমিও, এবং সেই সঙ্গে দেখে যাই
অন্তরাগ মানবিকতার।

আমাদের মধ্যে যারা, স্বপ্নকরোজ্জ্বল চোখে, পৌছে যাবে
নবীন শতকে, তারা কি ঘনিষ্ঠ আত্মীয় আমার?
অথবা আমি কি সহোদর তাদের? জানি না। কিন্তু অনবরত
বিদ্যুতে বিদ্যুতে স্বপ্নে স্বপ্নে বালছে উঠছে ফলপ্রসূহীন
আমার আকাশ।

তারাই যথার্থ যাত্রী যারা যায় হালকা-মন বেলুনের মতো
উনিশ শতকী এক মদ ও আফিমসেবী বিশৃঙ্খল
নিঃসঙ্গ কবির এই তীক্ষ্ণ উচ্চারণ অমোঘ বাণীর মতো
আমার স্মৃতিতে গেঁথে আছে আজো।

তা হলে যথার্থ যাত্রী কারা? কপর্দকহীন, হতাশা-শাসিত
স্বপ্নচুত প্রাজ্ঞ অহজেরা? নাকি মৃত্যুর তামস শিল্পে অনভিজ্ঞ
সেই তরুণেরা যারা পিতার চুম্বন থেকে খুব সৃষ্টিশীলভাবে
ঝরে পড়ছে এখন উন্মোচিত পঞ্চের মতো মাত্জরায়তে?
এবং অচিরে যারা বেরিয়ে পড়বে দিঘিদিক?

নাকি তুমি? আমি? আমাদের মুখর, বাচাল নেতৃবর্গ? কিংবা
আধুনিক রাষ্ট্রনায়কেরা, নির্ধিধায়, নিউক্লিয়ার রিএক্যাক্টরগুলো
রোপণ করছে দেশে-দেশে, এবং সমরাত্ত্বের কন্ট্রাষ্টের যাদের
ছায়াসহচর হয়ে ঘুরছে চতুর্দিকে?

যেমন বৃষ্টির শেষে শ্রেণে শ্রেণে জমে থাকে মেঘ চেনা পৃষ্ঠিবীর
বিভিন্ন আকাশে, তেমনি এই স্বপ্নাক্রান্ত ক্লান্ত শতকের
নষ্ট আকাঙ্ক্ষাগুলোর রাণি ধৰ্মসাবশেষের পাশে আজ
দাঁড়িয়ে রয়েছি যারা, আমাদের ন্যূজপৃষ্ঠে মরা হরিশের মতো
পড়ে আছে বৰ্তনিষ্ঠ ব্যাখ্যা ইতিহাসের।

এক রঙবেরঙের শতচিহ্ন তালি-মারা জনগণতাত্ত্বিক জামা
পরে আছি আমরা। এখনো উৎসবের সারি সারি
বাড়-লঠনের মতো সুষম ধন-বট্টনের প্রতি আমাদের অনুরাগ
বলমল করছে এক নির্বোধ বিশ্বাসে। এবং এখনো
কটা ঘায়ে নুনের ছিটার মতো এসে লাগে টেলিভিশনে যখন
লেনিনের ভূলুষ্ঠিত মৃত্যি দেখে পশ্চিমা পণ্ডিতকুল
মেতে ওঠে অশ্বীল উল্লাসে

শ্রেণীসাম্যের আদর্শে যারা একদা সংহত হয়েছিল এক
স্বপ্নজাত সোভিয়েত বলয়ে এখন কী যে অভিপ্রায় তাদের
বোৰা দায়।

তারা আজ পরম্পরের শোগিতে রাঙ্গিয়ে নিয়েছে হাত
এবং আপাত মনোরম সূর্যাস্তের বর্ণালি বিভার সাথে
হয়ে গেছে একাকার।

দুই মহাযুদ্ধের শোগিতে রাঙ্গা হয়ে আছে আমাদের
নিজস্ব শতক; এবং এখনো ভাতৃরক্ষে সিক্ত আমারও স্বদেশ,
উপরন্ত রক্তাপ্ত প্রতিবেশী ভারত এবং পূর্ব ইউরোপসহ
গৃহযুদ্ধ এখন আসন্ন প্রায় সমগ্র প্রাক্তন সোভিয়েত প্রাচ্যে।
(বৃথা গেল মাতার এ অশ্রুধারা, স্বজনের শোগিত প্রপাত)।
আমাদের অপব্যয়িত সোনালি যৌবন নিয়ে কোথায় দাঁড়াবো
বলো আজ! গণতন্ত্রের ক্ষয়ক্ষুণ্ণ স্বাস্থ্যের ওপর আস্থা নেই আর।
এবং খুচরো পয়সার মতো পথে-বিপথে খরচ হয়ে গেছে
সমকালীন স্বপ্নগুলো আমার।

তাই বলি, বারবার বলি; না যেন পড়ে আমার রক্ত পদচ্ছাপ
তোমার স্বতন্ত্র শতকে।

আমাৰ বই
দুণিয়াৰ পাঠক এক হও

আমার চুম্বনগলো পৌছে দাও

হে নবীনা, এই মধ্য-ম্যানহাটানে বাতাসের ঝাপটায়
তোমার হঠাৎ খুলে যাওয়া উদ্ধাম চুল
আমার বুকের 'পর আছড়ে পড়লো
চিরকালের বাংলার বৈশাখের ঝঝঝার মতন।

তোমার জবাব মতো চোখে রাঙা শ্রাবণের জল
পালতোলা নৌকার মতন বাঁকাচোরা ঢেউয়ে ঢেউয়ে কম্পমান
তোমার বিপদগ্রস্ত স্তন।
আমি ভাবতে পারি নি কোনোদিন এতো অসাধারণ আগুন
প্রলয় এবং ধ্বংস রয়েছে তোমার চুম্বনগলিতে!

হে নবীনা,
আমার তামাটে তিক্ত ওষ্ঠের ও অবয়বের জন্যে
যেসব চুম্বন জমে উঠবে সংগোপনে,
তাদের ওপর থেকে আমার স্বত্ত্বাধিকার আমি ফিরিয়ে নিলাম
আমাকে শীতের হাওয়ার হাতে ছেড়ে দাও,
স্বনির্বাচিত এই নির্বাসনে
নেকড়ের দঙ্গলের মতো আমাকে ছিড়ে খাক বরফে জলতে থাকা ঝাতু
শুধু তুমি,
আমার সংরক্ষ চুম্বনের অন্তর্লীন আগুনগলোকে
পৌছে দাও শ্রাবণে আষাঢ়ে রোরদ্যমান
বিব্রত বাংলায়,
বজ্জে, বজ্জে, বেজে উঠুক নতজানু স্বদেশ আমার।

একে বলতে পারো একুশের কবিতা

এই কবিতাটি সরাসরি একুশের কবিতা নয়,
কিন্তু যদি তুমি অপলক তাকিয়ে থাকো এই শব্দমালার দিকে,
তুমি দেখতে পাবে এই কবিতার ভেতর ফলুধারার মতো বয়ে চলেছে
শ্রাবনের রাঙা জল—একে তুমি একুশের কবিতা বলতে পারো।

এই কবিতাটি সরাসরি একুশের কবিতা নয়,
কিন্তু যারা প্রেমিক তাদের চোখে ঠিক ধরা পড়বে—
এই কবিতার উপর আঘাতের ঘনমেঘের এবং শাড়ি পরা বাংলার মায়েদের
দীর্ঘ ছায়া পড়ে আছে;
এই কবিতার গভীরে এখনো ‘জল পড়ে পাতা নড়ে’,
এখনো বিরতিহীনভাবে বয়ে চলেছে বাংলার বর্ষণমুখের রাত্রির কালো হাওয়া
এ কবিতা একুশেরই কবিতা।

এই কবিতাটি সরাসরি একুশের কবিতা নয়।
কিন্তু বৈশাখের খরৌদে সোনালি খড়বাহী গরুর গাড়ির মতো
মহুরভাবে এগিয়ে চলেছে এই কবিতা, এখন আমি জানি
একুশই হচ্ছে এই পঙ্ক্তিগুলোর জরায়ু—
একে আমি একুশের কবিতাই বলতে চাই!

আমার মনে আছে ১৯৫২-এর স্লোগান চধ্বনি একুশের অপরাহ্নে
আমি দেখেছি পাখির পালকের মতো হালকা এক
ভিখিরি বালকের মৃত্যু এক অমোগ স্ত্রি-নট-স্ত্রির শুলিতে।
তার কথা একুশের ইতিহাসে লেখাজোখা নেই;
এই কবিতাটিকে আমি সেই নিহত বালকের
শ্বেত কফিন ও শৃতির মিনার বলতে চাই,
এবং সেই অর্থেও একে আমি একুশের কবিতাই বলবো।
সেই এক সময় ছিল যখন বাংলা ভাষা থেকে নির্বাসনে পাঠানো হয়েছিল
বাংলা ভাষাকেই। সরকারি উদ্দিপনা বিদেশি সৈনিকের মতো ভারী বুট পরে
সদর্পে কুচকাওয়াজ করে বেড়িয়েছে আমাদের অচেনা শব্দগুলো
অথচ আমার এ শব্দমালা বাংলা ছাড়া অন্য কিছু নয়,
আর সেই অর্থেও একে আমি একুশের কবিতা বলতে চাই।

এই কবিতাটি সরাসরি একুশের কবিতা নয়।
কিন্তু যদি বরকত, রাফিক, সাশাম, জব্বারের অফুরান রঙের লালে
আমার বন্দেশ ঢুবে না যেতো—এই কবিতাটি লেখা হতো না কোনোদিন
অতএব এই কবিতাটিকে আমি একুশের কবিতাই বলতে চাই
দোহাই তোমাদের, তোমরা আপাতি কোরো না।

তাই এই দীর্ঘ পরবাস

দু টুকরো রুটি কিংবা লাল শানকি ভরা
এবং নশ্বরকুচির মতন কিছু লবণের কণা
দিগন্তের শান্ত দাওয়ায় আমাকে চাও নি তুমি দিতে-
তাই এই দীর্ঘ পরবাস।

জীবনকে শাপদস্কুল করে তুলেছো
এবং আমার প্রতিটি পদক্ষেপের ওপর
তোমাদের তাক-করা বন্দুকের নল।
বোপে ঝাড়ে সরীসৃপের মতন বুকে
নিরাপদ নির্ভৃত কুটির খুঁজতে হয়েছে আমাকে-
তাই এই দীর্ঘ পরবাস।

যা কিছু বলার ছিল দেশের-দশের কাছে
বলতে পারি নি আমি-
তাই এই পরবাস।

সূর্যে-সূর্যে গাঁথা লাল ঘোরগের চোখের মতন
হিরন্য ভোরবেলাকার শুচিশুভ্রতায়
আমার বিব্রত গানগুলো
কোনো সুষমা পায় নি খুঁজে আজো-
তাই এই পরবাস।

যারা ধরে আছে ধর্মের ধবজা
তাদের শিকারি কুকুরগুলোর মুখে
ভোরের নদীর মতো সাদা আমাদের প্রিয় খরগোশগুলো।
আহত-নিহত আজ এবং তারাই
প্রতিশ্রুত আজ বল্লাহীন বাণিজ্যে
তাই বিক্রি হয়ে গেছে আমাদের সমূহসম্ম, স্বাধীনতা, নিজস্ব আকাশ-
তাই এই দীর্ঘ পরবাস।

একরোখা এক জন্মান্ত্র প্রতিক্রিয়া আজ
সওয়ার হয়ে প্রগতির পিঠের ওপর

দারুণ মসৃণভাবে এগিয়ে চলেছে—
আর্তনাদ আৱ রাজপাতেৰ-তৰা অঙ্কার-প্ৰিয়
মধ্যযুগেৰ দিকে তাই এই পৱনাস।

স্থীকাৰ কৱছি আমি বৈশাখেৰ রঞ্জালয়ে
কৃষ্ণচূড়াৰ ডালে ডালে দেখেছি নৃত্যপৰ হলুদ-শালিক
বঙ্গোপসাগৱেৰ তৰঙ্গমালা থেকে
দেখেছি হিৱণপয়েন্টে দশ হাজাৱ হৱিশেৱে জ্যোৎস্না জুলা চোখ
দেখেছি সৈকতলঘ সমুদ্ৰেৰ জলে ভেসে থাকা তাৱা মাছেৰ স্পন্দন
নবদৰ্ষতিৰ চুম্বনেৰ মতো শুনেছি বৃষ্টিৰ ধৰণি
বাংলাৰ খৱায়।

সেই এক সময় ছিল
বাংলাৰ পথে পথে, রৌদ্ৰজলে সাঁৰে উষায়
অবিশ্বাস্য মৈত্ৰী আৱ আত্মেৰ
আপাৰ তত্ত্বি ছিল হৃদয়ে আমাৰ
আৱ ছিল অফুৱত মিষ্টান্ন ভাণ্ডাৰ আমাদেৱে জীবনকে ঘিৱে।
তবুও দেখেছি আমি অকাল জৱায় নুয়ে পড়া
সন্ধ্বান্ত কৃষকেৰ হাত
প্ৰসাৱিত সভ্যতাৰ শূন্যতাৰ দিকে।
বাংলাৰ বিষঘ মানচিত্ৰ
দেখেছি বন্ধুৰ মুখে,
স্বাধীনতাৰ সৈনিক ছিল যাৱা
আমি দেখেছি তাদেৱে নিষ্পন্দে নিহত হতে
তাই এই দীৰ্ঘ পৱনাস;
চিৰকাল পৱনাসী আমি স্বদেশে-বিদেশে।

সব নদী ঘরে ফেরে

বৃষ্টিশেষের সন্ধ্যাবেলায় এই যে আমি একা একাই
গাছতলাতে দাঁড়িয়ে আছি ।

তোমার মতন আমি কি ভাই বলতে পারি-
‘যাচ্ছি বাড়ি’ ।

হেথায় নয়, হোথায় নয়
সাপের মতন একটা রাস্তা চলে গেছে আড়াআড়ি ।
লণ্ঠনহীন এ রাস্তারে কে যায় কোথায়
পুরুষ এবং নারীকষ্ট বলল হেঁকে ‘যাচ্ছি বাড়ি’

সরু চালের সাদা ভাত আর পাবদা মাছের তরকারি
সাজিয়ে যাঁরা বসে আছেন
তাঁদের জানা দরকারি
ঘর ছেড়ে যে বেরিয়ে গেছে তার থাকে না
ঘরবাড়ি ।

তোমার আমার প্রিয় কবি কোথায় যে বলেছিলেন-
সব পাখিরা ঘরে ফেরে,
সব নদী ।
আমরা কেন দশ্ময়মান
গাছতলাতে নিরবর্ধি ।
কীর্তিনাশীর কালোস্তোতে
নৌকা ভাসে সারি সারি
একবার আমি বলতে পারি-
যাচ্ছি বাড়ি ।
যাচ্ছি বাড়ি ।

প্রবাসের পঙ্কজিমালা

দ্যাখো, দ্যাখো কী চমৎকার একটা চড়ুই
কী দারুণ কিটিরমিচির করছে আজ মার্কিনি ভাষায় এই
মেঘভারানত
অস্তহীন দুপুরবেলায়! হে চড়ুই
আদলে-গঠনে অবিকল তুমি দেখতে বাঙালি চড়ুইদের মতন
তোমার মুখে কি মানায় বস্তু শ্বেতাঙ্গের এই বিবর্ণ, বিদেশী
ভাষা,
বরং এদিকে এসো, তোমাকে শেখাই
অ-আ-ক-খ
হে চড়ুই বলো, বাংলা বলো।
বাংলা, যার সব সোনা
গচ্ছিত রেখেছি আমি
নদীর জলের শব্দে, ছলছল বয়ে যাওয়া স্নোতে
ইলিশ ও রোহিতের চোখে, গীতবিতানের প্লোকে-প্লোকে
আর বাতাসের তরঙ্গ-তোলা চিরচেনা মহিলার কালো চুলে,
চোখে ও চিরুকে।

হে কাক, হে কালো কাক! হঠাৎ কোথেকে তুমি এলে
এই বর্ণবাদী দেশে ? তুমি জানো, এ রাজ্যে অশ্বেতাঙ্গের মূল্য
নেই কোনো;
এখানে কী ? এ বিদেশে কেন ?
যাও, যদি পারো, দাও উড়াল বাংলার দিকে
সেখানে মানাবে বেশ সিক্ষ-মসৃণ-তোমার কালো ডানা।

আফ্রিকাতে গেলেও আপত্তি নেই মোটে,
সে তো এশিয়ার সহোদর-আয়াদেরই ভাই
কিন্তু এ কী শুরু করলে তুমি আমার কার্নিশে!
এ কেমন বেকায়দা বেচপ ধরন ? কেন এই চা-চা-চা,
চুইস্ট, হুলাহুপ নাচ !
কথক অথবা কথাকলি জানা নেই ?
তা হলে মার্কিন নাগরিক তুমি ? হে কাক ! তুমিও ?
অথচ দেখতে শুনতে তুমি ছবহ বাঙালি
কৈ এবং মাঞ্জুর মাছের মতো কালো।

হে মেঘ! হে পুঁজি পুঁজি মেঘ! তুমিও ঠকাবে নাকি
হে সিরাজদেশগামী ?
কাউকে বিশ্বাস নেই আর এই বিকল্প বিদেশে।
তবু বলি : যদি পারো,
হে নন্দিত মেঘ তুমি নেমে এসো
ঘন ও নিবিড় হয়ে, করুণা ধারায় নেথে এসো
শ্রাবণে শ্রাবণে তুমি, হে বছু স্পন্দিত করে দাও
এই অফুরান পরবাস।

যাত্রা

জলের দিকে জল ভেসে যায়
হাওয়ার দিকে হাওয়া।
তাকিয়ে থাকি, চোখ চলে না
সমুদ্রের পারে,
একা-একা একলা অঙ্ককারে
আমার আছে কেবল নৌকা বাওয়া।

যাছি কোথায়, কেউ জানে না,
পাগলা হাওয়া বাধ মানে না,
রাতের কালো জলে আমার
কথা ছিল একটু ধামার।

থেমেও ছিলাম, কেউ ডাকে নি
দুয়ার খুলে কেউ রাখে নি।
অশেষ জলে আশাও যে নেই আর
অন্তিম আমি দেখে যাবো ত্রিয়ামার।

একা-একা একলা অঙ্ককারে
ক্ষাণ্ডিবিহীন চলছে নৌকো বাওয়া,
তবুও আজ তিন পুরুষের
বসতবাটির দাওয়া...
মাঝে মাঝে বলছে হেঁকে—
এ তোমার কেমন চলে যাওয়া,
এ তোমার কেমন চলে যাওয়া।

কাক

তরঙ্গলো ভীষণ বিক্ষুব্ধ মাঝারাতে
যেন সমুদ্রকে শাসাছে!
কী চায় এই তরঙ্গলো কী বলতে চায়
এই শ্লোগান চখ্বল জলরাশি ? সুষম ধন-বণ্টন চায়
অনটন-ভরা নিরন্নের সংসারে ? চায় অবসান
শ্বেরাচারের ? তৃতীয় বিশ্বের নক্ষত্রপুঞ্জের মতো রাত্রিসমূহে
উথান চায় বিপুরী ? নাকি বিনষ্টি চায় শুধু নষ্ট হয়ে যাওয়া
এই ক্রন্দনহীন গ্রহের ?

নে নিসর্গ প্রেমিক! তাকিয়ে দ্যাখো কেশর ফুলিয়ে
এক রাগী বাতাস নিজের ক্ষুধার্ত দখলে এনেছে সমস্ত প্রকৃতি
যেন সিংহের থাবার নিচে থরথর করে কাঁপছে
তোমার প্রিয় বৃক্ষরাজি! কী বলতে চায় এই বাতাস!
গতকালও দেখেছি এক তরুণ প্রেমিকের মতো
নিজের লম্বা লম্বা আঙুলে
এই বাতাস গিটারের মতন নিসর্গকে বাজিয়ে চলেছে।
যেহেতু আজো ‘গেল না ভোলা আত্মকে সিঙ্গ মাত্তুমি’
তাই ক্ষিণ্বাতাস এমন উন্মুক্ত গর্জনে মেতেছে ?
কখনো-কখনো মনে হয় অসাম্যের অবসান যদি না ঘটে
কোনো মন্ত্রেই থামবে না এই বৈরী বাতাস!

সেদিন দেখেছি তিনটে শালিক যথার্থ দার্শনিকের মতো
গভীর পরামর্শে বসেছে তোমাদের বাড়ির উঠোনে।
মনে হলো নিরন্ন মানুষের চিংকার ওই পাখিদের শ্রতিগোচর হয়েছে।
যেন ওরা টের পেয়ে গেছে কী বিপন্ন আজ
আমাদের গ্রাম ও নগরগুলো! কী অক্লান্তভাবে বয়ে চলেছে
স্বজনের রক্তধারা আমাদের চতুর্দিকে!
আর এখন তাই আমাদের আকাশ জুড়ে উড়ছে অসংখ্য শোকের
পতাকার মতো কাক ? শুধু কাক ! শুধু কাক !

আমাৰ কই
দুণিয়াৰ পাঠক এক হও

নিরংদেশ যাত্রা

আমার মতন আম্যমাণ এক বিস্তুল মানুষ
ঘরের দিকেই

ফিরতে চাইবে

হ্যাঁ, এটাই সবচেয়ে সুস্থ

সহজ এবং স্বাভাবিক।

আমার নিজস্ব ঘরে প্রতিষ্ঠিত হব বলেই

আমি নিঃশব্দে বেরিয়ে পড়েছিলাম একদা

আমার আজন্ম-চেনা গৃহচ্ছায়া থেকে-

আমার প্রথম কৈশোরের রৌদ্রকরোজ্জ্বল ভোরে।

তারপর থেকেই-বলতে পারো, শুরু

হয়েছে আমার,

উখানে-পতনে ভরা (এক পা এগিয়ে যাওয়া এবং

দু'পা পিছিয়ে আসা) এক অন্তহীন নক্ষত্রবিহীন

যাত্রা।

শুরু হয়েছে আমার প্রত্যাবর্তন নানান

আঙিকে। একদা

পদব্রজে

(বলতে পারো) আমার বাড়ির দোরগোড়া অবধি

পৌছে গিয়েছিলাম পা-টিপে

পা-টিপে আমি, আহত জন্মের মতো নিজস্ব শুহার খোঁজে।

কিন্তু শিকারিদের উল্লাস আর সারি সারি বল্লমের সূতীক্ষ্ণ উল্লাস

বাধ্য করেছে আমাকে ঘরের দোরগোড়া থেকে ফিরে যেতে।

আর সেবার যখন মন্ত্রের মতন গুঞ্জরশে-ভরা

এক বৃষ্টি পড়া রাত্রে

লর্ণন নিভানো নৌকোর গলুই

দু'হাতে আঁকড়ে

ভেসে আমি যাচ্ছিলাম সেদিকে

যেখানে জুলছে বিষণ্ণ স্বদেশ

শবেবরাতের মোমের আলোর মতন

এয়েতির কপালের সিঁদুরের মতন

এবং তখনি সীমান্তের টহলদার সৈনিকদের বন্দুক উঠেছে গর্জে বারবার

অন্য একবার, উদাম, বোঢ়ো আবহাওয়ায়
একটি নিমজ্জমান জাহাজের ডকে দাঁড়িয়ে দেখেছি
অপস্থিমাণ উপকূলে,
তিমিরে আচ্ছন্ন,
একটি অচেনা পাহাড়ের সানুদেশে,
আমার মা'র কপালের টিপের মতন
আমার বোনের নাকফুলের মতন
জুলজুল করছে একটি গ্রাম।
'ক্যাপ্টেন ক্যাপ্টেন জাহাজ থামাও'।
না, আমি পারি নি চিন্তকার করতে
অথচ আমার
হৃৎপিণ্ডে এখনো বেজে চলেছে জলের পর ঘর-ফেরা
ছিপ নৌকোর বৈঠার মতন! 'ক্যাপ্টেন, ক্যাপ্টেন'

তিন তিনটে মহাদেশ থেকে
অন্তত দু'বার উড়োজাহাজের টিকেট কিনেও
তোমাদের উঠোন পেরিয়ে
নিজস্ব আটচালার দিকে যাবা সাঙ্গ হয় নি এখনো
তোমরা বিশ্বাস করো
হয় বেহারার পালকিতে আমিও
চেপেছি একদা এবং 'হমনা হমনা'
করতে করতে সেই গাঁয়ের নদীর
কিনার অবধি
পৌছে
'পৃথিবীকে মায়াবী নদীর তীরে এক দেশ ব'লে
আমারও হয়েছে মনে'
কিন্তু আমি
সেখানে আমার গাঁ কিংবা শহর
কিংবা বাড়ি কিছুই এখনো ঝুঁজে পেলাম না।

বলতে পারো আমিও নাছোড়বান্দা
নানা দেশে ও বিদেশে ঘুরে
বিভিন্ন ধরনের ধান্দা জানা আছে আমারও
অতএব বলছি, আবারো বলছি :
আমি ভ্রাম্যমাণ

কিন্তু এই নিরন্দেশ যাত্রা ঘরের দিকেই-পদব্রজে,
হামাগুড়ি দিয়ে, গিরগিটি বা সাগের মতো
বুকে হেঁটে হেঁটে
কিমার্চর্য!

যতোবাৰ আমি ঘরের নিকটবর্তী হই
কুয়াশা আক্রান্ত সেই বারান্দায় রয়েছে দাঁড়ানো আজো
একটি অস্পষ্ট ছায়ামূর্তি-একদা কৈশোরে
যে আমাকে জানিয়েছিলো বিদায়, সেই ছায়ামূর্তি
আজো, এখনো, আমাকে লক্ষ্য ক'রে উড়িয়ে চলেছে একটি বিদায়ী
কুমাল।

আমাৰ বই
দুণিয়াৰ পাঠক এক হও